

MECLİS -i MEŞÂYİH DEFTERLERİ

7

PROJE YÜRÜTÜCÜSÜ

HASAN KAMİL YILMAZ

EDİTÖRLER

HASAN KAMİL YILMAZ

AYHAN IŞIK

MELİHA AYDINLI



Türkiye Diyanet Vakfı Yayınları Yayın No. 1568
İSAM Yayınları 277
Başvuru Eserleri Dizisi 55
© Her hakkı mahfuzdur.

MECLİS-i MEŞÂYİH DEFTERLERİ

7. Cilt

Proje yürütücüsü Hasan Kamil Yılmaz
Editör Hasan Kamil Yılmaz, Ayhan Işık, Meliha Aydın
Yayın danışmanı İsmail Kara, Bilgin Aydın



TDV İslam Araştırmaları Merkezi (İSAM)
tarafından yayına hazırlanmıştır.
İcadiye-Bağlarbaşı Cad. 38 Üsküdar / İstanbul
Tel. 0216. 474 08 50
www.isam.org.tr yayin@isam.org.tr

Yayın yöneticisi Yaşar Çolak
Yayın editörü Mustafa Demiray
Proje koordinasyon Arzu Güldöşüren
Çeviri yazı ve özet Ayhan Işık, Esra Yıldız, Meliha Aydın
Mukabele Esra Yıldız, Beşir Şen, Ayhan Işık, Nedim Pakırdağ,
Nevzat Sağlam, Necati Döğüş, Meliha Aydın
Özetlerin redaksiyonu Rabia Aydın
İmla İnayet Bebek
Grafik uygulama Ender Boztürk
Kapak tasarım Hasan Hüseyin Can

Bu eser
TDV İslam Araştırmaları Merkezi'nin (İSAM)
Meclis-i Meşâyih Defterleri Projesi
kapsamında yayımlanmıştır.

Bu kitap
İSAM Yönetim Kurulu'nun
29.08.2025 tarihli ve 2025/07 sayılı kararıyla basılmıştır.
Birinci Basım: İstanbul, Eylül 2025
ISBN 978-625-428-799-2 (Tk.)
978-625-428-806-7 (7. Cilt)



Basım, Yayın ve Dağıtım
TDV Yayın Matbaacılık ve Tic. İşl.
Ostim OSB Mahallesi, 1256 Cadde, No. 11
Yenimahalle / Ankara
Tel. 0312. 354 91 31 Faks. 0312. 354 91 32
bilgi@tdv.com.tr
Sertifika No. 48058

Meclis-i Meşâyih defterleri / ed. Hasan Kamil Yılmaz, Ayhan Işık, Meliha Aydın. -
İstanbul ; Ankara : İslam Araştırmaları Merkezi (İSAM) ; Türkiye Diyanet Vakfı, 2025.
7. c. (650 s.) ; 28 cm. - (Türkiye Diyanet Vakfı Yayınları ; 1568. İSAM Yayınları ; 277.
Başvuru Eserleri Dizisi ; 55)
ISBN 978-625-428-799-2 (Tk.) 978-625-428-806-7 (7. Cilt)

MECLİS - i MEŞÂYİH
DEFTERLERİ

1746
Numaralı
Müzekkire ve Derkenâr
Defteri

1746 NUMARALI MÜZEKKİRE VE DERKENÂR DEFTERİ

IST_MFT_MSH_DFT02_01746_0001-0001¹

Beşikçizâde Dergâhı'nda ikamet eden Emine Hanım'ı, üvey oğlu dergâh postnişini Ali Enver Efendi'nin dergâhtan çıkarmak istemesi üzerine, aralarının bulunarak Emine Hanım'ın dergâhta ikametinin sağlanması.

Bâb-ı Fetvâ Meclis-i Meşâyih									
Târih-i Tesvîd		Müsevid	Evrak Odası Numarası	Husûsî Numara			Meclis	Târih-i Tebyîz	
Arabî	Rumî							Arabî	Rumî
Fî 28 Şevvâl sene 1340	Fî 25 Haziran sene 1338	Hüsam	İstid'â 681	79	-	-	50	Fî 29 Şevvâl sene 1340 [25 Haziran 1922]	Fî 26 Haziran sene 1338
Derkenâr Emine Hanım tarafından takdîm olup havâle buyurulan işbu arzuhâl kırâet olundu. Meâlî: Beşikçizâde Dergâh-ı şerîfî postnişini üvey mahdûmu Ali Enver Efendi ahîran istihsâl eylediği berât-ı âlî üzerine kendilerini dergâh-ı mezkûrdan ihrâca cür'et eylediğinden ve sâireden bahisle bu bâbda vukû' bulan mürâca'ât-ı vâkı'aları üzerine Meclisce dergâh-ı mezkûrda ne sûretle iskânları karâr-gîr olduğunun kendisine tefhîmini istihâmdan ibâret olup kuyûda lede'l-mürâca'a dergâh-ı mezkûr meşîhat cihetinin asâleten Şeyh Ali Enver Efendi uhdesine vukû' bulan mu'âmele-i tevcîhiyyesi şart-ı vâkıfa ve ahkâm-ı nizâmîyyeye tevîkan icrâ edilip derkâr olan hâne buhrânı ve sâire gibi ahvâl-i hâzıra nazar-ı dikkate alınarak mûmâ-ileyhânın mahdûmlarıyla birlikte şeyh efendinin dergâhta münâsib gördüğü mahalde sâkin olarak âdâb-ı tarîkate muhâlif harekâtan tevakkî ve ictinâb ve şeyh-i mûmâ-ileyhe itâ'at eylemeleri tensîb olunmuş ve ol vechile tarafeyne tebliğ olundukta hüsn-i telakkî ve kabûl etmiş oldukları fî 25 Şa'bân sene 1340 ve fî 24 Nisan sene 1338 târihli ve 28 numaralı takdîm kılınan müzekkire-i dâ'iyânemiz müfâdından müstebân olmağla mürâca'atında keyfiyetin tefhîmiyle işbu arzuhâlin li-eclî'l-ihticâc müsted'îye i'tâsı zımında Evrâk Müdiriyyetine havâle buyurulması tezekkür kılındı ol bâbda. Mustafa Sîret, Cevdet, Remzi									

1 Tabloda bulunan başlıklar, diğer kararlarda tekrar edilmeden bu bilgi sırasına göre verilmiştir.

IST_MFT_MSH_DFT02_01746_0001-0002

Üsküdar'da İsfendiyyar Bey Dergâhı'nın, muhacir iskânına uygun olmadığından Muhâcirin-i Umûmiyye Müdüriyetine bildirilmesi.

Fî 29 Şevvâl sene 1340 / Fî 26 Haziran sene 1338 / Hüsâm / İstid'â 750 / - / - / - / 49 / Fî 29 Şevvâl sene 1340 [25 Haziran 1922] / Fî 26 Haziran sene 1338

Derkenâr

Üsküdar'da İsfendiyyar Bey Dergâh-ı şerîfi postnişini Hâfız Mehmed Emin Efendi tarafından takdîm olunup havâle buyurulan işbu arzuhâl kırâet olundu.

Dergâh-ı mezkûr dâhilinde şeyh efendilere meşrût olan hâne mesken-i hâs olduğundan muhâcir iskânı muvâfık olamayacağından işbu arzuhâlin mazrûfen Muhâcirin-i Umûmiyye Müdiriyyet-i aliyyesine irsâl buyurulması tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0003

Eyüpsultan'da Abdülmecid Sivâsî türbedarı Şeyh Fâzıl Efendi'nin vefatı üzerine, yerine zaviyedar olarak oğlu Salâhî Efendi tayin edildiği ve ayrıca türbedarlık ciheti olmadığından, türbedarlığın da kendisi tarafından ifa edileceğinin Evkaf Nezâretine bildirilmesi.

Fî 25 Şevvâl sene 1340 / Fî 22 Haziran sene 1338 / Hüsâm / Kırmızı 61 / 86 / 136114 - Husûsî 47 / - / 48 / Fî 29 Şevvâl sene 1340 [25 Haziran 1922] / Fî 26 Haziran sene 1338

Derkenâr

Evkâf-ı Hümâyûn Nezâreti Vekâlet-i celîlesinden vârid olup havâle buyurulan işbu tezkire kırâet olundu.

Meâli: Eyüpsultân civârında kâin Abdülmecid-i Sivasî Hazretleri türbedarı Fazıl Efendi'nin vukû'-ı vefâtına ve mezkûr türbedarlığın bir gûne muhassasâtı olmayıp mezkûr türbedarlığa ta'yîni Taşkasab'da kâin Şeyh Mehmed Nureddin Efendi Dergâhı postnişini Yusuf Efendi'nin bâ-istid'â vukû' bulan talebine ve lede't-tedkik mahall-i mezkûrda ne türbedarlığa ne de meşîhat cihetine dâir kayda destres olunamamasına binâen ber-mûceb-i taleb bilâ-muhassasât müsted'î-i mûmâ-ileyhe tevcih olunup Meclis-i dâ'iyânemizce türbe-i şerîfenin dergâh olarak mukayyed bulunmasına ve müteveffâ Şeyh Fazıl Efendi'nin mahdûmu Salâhî Efendi'nin ta'yîn olduğuy istihbâr kılındığından bu bâbdaki mu'âmele-i mesbûkanın iş'arını beyândan ibâret olup kuyûda lede'l-mürâca'a Hazret-i Ebâ Eyyûb el-Ensârî -radiye anhü'l-Bârî- civârında kutbül-ârifin eş-Şeyh Abdülmecid-i Sivasî Hazretlerinin merkad-i şerîfleri bulunan hadîka ve zâviyelerinin evlâdına meşrût olan tevliyet ve zâviyedârlığı fî 15 Safer sene 1295 târihinde evlâd-ı vâkıfın ekber ve erşedi bulunan Ahmed Tefvik Efendi'ye ve onun vefâtıyla fî 21 Zilhicce sene 1312 târihleriyle müverrah Meclis-i Meşâyih mazbatası mücebince ekber ve eslah evlâdı Mehmed Fazıl Efendi'ye ve bu kere mûmâ-ileyhin vukû'-ı vefâtıyla mûmâ-ileyhten inhilâl eden mezkûr tevliyet cihetinin mahdûmu mûmâ-ileyh Salâhî Efendi'ye nezâret-i müşârun-ileyhâca ber-mûceb-i şart-ı vâkıf tevcihi icrâ ve berât-ı âlîsi tastîr ve itâ buyurulup mezkûr zâviyedârlık cihetinin dahî hasbe'l-meşrûtiyye ve Tevcih-i Cihât Nizâmnamesi ahkâmına tevfikân Meclis-i dâ'iyânemizce müteveffâ-yı mûmâ-ileyhin kebir oğlu mûmâ-ileyh Salâhî Efendi'ye mu'âmele-i tevcihiyyesi

derdest olup şimdiye kadar mahall-i mezkûrda ayrıca türbedârlık ciheti olduğuna dâir bir kayıd ve ma'lûmât olmadığının ve türbe-i şerîfeye âid hidemâtın te'âmülü vechile zâviyedâr tarafından ifâsı lüzûmu derkâr bulunduğunun cevâben nezâret-i müşârun-ileyhâya iş'âr buyurulması tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0004

Padişahın müezzinlik hizmetinde istihdam edilen Yaşar Efendi'nin Samatya'da Sancaktar Dergâhı taâmiyesinden kendisine verilmekte olan otuz üç kuruşun kesilerek, dergâhın postnişini olan ağabeyi Sadeddin Efendi'ye ödenmesi.

Fî 23 Şevvâl sene 1340 / Fî 20 Haziran sene 1338 / Hüsâm / - / - / - / - / 47 / Fî 24 Şevvâl sene 1340 [20 Haziran 1922] / Fî 21 Haziran sene 1338

Samatya'da Sancakdâr Hayreddin Dergâh-ı şerîfi ta'âmiyyesinden hâl-i sıgarında biraderi Yaşar Efendi'nin i'âşesine medâr olmak üzere tefrîk edilen otuz üç guruşu mûmâ-ileyh el-yevm kebîr ve müezzinân-ı hazret-i şehriyârî silk-i celîline dâhil bulunduğundan ve sâireden bahisle mezkûr ta'âmiyyenin tam olarak tarafına i'tâsı dergâh-ı mezkûr postnişini Şeyh Sadeddin Efendi tarafından İstanbul vilâyeti Evkâf Müdiriyyet-i aliyyesine takdîm olunan arzuhâlde taleb ve istirhâm olunması üzerine mûndericâtına nazaran iktizâ-yı hâlin ta'yîn ve inbâsı zımnında mazrûfen Meclis-i dâ'iyânemiz riyâsetine irsâl buyurulan işbu arzuhâl kırâet olundu.

Mûmâ-ileyh Yaşar Efendi Meclis'e celb edilerek ber-vech-i ma'rûz keyfiyyet tefhîm olundukta şimdiye kadar ahzettekte olduğu meblağ-ı mezbûrdan keff-i yed eylediğini beyân etmekle mezkûr otuz üç guruş esâsen ta'âmiyyeden tefrîk edilmiş olup kemâ-fi's-sâbık dergâh-ı mezkûr nâmına tam olarak şeyh-i mûmâ-ileyhe tesviye ve i'tâsı lâzım geleceği Meclis kararıyla arz olunur efendim.

Riyâset nâmına

Remzi

IST_MFT_MSH_DFT02_01746_0001-0005

İstanbul'da Haydarhane Zaviyesi şeyh nâibi İzzet Efendi'nin zaviyedarlığını talep ettiği dergâha tayini yapıldığından, arzuhalinin Evrak İdaresinde hıfzı.

Fî 18 Şevvâl sene 1340 / Fî 15 Haziran sene 1338 / Hüsâm / İstid'â 544 / 76 / - / - / 46 / Fî 22 Şevvâl sene 1340 [18 Haziran 1922] / Fî 19 Haziran sene 1338

Derkenâr

İstanbul'da Haydarhâne Zâviyesinin şeyh nâibi İzzet Efendi tarafından takdîm olunup havâle buyurulan işbu arzuhâl kırâet olundu.

Derûn-ı arzuhâlde mahkî zâviyenin zâviyedârlık cihetinin usûl ve nizâmına tevfiқан mu'âmele-i tevcihiyyesi ifâ ve zahrında Kuyûd-ı Vakfiyye İdaresinden muhrec kayıd aynen defter-i mahsûsuna derc edilmekle evrâkta hıfzı tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0006

Dergâh meşihatlerine imtihanla tayin yapıldığından, Mehmed Sadeddin Efendi'nin tayin talebiyle verdiği dilekçesinin Evrak İdaresinde hıfzı.

Fî 18 Şevvâl sene 1340 / Fî 15 Haziran sene 1338 / Hüsam / İstid'â 618 / 74 / - / - / 45 / Fî 22 Şevvâl sene 1340 [18 Haziran 1922] / Fî 19 Haziran sene 1338

Derkenâr

Mehmed Sadeddin Efendi tarafından takdîm olup havâle buyurulan işbu arzuhâl kırâet olundu.

Mündericâtı: Münhal bir dergâh meşihatının uhdesine tevcihini istirhâmdan ibâret olup cihât-ı münhalenin tevcihi ahkâm-ı nizâmiyyeye tâbî' ve münhal vukû'unda evrâk-ı havâdisle müsâbaka i'ân olunduğu takdîrde şürût-ı nizâmiyyeye muvâfık vesâik-i lâzime ibrâzıyla li-eclî'l-imtihân mürâca'atta muhtâr idîğinin müsted'î-i mûmâ-ileyhe tefhîmi tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0007

Şeyh Ahmed Efendi'nin tayini teklif edilen Üsküdar Devâtizâde Zaviyesi; zaviyedarlık, meşihat, imamet ve hitabet cihetlerine ait deruhte kayıtlarının Evkaf Nezâretinden istenmesi.

Fî 17 Şevvâl sene 1340 / Fî 14 Haziran sene 1338 / Hüsam / İstid'â 584 / 67 / - / - / 44 / Fî 17 Şevvâl sene 1340 [13 Haziran 1922] / Fî 14 Haziran sene 1338

Derkenâr

Üsküdar'da kâin Devâtizâde eş-Şeyh Mustafa Efendi Zâviyesinin zâviyedarlık ve meşihat ve imâmet ve hitâbet cihetleri niyâbetine Şeyh Ahmed Efendi'nin ta'yîni istirhâmını havî Âsitâne-i Hazret-i Hüdâî postnişîni tarafından takdîm olup havâle buyurulan işbu inhâ kırâet olundu. İcâbı ba'dehû teemmül ve arz edilmek üzere evveleminde derûn-ı inhâda mahkî cihât-ı mezkûre der'uhde kayıtlarının ihrâc ve irsâli zımnında mazrûfen Evkâf-ı Hümâyûn Nezâreti Vekâlet-i celîlesine irsâl buyurulması bâbında.

Mustafa Sîret, Cevdet

IST_MFT_MSH_DFT02_01746_0001-0008

Mustafa Receb Efendi'nin tayinini talep ettiği dergâhın meşihatine ait vakfiye ve deruhte kayıtlarının Evkaf Nezâretinden istenmesi.

Fî 14 Şevvâl sene 1340 / Fî 11 Haziran sene 1338 / Hüsam / İstid'â 693 / 80 / - / - / 43 / Fî 17 Şevvâl sene 1340 [13 Haziran 1922] / Fî 14 Haziran sene 1338

Derkenâr

Mustafa Receb Efendi tarafından takdîm olup havâle buyurulan işbu arzuhâl kırâet olundu. İktizâsı ba'dehû teemmül ve arz olunmak üzere evveleminde derûn-ı arzuhâlde mahkî Dergâh-ı şerîf vakfiyesinin meşihate âid şürûtu fıkârâtıyla der'uhde kaydının ihrâc ve irsâli zımnında

mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0009

Üsküdar'da Şeyh Halim Efendi Zaviyesi meşihatine Sadeddin Efendi'nin asaleten tayini.

Fî 8 Şevvâl sene 1340 / Fî 5 Haziran sene 1338 / Hüsâm / İstid'â 242 / 32 / - / - / 42 / Fî 17 Şevvâl sene 1340 [13 Haziran 1922] / Fî 14 Haziran sene 1338

Derkenâr

Sadeddin Efendi tarafından takdîm olup havâle buyurulan işbu arzuhâl kırâet olundu.

Meâli: Üsküdar'da kâin eş-Şeyh Halim Efendi Zâviyesinin asâleten uhdesine tevcîhini istirhâmdan ibâret olup usûl ve nizâmı dâiresinde mûmâ-ileyhin imtihânı bi'l-icrâ cihet-i mezkûre vazîfesini îfâya iktidârı tebeyyün etmesine binâen asâleten mu'âmele-i tevcîhiyyesi icrâ edildiğinden mu'âmeleden müstağnî kalan işbu arzuhâlin Evrâk İdâresinde hıfzı tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0010

Kocamustafapaşa'da Ramazan Mahfi Dergâhı şeyhi Hafız Mehmed Efendi'nin; dergâhın şeyh vekili Sünbül Sinan Dergâhı zâkirbaşısı Sinan Efendi'nin rahatsızlığı sebebiyle, kardeşi Ahmed Râzî'yi vekil bıraktığını şikâyet ettiği dilekçesinin Evrak İdâresine gönderilmesi.

Fî 14 Şevvâl sene 1340 / Fî 11 Haziran sene 1338 / Hüsâm / İstid'â 535 / 63 / - / - / 41 / Fî 17 Şevvâl sene 1340 [13 Haziran 1922] / Fî 14 Haziran sene 1338

Derkenâr

Kocamustafapaşa civârında Ramazan Mahfi -kuddise sırruhu'l-âlî- Dergâh-ı şerîfi postnişini Hâfız Mehmed Efendi tarafından takdîm olup havâle buyurulan işbu arzuhâl ve merbûtu kırâet olundu.

Hülâsa-i meâli: Dergâh-ı mezkûr mesdûd ve zikrullâh îfâ edilmediği zannıyla Hazret-i Sünbül Sinan -kuddise sırruhu'l-Mennân- Hânkâh-ı şerîfi zâkirbaşısı Sinan Efendi ber-vech-i hasbî şeyh vekâletine ta'yîn buyurulmuş ise de rahatsızlığına binâen i'âde-i sıhhatine kadar biraderi Ahmed Râzî Efendi'yi tarafından tevkîl eylediğinden mûmâ-ileyh Sinan Efendi'nin îfâ-yı vazîfeden affını istirhâmdan ibârettir. Kuyûda lede'l-mürâca'a evvelce vukû' bulan ihbâr üzerine Meclis-i dâ'iyânemizce mahallinde icrâ ettirilen tahkîkâtta Dergâh-ı şerîfde muntazaman ezân okunup namâza devam ve i'tinâ olunmadığı ve Salı geceleri zikrullâh îfâ ediliyorsa da fukarâ ve dervîşân it'âm edilmemekte olduğu ve meşrûtahânenin iki kimseye kirâyâ verildiği ve şeyh-i mûmâ-ileyh el-yevm meflûc bir hâlde olup hâl-i sıhhatte iken Dergâh-ı şerîfin bu hâlde olmadığı ve biraderi mûmâ-ileyh Ahmed Râzî Efendi umûr-ı dergâhı ele aldığı günden beri ahvâl-i mebhûse ve âsâr-ı harâbî zuhûra geldiği ve bu bâbda Kuyûd-ı Vakfiyye İdâresinden celb ile tedkîk edilen vakfiye-i mukayyedesine nazaran meşîhat cihetinin evlâda meşrût olmadığı anlaşılmasına binâen mezkûr zâkirbaşısı hulefâdan ve erbâb-ı liyâkatten Sinan Efendi'nin vazîfe-i meşîhati vekâleten

îfâ etmesi dergâh-ı mezkûr umûr ve vezâîfinin dâire-i matlûbeye ircâ'ını te'mîne kâfi olacağı cihetle tensîb edilmiş ve ol vakitten beri hüsn-i îfâ-yı vazîfe edilmekte bulunmuş olduğundan başkaca mu'ameleye lüzûm ve mahal kalmadığının mürâca'at vukû'unda müsted'îye tefhîmiyle işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0011

Bursa'da Ramazan Baba Dergâhı şeyhi olan ve Dersaadet'te bulunan Ferid Efendi'nin; meşru mazereti sebebiyle görevinin başına hemen gidemeyeceğinden, dergâhın arazisine yapılan müdahalenin Hudâvendigâr Evkaf Müdüriyetince önlenmesi.

Fî 8 Şevvâl sene 1340 / Fî 5 Haziran sene 1338 / Hüsâm / Müzekkere 341 / 62 / - / - / 40 / Fî 10 Şevvâl sene 1340 [6 Haziran 1922] / Fî 8 Haziran sene 1338

Bursa'da Ramazan Baba Dergâhı arâzisine âhar tarafından müdâhale ve tecâvüz olunmakta bulunduğu ve Dersaadette bulunan şeyhi Ferid Efendi'nin vazîfesi başına avdet etmesi husûsunun kendisine tefhîmi husûsu Hudâvendigâr Evkâf Müdüriyetinden iş'âr kılındığını mübeyyin Evkâf-ı Hümâyûn Kuyûd-ı Vakfiyye İdâresinden vârid olup havâle buyurulan işbu müzekkire kırâet olundu.

Keyfiyyet mûmâ-ileyh Şeyh Ferid Efendi'ye tefhîm edildikte hâl-i hâzır dolayısıyla şimdilik vazîfesi başına avdet ve îfâ-yı vazîfe mümkün olamayacağından ahvâl-in inkişâfında vazîfesine avdet edeceğini beyân ve ifâde etmekle ma'zereti meşrû' görüldüğünden keyfiyyetin ve ol vakte kadar müdâhale-i vâkı'anın men'i hakkında mu'amele-i mümkün îfâsı husûsunun cevâben müdüriyet-i mûmâ-ileyhâya iş'ârı zımında mazrûfen î'ade buyurulması tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0012

Hazret-i Sünbül Sinan Hankahı'ndaki Vezir Koca Mustafa Paşa-yı Atik Camii'nin; müezzinlik, devirhanlık ve diğer münhal cihetlerinin caminin hatibi Râzî Efendi'ye tevcihi.

Fî 26 Şa'bân sene 1340 / Fî 25 Nisan sene 1338 / Hüsâm / Kırmızı 20 / 5 / 134885 - Husûsî 6 / Dosya 59328 / 39 / Fî 6 Şevvâl sene 1340 [2 Haziran 1922] / Fî 3 Haziran sene 1338

Derkenâr

Fî 10 Şa'bân sene 1337 târihli ve 15 numaralı takdîm olunan mazbata-i dâ'iyânemizle Hazret-i Sünbül Sinan -kuddise sırruhu'l-Mennân- Hânkâh-ı şerîfi derûnunda kâin Vezîr-i esbak Koca Mustafa Paşa-yı Atik Câmi'-i şerîfinin münhal bulunan imâm-ı sânilik cihetinin Hâfız Murad ve kayyım-ı sânilîğinin Seyfeddin ve müezzinliğin Mustafa Salih ve devirhânlığın Hâfız Abdullah ve na'at-hânlıkla diğer devirhânlığın Hasan Fehmi efendilere tevcihi arz olunmasına mebnî îcâbı icrâ ve ol vechile Evkâf-ı Hümâyûn Nezâret-i celîlesine iş'âr buyurulmuş ise de câmi'-i mezkûrun tasnîf-ı sınıfa göre biri sermüezzin olmak üzere dört müezzini bulunmasına nazaran sûret-i ma'rûza vechile mu'amele-i kaydiyye îfâsı mümkün olamadığından Meclis-i dâ'iyânemizce îcâbı teemmül edilerek keyfiyyetin inbâsı zımında nezâret-i müşârun-ileyhâ Vekâlet-i celîlesinden vârid olup havâle buyurulan işbu tezkire kırâet olundu.

İcâbı lede'l-müzâkere sâlifü'l-arz mazbatanın tanzîmi târihinde mezkûr karârname tasnîf defteri Meclis'e tebliğ edilmemiş olduğundan bi'l-âhare ol bâbda cerâyan eden muhâbere üzerine gönderilen tasnîf kararnâmesiyle merbûtu defterde Câmi'-i şerîf-i mezkûr tasnîfen üçüncü sınıfın kısm-ı evvelinde mukayyed olduğu ve sınıf-ı mezkûrda biri sermüezzin olmak üzere dört müezzin bulunması lâzım geleceği anlaşılmış ve esâsen mûmâ-ileyh Mustafa Salih Efendi'nin târih-i ta'yîninden beri ifâ-yı vazîfe etmediği bi't-tahkîk anlaşıldığına binâen mazbatada gösterilen mezkûr müezzinliğin mûmâ-ileyhe tevcihi hakkındaki mu'âmele-i sâbika keen lem-yekûn addedilmiş ve mezkûr karârnamede beyân olunduğu vechile devirhânlık gibi cihâtın âhara tevcih olunmayıp Câmi'-i şerifte muvazzaf bulunan cihât-ı ilmiyye ashâbına tevhiiden tevcihi muktezî bulunmuş olduğundan hâricden Abdullah Efendi'ye tevcihi arz edilen münhal bulunan mezkûr devirhânlığın dahi Câmi'-i şerîf-i mezkûr hatîbi Râzî Efendi'ye tevcihi tasnîf karârnamesi ahkâmına muvâfık görülmüş olmağla rehîn-i tasvîb-i âlî-i cenâb-ı Meşihat-penâhileri buyurulduğu takdirde mu'âmele-i kuyûdiyyenin icrâsı husûsunun bâ-tezkire-i aliyye nezâret-i müşârun-ileyhâya iş'âr buyurulması bâbında.

Mustafa Sîret, Cevdet, Remzi

IST_MFT_MSH_DFT02_01746_0001-0013

Ali Sıdkî Efendi'nin verdiği arzuhalde, bahsi geçen iki cihete ait deruhte kayıtlarının Evkaf Nezâretinden istenmesi.

Fî 10 Ramazan sene 1340 / Fî 8 Mayıs sene 1338 / Hüsâm / İstid'â 576 / 66 / - / - / 38 / Fî 6 Şevvâl sene 1340 [2 Haziran 1922] / Fî 3 Haziran sene 1338

Derkenâr

Ali Sıdkî Efendi tarafından Evkâf-ı Hümayûn Nezâret-i celîlesine i'tâ olunup mazrûfen makâm-ı âlî-i cenâb-ı Meşihat-penâhilerine bi't-takdîm havâle buyurulan işbu arzuhâl kırâet olundu.

Ba'dehû icâbı teemmül ve arz olunmak üzere evvelemerde derûn-ı arzuhâlde mahkî ciheteyn-i mezkûreteynin der'uhde kaydının ihrâc ve irsâli zımnında mazrûfen nezâret-i müşârun-ileyhâya tesyâr buyurulması tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0014

Saraçhanebaşı'ndaki Haydarhane Dergâhı meşihatının vakfiye ve deruhte kayıtlarının Evkaf Nezâretinden istenmesi.

Fî 28 Şa'bân sene 1340 / Fî 27 Nisan sene 1338 / Hüsâm / İstid'â 544 / - / - / - / 37 / Fî 5 Şa'bân [Ramazan] sene 1340 [2 Mayıs 1922] / Fî 3 Mayıs sene 1338

Derkenâr

Mehmed İzzet Efendi tarafından takdîm olunup havâle buyurulan işbu arzuhâl kırâet olundu.

Meâlî: Saraçhanebaşı civârında kâin Haydarhâne Dergâh-ı şerîfi meşihat ciheti tarafından bi'n-niyâbe ifâ-yı hizmet etmek üzere İrfan Efendi uhdesinde olup mûmâ-ileyh dergâh-ı mezkûr umûrunu idâreye muktedir bulunduğundan bahisle cihet-i mezkûrenin asâleten mu'âmele-i tevcihiyyesini istihâmdan ibâret olup iktizâsı ba'dehû teemmül olunmak üzere evvelemerde

dergâh-ı mezkûrun meşihatine âid fıkra-i vakfiyesiyle der'uhde kaydının mütâla'asına lüzûm görüldüğünden ihrâc ve irsâli zımında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0015

İzinli olarak İnegöl'e gitmiş olan Hırka-i Şerîf civarındaki Uşşâkî Dergâhı şeyhi İzzet Efendi'nin Dersaadet'e dönerek görevine başlaması.

Fî 23 Şa'bân sene 1340 / Fî 22 Nisan sene 1338 / Hüsâm / Kırmızı 38 / 43 / 135399 - Husûsî 24 / - / 31 / Fî 25 Şa'bân sene 1340 [23 Nisan 1922] / Fî 24 Nisan sene 1338

Derkenâr

Hırka-i şerîf civârında kâin Uşşâkî Dergâhı şeyhi İzzet Efendi yerine gayr-i resmî olarak Kasımpaşâda Hüsameddin-i Uşşâkî Hânkâh-ı şerîfi postnişîni Şeyh Mustafa Efendi'yi tevkîl ve Anadolu'ya azîmet etmesine ve vekîl-i mûmâ-ileyhin rahatsız bulunmasına binâen zikrullâh ifâ olunmamakta idiği icrâ ettirilen tahkîkâtla tebeyyün etmiş olduğundan bahisle muktezâsının ifâ ve netîcesinin inbâsına dâir Mebânî-i Hayr[iyye] Kalemî Müdiriyyeti ifâdesiyle Evkâf-ı Hümâyûn Nezâreti Vekâlet-i celîlesinden vârid olup havâle buyurulan işbu tezkire kırâet olundu.

Mûmâ-ileyh Şeyh İzzet Efendi evvelce Meclis-i dâ'iyânemize bi'l-mürâca'a İnegöl'de bulunan âilesini Dersaadet'e nakletmek için me'zûniyet istihsâl ettiği ve avdetine kadar vazîfe-i meşihat mu'attal kalmamak üzere Meclis-i dâ'iyânemiz karârıyla mûmâ-ileyh Şeyh Mustafa Efendi vazîfe-i mezkûreye vekîl ta'yîn edildiği kayden anlaşılmış ve mûmâ-ileyhin rahatsızlığı esnâsında dahi vazîfesi ta'til edilmeyerek münâsibi tarafından ifâ ettirildiği bi't-tahkîk tebeyyün etmiş olduğu gibi mûmâ-ileyh Şeyh İzzet Efendi bu kere Dersaadet'e avdet ve bi'l-fi'il ifâ-yı vazîfeye mübâşeret eylemiş olmağla keyfiyyetin cevâben nezâret-i müşârun-ileyhâya iş'âr buyurulması tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0016

Tahir Halim Efendi'nin arzuhalinde bahsi geçen dergâhın vakfiye suretinin Evkaf Nezâretinden istenmesi.

Fî 23 Şa'bân sene 1340 / Fî 22 Nisan sene 1338 / Hüsâm / İstid'â 510 / 58 / - / - / 30 - 35 / Fî 25 Şa'bân sene 1340 [23 Nisan 1922] / Fî 24 Nisan sene 1338

Derkenâr

Tahir Halim Efendi tarafından takdîm olup havâle buyurulan işbu arzuhâl kırâet olundu.

Ba'dehû icâbı teemmül olunmak üzere evveleminde derûn-ı arzuhâlde mahkî Dergâh-ı şerîfin vakfiyesinin mütâla'asına lüzûm görüldüğünden bir kıt'a sûretinin ihrâc ve irsâli zımında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0017

Eyüpsultan'da Bahariye Mevlevîhanesi'ne muhacir iskân edilmesi.

Fî 19 Şa'bân sene 1340 / Fî 18 Nisan sene 1338 / Hüsâm / Kırmızı 43 / 57 / 51424 - Husûsî 16 / - / 29 - 34 / Fî 20 Şa'bân sene 1340 [18 Nisan 1922] / Fî 19 Nisan sene 1338

Derkenâr

Muhâcîrînin kesretle vürûduna mebnî Eyübsultân civârında kâin Bahariye Mevlevîhânesinin harem ve semâ'hâne ve dedegânının bi'l-fi'il ikâmet ettikleri mahaller istisnâ edilmek üzere aksâm ve müştemilât-ı sâiresine muhâcîr iskânı taht-ı karâra alındığına dâir Dâhiliye Nezâret-i celîlesinden vârid olup havâle buyurulan işbu tezkire kırâet ve aynen defter-i mahsûsuna kaydedilmekle ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0018

Eyüpsultan'da Nişancı Mahallesi'ndeki Sivaslı Dergâhı'na muhacir iskân edilmesi.

Fî 13 Şa'bân sene 1340 / Fî 11 Nisan sene 1338 / Hüsâm / 55 / Kırmızı 42 / 51366 - Husûsî 15 / - / 28 - 33 / Fî 18 Şa'bân sene 1340 [16 Nisan 1922] / Fî 17 Nisan sene 1338

Derkenâr

Eyüp'te Nişancı Mahallesi'nde kâin Sivaslı Dergâhına muhâcîr iskânı taht-ı karâra alındığına dâir Dâhiliye Nezâret-i celîlesinden vârid olup havâle buyurulan işbu tezkire kırâet ve aynen defter-i mahsûsuna kaydedilmekle ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0019

Eğrikapı'da Molla Aşkî Mahallesi'nde arsa halinde bulunan Hakîkizâde Osman Efendi Zaviyesi meşihatının, kendi malıyla yeniden inşa etmek şartıyla İbrâhim Halil Efendi'ye tevcihi.

Fî 12 Şa'bân sene 1340 / Fî 10 Nisan sene 1338 / Hüsâm / İstid'â 1 / 147 / - / - / 32 / Fî 12 Şa'bân sene 1340 [10 Nisan 1922] / Fî 10 Nisan sene 1338

Derkenâr

İbrâhim Halil Efendi tarafından takdîm olunup havâle buyurulan işbu arzuhâl ve merbutu kırâet olundu.

Meâlî: Eğrikapı kurbünde Molla Aşkî Mahallesi'nde kâin Hakîkizâde Osman Efendi Zâviyesini teberru'an lî'l-vakf kendi mâlından binâ ve inşâ etmek üzere münhal olan meşihat cihetinin uhdesine tevcihini istîrhamdan ibâret olup el-yevm arsa hâlinde bulunan dergâh-ı mezkûru teberru'an lî'l-vakf bir sene zarfında kendi mâlından binâ ve inşâ etmek ve ta'ahhüdünü ifâ eylemediği takdîrde uhdesinden ref' edilerek diğér ehil ve münâsibine tevcih olunmak şartıyla meşihat cihetinin müsted'î-i mûmâ-ileyhe mu'âmele-i tevcihiyyesi icrâ edildiğinden işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0020

Hafız Ahmed Efendi'nin, meşihatine tayinini talep ettiği İzmit'in Bağçeşme Mahallesi'ndeki Kâdiri Dergâhı meşihat tayininin mahalline ait olması.

Fî 4 Şa'bân sene 1340 / Fî 2 Nisan sene 1338 / Hüsam / İstid'â 433 / - / - / - / 31 / Fî 5 Şa'bân sene 1340 [3 Nisan 1922] / Fî 3 Nisan sene 1338

Derkenâr

Hâfız Ahmed Efendi tarafından takdîm olup havâle buyurulan işbu arzuhâl kırâet olundu. Meâli: İzmit'in Bağçeşme Mahallesi'nde kâin Kâdiri Dergâhı şeyhi Ahmed Efendi'nin vukû'-ı vefâtına mebnî münhal olan meşihat cihetinin uhdesine tevcihini istihâmıdan ibâret olup hâlbuki bu gibi taşrada bulunan cihâtın mu'amele-i tevcihiyyesi nizâmen mahallî Encümen-i Meşâyihine mevdû' bulunduğu mürâca'atında müsted'i-i mûmâ-ileyhe tefhîmi tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0021

Merdivenköy Dergâhı'nda ikamet eden ve uygunsuz hal ve hareketleri bulunan şahısların dergâhtan tahliyeleri.

Fî 17 Receb sene 1340 / Fî 16 Mart sene 1338 / Hüsam / - / 235 / - / - / 30 / Fî 3 Şa'bân sene 1340 [3 Nisan 1922] / Fî 1 Nisan sene 1338

İşbu müsvedde ibtâl edilerek şifâhen telakkî edilen emr-i Meşihat-penâhî mücebince keyfiyyetin Meclis'den bâ-tezkire Polis Müdiriyyetine iş'arı karâr-gîr olmuştur.

Derkenâr

Ahmed İsmet Efendi tarafından takdîm olup havâle buyurulan işbu arzuhâl kırâet olundu. Meâli: Bâ-berât-ı âlî türbedârı bulunduğu Nerdüban karyesi dergâhında ikâmet etmekte olan Kör Nûri ve diğer Nûri ve Malkaralı Hüseyin ve Arnavud Derviş ve Niyazi nâm kimesneler dergâh-ı mezkûra âid birçok yorgan ve yasdığı ziyâ'ına sebebiyet verdikleri gibi Dergâh-ı şerîfe ve dervîşliğe yakışmayacak birçok efâl ve hareketleri meşhûd olmakta olup mûmâ-ileyhimin dergâh-ı mezkûrdan tard ve teb'idlerini istihâmıdan ibâret olup Meclis-i dâ'iyânemizce ol bâbda icrâ ettirilen tahkîkâtı hâvî olup sûret-i musaddakası merbûtan takdîm kılınan rapor mündericâtına nazaran istid'ânâme mündericâtının muvâfık-ı hakikat idiği anlaşılmağla dergâh ve tarikatle alâkadâr olmayan bu gibi kesânın dergâhlarda iskânı tecvîz olunamayacağına binâen mezkûrül-esâmî kesânın Polis Müdiriyyetince hemen dergâh-ı mezkûrdan ihrâcları hakkında mu'amele-i lâzimenin ifâsı husûsunun bâ-tezkire-i aliyye Dâhiliye Nezâret-i celîlesine iş'ar ve işbu arzuhâlin merbûtâtıyla leffen tesyâr buyurulması tezekkür kılındı ol bâbda.

Mustafa Sîret, Cevdet

IST_MFT_MSH_DFT02_01746_0001-0022

Edirnekapı'da Emîr Buhârî Dergâhı şeyhi amcası Hasan Basri Efendi'nin vefatından sonra, yerine tayin edilmiş olan Hafız Mehmed Efendi'nin görevden alınma talebinin uygun görülmemesi.

Fî 23 Receb sene 1340 / Fî 22 Mart sene 1338 / Hüsam / İstid'â 278 / 47 / - / - / 29 / Fî 26 Receb sene 1340 [25 Mart 1922] / Fî 25 Mart sene 1338

Derkenâr

Be-tekrar havâle buyurulan işbu arzuhâl kırâet olundu.

Meâlî: Edirnekapısı hâricinde kâin Emir Buhârî Dergâhı şeyhi ammisi Hasan Basrî Efendi'nin vukû'-ı vefâtına mebnî inhilâl eden meşihat cihetinin şart-ı vâkıf vechile uhdesine tevcihi lâzım gelir iken Mehmed Efendi nâmında bir nâ-ehle tevcih edildiğinden ve sâireden bahisle cihet-i mezkûrenin mûmâ-ileyhten ref'iyle kendi uhdesine tevcihini istirhâmdan ibâret olup kuyûda lede'l-mürâca'a dergâh-ı mezkûr şeyh-i sâbıkı Seyyid Hasan Basrî Efendi'nin bilâ-veled-i zükûr vukû'-ı vefâtına ve kendisi müteveffâ-yı mûmâ-ileyhin eniştesi olup âilesinin perîşâniyetinden vikâyesi zımnında meşihat-i mezkûrenin uhdesine tevcihini Hâfız Mehmed Efendi tarafından istid'â olunması üzerine Cihât İdaresinden muhrec kayda nazaran cihet-i mezkûrenin müstakillen müteveffâ-yı mûmâ-ileyh uhdesine tevcih olunduğunu mübeyyin berât-ı âlî verildiği ve mukayyed vakfiyesi olmadığı cihetle şürût-ı tevcihi bilinemediği beyân olunmuş ve müsted'inin vazife-i meşihati ifâya kifâyeti tebeyyün etmiş olmasına binâen müteveffâ-yı mûmâ-ileyhin âilesini dergâhta iskân ve iktidârı derecede i'âşe ve dergâh-ı mezkûr tarîk-i Nakşibendî dergâhı olduğu cihetle tarikat-i aliyye-i Nakşibendiyye usûlü icrâ eylemek şartıyla münhal olan meşihat-i mezkûrenin müsted'i-i mûmâ-ileyh Hâfız Mehmed Efendi uhdesine tevcihi hakkında ol vakit takdîm kılınan fî 24 Şa'bân sene 1321 târihli ve 38 numaralı mazbatanın icâbı icrâ buyurulduğu müstebân olmağla beraber bu kere dahi işbu istid'ânâme mündericâtına binâen meşrûtiyet kaydı isti'lâm olundu ise de Evkâf-ı Hümâyûn Nezâret-i celîlesinden dergâh-ı mezkûrun vakfiyesi mukayyed olmadığı cevâben bildirilmiş ve el-yevm postnişin bulunan mûmâ-ileyh Hâfız Mehmed Efendi bi'l-fi'il ifâ-yı vazife etmekte bulunmuş olduğunun mürâca'atında müsted'i-i mûmâ-ileyhe tefhîmiyle işbu arzuhâlin evrâk'ta hıfzı tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0023

Eskiden beri cami olan mahalde meşihat ciheti ihdas edilemeyeceğinden, bu konuda verilen arzuhalin Evrak İdaresinde hıfzı.

Fî 17 Receb sene 1340 / Fî 16 Mart sene 1338 / Hüsam / İstid'â 238 / 41 / Lef 1 / - / 28 / Fî 21 Receb sene 1340 [20 Mart 1922] / Fî 20 Mart sene 1338

Derkenâr

Havâle buyurulan Fetvâhâne-i âlînin bâlâya muharrer derkenârı kırâet olundu.

Mine'l-kadîm Câmî'-i şerîf olan mahalde cihet-i meşihat ihdâsına mesâ'-ı şer'î olmadığı anlaşılmağla mürâca'atında müsted'i-i mûmâ-ileyhe tefhîm ve evvelce Meclis'e tevdi' ettiği vakfiyenin kendisine i'âdesiyle işbu arzuhâlin merbûtu ilmühaberle beraber Evrâk Müdîriyyetinde hıfzı tezekkür kılındı ol bâbda.

Mustafa Sîret, Cevdet

IST_MFT_MSH_DFT02_01746_0001-0024

Alınan karar gereğince; bazı tekke, cami ve medreselere muhacir iskân edilmesi.

Fî 17 Receb sene 1340 / Fî 16 Mart sene 1338 / Hüsam / Kırmızı 24 / 39 / 51200 - husûsî 7 - Umûmî - Dosya 59194 / - / 27 / Fî 19 Receb sene 1340 [18 Mart 1922] / Fî 18 Mart sene 1338

Derkenâr

Teshîl-i iskân ve medâris karârıyla işgâllerinde mahzûr olmayan bazı tekâyâ ve cevâmî' ve medârise muhâcir iskânı tensîb kılındığına dâir Dâhiliye Nezâret-i celîlesinden vârid olup havâle buyurulan işbu tezkire kırâet ve aynen defter-i mahsûsuna kaydedilmekle ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0025

Alınan karar gereğince; Topkapı'daki Pazar Tekkesi'ne muhacir iskân edilmesi.

Fî 17 Receb sene 1340 / Fî 16 Mart sene 1338 / Hüsam / Kırmızı 38 / 40 / 51234 - Husûsî 11 / - / 26 / Fî 19 Receb sene 1340 [18 Mart 1922] / Fî 18 Mart sene 1338

Derkenâr

Topkapı Caddesi'nde kâin Pazar Tekkesine muhâcirîn iskân olunmak üzere zikrullâha mâni' olmayacak aksâminın işgâli taht-ı karâra alındığına dâir Dâhiliye Nezâret-i celîlesinden vârid olup havâle buyurulan işbu tezkire kırâet ve aynen defter-i mahsûsuna kaydedilmekle ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0026

Edirnekapı'da Emîr Buhârî Dergâhı şeyhi Tahir Efendi'nin vefatı üzerine, oğlu Tahir Müslim Efendi'nin dilekçesine istinaden dergâh meşihatine ait vakfiye kayıtlarının Evkaf Nezâretinden istenmesi.

Fî 9 Receb sene 1340 / Fî 8 Mart sene 1338 / Hüsam / İstid'â 278 / 37 / - / - / 25 / Fî 9 Receb sene 1340 [8 Mart 1922] / Fî 8 Mart sene 1338

Derkenâr

Edirnekapısı hâricinde kâin Emir Buhârî Dergâh-ı şerîfi postnişîni müteveffâ Tahir Efendi'nin mahdûmu Tahir Müslim Efendi tarafından Evkâf-ı Hümayûn Nezâreti Vekâlet-i celîlesine bi't-takdîm mazrûfen makâm-ı âlî-i cenâb-ı Meşîhat-penâhilerine irsâl olunup havâle buyurulan işbu arzuhâl kırâet olundu.

İktizâsı ba'dehû teemmül ve arz olunmak üzere evveleminde dergâh-ı mezkûrun meşihatine âid vakfiye şürûtu fıkârâtının ihrâc ve irsâli zımnında mazrûfen nezâret-i müşârun-ileyhâ'ya tesyâr buyurulması tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0027

Mustafa Nûri Efendi ve diğer şahısların tayinini talep ettikleri Karagümrük'te arsa halinde bulunan Ejder Dergâhı meşihatının, dergâhı kendi malıyla yeniden inşa etmesi şartıyla Şeyh Cevad Efendi'ye tevcihi.

Fî 7 Receb sene 1340 / Fî 6 Mart sene 1338 / Hüsâm / İstid'â 90 - 69 / 13 - 10 / Lef 1 / - / 24 / Fî 7 Receb sene 1340 [6 Mart 1922] / Fî 6 Mart sene 1338

Derkenâr

Mustafa Nûri Efendi tarafından takdîm olup havâle buyurulan işbu arzuhâl diğer arzuhâl ve merbûtuyla birleştirilerek kırâet olundu.

Meâli: Karagümrük'te kâin Ejder Dergâhı şeyhi İsmâil Hakkı Efendi'nin vukû'-ı vefâtına mebnî münhal olan meşihat cihetinin uhdesine tevcihini istirhâmdan ibâret olup hâlbuki dergâh-ı mezkûr el-yevm muhterik ve arsa hâlinde bulunduğundan dergâh-ı mezkûru kendi mâlından müceddeden binâ ve inşâ etmek şartıyla cihet-i mezkûrenin uhdesine tevcihini istid'â eden tarikat-i aliyye-i Sa'diyye hulefâsından Şeyh Cevad Efendi'ye usûl ve emsâline tevfiikan mu'âmele-i tevcihiyyesi icrâ kılındığının mürâca'atında müsted'ilere tefhîmiyle işbu arzuhâllerin merbûtuyla Evrâk'da hıfzı tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0028

Aksaray'da Olanlar Dergâhı şeyhi Safvet Efendi'nin istifası üzerine, yerine dergâhın müteveffa şeyhi Hüsnü Efendi'nin torunu Abdülkâdir Efendi'nin niyâbeten tayini.

Fî 1 Receb sene 1340 / Fî 28 Şubat sene 1338 / Hüsâm / İstid'â 1798 / 289 / - / - / 23 / Fî 2 Receb sene 1340 [1 Mart 1922] / Fî 1 Mart sene 1338

Derkenâr

Şeyh Safvet Efendi tarafından takdîm olup havâle buyurulan işbu arzuhâl kırâet olundu.

Meâli: Aksaray'da kâin Olanlar Dergâh-ı şerîfi şeyhi müteveffâ Hüsnü Efendi'nin âilesiyle zuhûr eden adem-i imtizâc dolayısıyla meşihat cihetine münâsibi ta'yîn olunmak üzere isti'fâ eylediğinden ve sâireden bahisle isti'fâsının kabûlünü istirhâmdan ibâret olup mûmâ-ileyhin talebi tervîc edilerek cihet-i mezkûre Şûrâ-yı Devletin karâr-ı ahîri mûcebince merhûm Şeyh Hüsnü Efendi'nin hafidi el-yevm sagîr ve tarik-i tahsilde bulunan Abdülkadir Efendi uhdesine bi'n-niyâbe mu'âmele-i tevcihiyyesi icrâ buyurulduğundan mu'âmeleden müstağnî kalan işbu arzuhâlin Evrâk Müdiriyyetinde hıfzı tezekkür kılındı ol bâbda.

Cevdet, Remzi

IST_MFT_MSH_DFT02_01746_0001-0029

Dolmabahçe'de Çakır Dede Zaviyesi postnişini Mehmed Ali Efendi'nin verdiği arzuhal üzerine, öncelikle dergâhın vakıf kaydının Evkaf Nezâretinden istenmesi.

Fî 1 Receb sene 1340 / Fî 28 Şubat sene 1338 / Hüsâm / İstid'â 241 / 34 / - / - / 22 / Fî 2 Receb sene 1340 [1 Mart 1922] / Fî 1 Mart sene 1338

Derkenâr

Dolmabahçe'de Çakır Dede Zâviyesi postnişîni Mehmed Ali Efendi tarafından bi't-takdîm havâle buyurulan işbu arzuhâl kıraet olundu.

Mündericâtına nazaran; îcâbı ba'dehû teemmül olunmak üzere evvelemirde zâviye-i mezkûre meşîhatine âid fıkra-i vakfiyyesiyle tedâvül kaydının ihrâc ve irsali zımında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesi Kuyûd-ı Vakfiyye İdâresine irsâl buyurulması tezekkür kılındı ol bâbda.

Cevdet, Remzi

IST_MFT_MSH_DFT02_01746_0001-0030

Mehmed Ahsen Ziya Efendi'nin, meşihatine tayinini talep ettiği Bakırköy'de Kara Derviş Çavuş Camii vakfiyesinin, tescil için Evkaf Nezâretine gönderilmesi.

Fî 1 Receb sene 1340 / Fî 28 Şubat sene 1338 / Hüsam / İstid'â 238 / 33 / - / - / 21 / Fî 2 Receb sene 1340 [1 Mart 1922] / Fî 1 Mart sene 1338

Derkenâr

Mehmed Ahsen Ziya Efendi tarafından takdîm olunup havâle buyurulan işbu arzuhâl ve merbûtâtı kırâet olundu.

Meâli: Makriköyü'nde Kara Derviş Çavuş Câmi'-i şerîfinde haftada bir gece tarikat-i aliye-i Sa'diyye evrâd-ı şerîfesiyle zikrullâh icrâ senede bir def'a menkıbe-i mevlid-i sa'âdet kırâet etmek üzere Mahmud Paşa Mahkeme-i Şer'iyyesinden tanzim ettirdiği vakfiye mücebince meşihatının uhdesine tevcihini istirhâmdan ibâret olup îcâbı ba'dehû teemmül olunmak üzere evvelemirde merbût vakfiyenin Kuyûd-ı Vakfiyye İdâresince mu'âmele-i kaydiyyesi icrâ olunarak i'âdesi zımında işbu arzuhâlin merbûtlarıyla mazrûfen Evkâf-ı Hümâyûn Nezâreti Vekâlet-i celîlesine irsâl buyurulması tezekkür kılındı ol bâbda.

Cevdet, Remzi

IST_MFT_MSH_DFT02_01746_0001-0031

Şeyh Yusuf Efendi'nin müteveffa babası Şeyh Ahmed Münib Efendi'den münhal, Üsküdar'da Hasanağa Mahallesi Camii'nin zâkirlıkbaşılığı deruhte kaydının Evkaf Nezâretinden istenmesi.

Fî 27 C. sene 1340 / Fî 25 Şubat sene 1338 / Hüsam / İstid'â 976 / 159 / - / - / 20 / Fî 27 Cumâdelâhire sene 1340 [25 Şubat 1922] / Fî 25 Şubat sene 1338

Derkenâr

Şeyh Yusuf Efendi tarafından takdîm olunup havâle buyurulan işbu arzuhâl kırâet olundu.

İktizâsı ba'dehû teemmül ve arz edilmek üzere Hekîmoğlu Ali Paşa Vakfından almak üzere şehri elli gurus vazîfe ile Üsküdar'da Hasanağa Mahallesi'nde kâin Câmi'-i şerîfinde serzâkirlık cihe-tinin bâ-berât-ı âlî mutasarrıfı pederi Şeyh Ahmed Münib Efendi'nin vukû'-ı vefâtına mebnî münhal olan cihet-i mezkûre der'uhde kaydının ihrâc ve irsâli zımında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması bâbında.

Mustafa Sîret, Cevdet, Remzi

IST_MFT_MSH_DFT02_01746_0001-0032

Sadeddin Efendi'nin şeyhi olduğu Üsküdar'da, Şeyh Abdülhalim Efendi Zaviyesi meşihati deruhte kaydının Evkaf Nezâretinden istenmesi.

Fî 24 C. sene 1340 / Fî 22 Şubat sene 1338 / Hüsam / İstid'â 242 / 32 / - / - / 19 / Fî 27 Cumâdelâhire sene 1340 [Şubat 1922] / Fî 25 Şubat sene 1338

Derkenâr

Üsküdar'da kâin Şeyh Abdülhalim Efendi Zâviyesi şeyhi Sadeddin Efendi tarafından takdîm olunup havâle buyurulan işbu arzuhâl kırâet olundu.

Ba'dehû îcâbı teemmül olunmak üzere evveleminde derûn-ı arzuhâlde mahkî dergâh-ı mezkûr meşihat ciheti der'uhde kaydının ihrâc ve irsâli zımnında mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması tezekkür kılındı.

Mustafa Sîret, Cevdet, Remzi

IST_MFT_MSH_DFT02_01746_0001-0033

Bahariye Mevlevîhane'si şeyh vekili Ahmed Selâhaddin Efendi'nin dergâh tahsisatının kendisine tam olarak verilmesi talebi üzerine, mevlevîhaneler hakkında çelebi efendiler yetkili olduğundan, bu konuda Meclis-i Meşâyihçe bir karar verilemeyeceğinin kendisine tefhimi.

Fî 23 C. sene 1340 / Fî 21 Şubat sene 1338 / Hüsam / İstid'â 108 / 16 / - / - / 18 / Fî 27 Cumâdelâhire sene 1340 [Şubat 1922] / Fî 25 Şubat sene 1338

Derkenâr

Ahmed Salahaddin Efendi tarafından takdîm olunup havâle buyurulan işbu arzuhâl kırâet olundu.

Meâli: Vekâletinde bulunduğu Bahariye Mevlevîhânesi postnişîn-i sâbıkı müteveffâ Nazif Efendi âilesine Meclis-i dâ'iyânemiz karârıyla dergâh-ı mezkûr ta'âmiyyesinden iki bin üç yüz altmış gurus ile ayniyâtın dörtte biri tahsis kılınmış ise de müteveffâ-yı mûmâ-ileyhin hemşiresi mukaddemâ ere vardığı gibi haremi de bu def'a vefât ettiğinden müte'allikât-ı meşrû'ası kalmamasına ve yeğeni Süleyman Efendi'ye de dergâhca mehmâ-emken mu'âvenet edilmek üzere gerek tahsîsât ve gerek ayniyâtın muhassasun-lehine i'tâsını istirhâmdan ibâret olup kuyûda lede'l-mürâcâ'a Meclis-i dâ'iyânemiz nizâmnâmesinin ikinci maddesinin fıkra-i ûlâsı mücebince fî 1 Kânûn-ı sâni sene 1334 târihinden i'tibâren Dergâh-ı şerîfin muhassasât-ı nakdiyyesinden şehri bin üç yüz gurus ile muhassasât-ı ayniyyeden rub'unun müteveffâ Şeyh Nazif Efendi âilesine sarf olunmak üzere Süleyman Efendi nâmına i'tâsı takdîm kılınan fî 28 Rebî'ülevvel sene 1337 ve fî 1 Kânûn-ı sâni sene 1334 târihli ve 80 numaralı müzekkirede arz edildiği anlaşılmış ise de ahîran bi'l-umûm Mevlevî dergâhları meşihatlerinin azil [ve] nasbı ve husûsât-ı sairesi bâfermân-ı hümâyûn çelebi efendilere müfевvez olup te'âmül-i kadîmi vechile mu'âmeleye devam olunması iktizâ edeceği Şûrâ-yı Devletin fî 26 Cumâdelâhire sene 1337 ve fî 29 Mart sene 1335 târihli ve 170 numaralı mübellağ karârı îcâbından olduğu cihetle Meclis-i dâ'iyânemizce beyân-ı mütâlâ'aya salâhiyet olmadığının müsted'î-i mûmâ-ileyhe tefhîmi tezekkür kılındı ol bâbda.

Mustafa Sîret, Cevdet, Remzi

IST_MFT_MSH_DFT02_01746_0001-0034

Kadıköy Kuşdili'nde Mecidiye Dergâhı ile ilgili Tahir Efendi ve birkaç kişinin dilekçesinde bahsettiği konu Mebânî-i Hayriyye Müdüriyetine ait olduğundan, arzuhalin Evkaf Nezâretine gönderilmesi.

Fî 17 C. sene 1340 / Fî 15 Şubat sene 1338 / Hüsam / İstid'â 162 / 30 / - / - / 17 / Fî 20 Cumâdelâhire sene 1340 [18 Şubat 1922] / Fî 18 Şubat sene 1338

Derkenâr

Kadıköy civârında Kuşdili'nde kâin Mecidiye Dergâhı hakkında bazı ifâdâtı hâvî Tahir Efendi ve sâire imzâlarıyla bi't-takdîm havâle buyurulan işbu arzuhâl kırâet olundu.

Ba'dehû îcâbı teemmül olunmak üzere evvelemirde derûn-ı arzuhâlde mahkî ahvâle dâir Mebânî-i Hayriyye Müdüriyyetince tahkîkât ve mu'âmelât-ı lâzime îfâ ve netîcesinin iş'âr ve inbâsı zımnında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine irsâli menût-ı emr ü irâde-i aliyye-i cenâb-ı Meşîhat-penâhîleri olmağın ol bâbda.

Remzi, Mehmed Gülşen

IST_MFT_MSH_DFT02_01746_0001-0035

Hafız Osman Efendi ve diğer üç kişinin meşihatine tayinini talep ettikleri Aksaray'da Olanlar Dergâhı postnişinliğine, Taştekneler Dergâhı şeyhi Mehmed Kemaleddin Efendi niyâbetinde müteveffa Şeyh Hüsnü Efendi'nin torunu Abdülkadir Efendi tayin edildiğinden, dilekçelerin Evrakta hıfzı.

Fî C. sene 1340 / Fî Şubat sene 1338 / Hüsam / İstid'â 121 - 102 - 78 - 100 / 21 - 15 - 12 - 31 / - / - / 16 / Fî 15 Cumâdelâhire sene 1340 [13 Şubat 1922] / Fî 13 Şubat sene 1338

Derkenâr

Hulefâ-yı Kâdiriyye'den Hâfız Osman Efendi tarafından takdîm olunup havâle buyurulan işbu ve aynı meâlde diğer üç kıt'a arzuhâl birleştirilerek kırâet olundu.

Mündericâtı: Aksaray'da kâin Olanlar Dergâh-ı şerîfi meşihat cihetinin uhdelerine tevcîhi istirhâmdan ibâret olup cihet-i mezkûre Şûrâ-yı Devletin karâr-ı ahîri mücebince dergâh-ı mezkûr postnişini müteveffa Şeyh Hüsnü Efendi'nin hafîdi Abdülkadir Efendi sinn-i rüşde vâsıl olarak bi'l-fi'îl îfâ-yı vazîfeye kesb-i ehliyyet edinceye değin tarafından Taştekneler Dergâh-ı şerîfi postnişini Şeyh Mehmed Kemaleddin Efendi tarafından bi'n-niyâbe îfâ-yı hizmet etmek üzere cihet-i meşihat sagîr-i mûmâ-ileyhe tevcîh edildiğinden mu'âmeleden müstağnî kalan işbu arzuhâllerin Evrâk İdâresinde hıfzı tezekkür kılındı ol bâbda.

Remzi

IST_MFT_MSH_DFT02_01746_0001-0036

Sultanselim'de Şeyh Sivâsî Dergâhı'na ait kurban tahsisatının, Üsküdar'da Atik Vâlide Sultan Dergâhı ile Mevlevihanekapısı'ndaki Şeyh Salih Efendi Tekkesi'ne verilmesi talebi.

Fî 10 C. sene 1340 / Fî 8 Şubat sene 1338 / Hüsam / Kırmızı 114 / 244 / Dosya 59019 / - / 15 / Fî 13 Cumâdelâhire sene 1340 [13 Şubat 1922] / Fî 11 Şubat sene 1338

Derkenâr

Evkâf-ı Hümâyûn Nezâreti Vekâlet-i celîlesinden vârid olup havâle buyurulan işbu tezkire-i cevâbiyyede tekâyâ muhassasâtı miyânında dâhil bulunan Sultânselim'de kâin Şeyh Sivasî Dergâhına âid sekiz aded kurbanın ol bâbdaki müzekkire-i dâ'iyânemiz mücebince Üsküdar'da kâin Atık Vâlîde Sultân Dergâhıyla Mevlevîhânekapısı'ndaki Şeyh Salih Efendi tekkesine tahsîs ve i'tâsı münâsib ise de evkâf bütçesinin hâl-i hâzırına nazaran bu kabîl mevkûfâtın diğer tekâyâyâ tahsîsine imkân görülemediği beyân olunmaktadır. Tezkire-i mezkûrede mahkî hâl-i hâzır kaydı Meclis-i dâ'iyânemizin mugâyir-i usûl ve emsâl olduğundan ve ma'a-hâzâ tahsîsât-ı evkâfın âtiyen Hazîne-i Mâlîyeden tamâmî-i istîfâsı bir emr-i tabîi bulunduğundan şimdilik iş'âr-ı sâbık vechile tahsîs mu'amelesinin icrâ ve si'a-i hâl-i hazînede tesviye ve i'tâ kılınması husûsunun cevâben nezâret-i müşârun-ileyhâya emr ü izbârına müsâade-i celîle-i cenâb-ı Meşîhat-penâhîleri şâyân buyurulmak bâbında.

Remzi, Mehmed Gülşen

IST_MFT_MSH_DFT02_01746_0001-0037

Üsküdar'da Kara Dâvud Paşa Camii müezzin, kayyım ve âbkeşi Aziz Mahmud Dede'nin uhdesine, Hazret-i Hüdâyî Türbesi türbedarlığı ve cüzhanlığının da tevcihi.

Fî 4 C. sene 1340 / Fî 2 Şubat sene 1338 / Hüsâm / Kırmızı 25 / 20 / 135005 - Husûsî 11 / Dosya 59251 / 14 / Fî 13 Cumâdelâhire sene 1340 [11 Şubat 1922] / Fî 11 Şubat sene 1338

Derkenâr

Evâmîr Kalemî ifâdesiyle Evkâf-ı Hümâyûn Nezâreti Vekâlet-i celîlesinden vârid olup havâle buyurulan işbu tezkire kırâet olundu.

Mündericâtı: Üsküdar'da Hazret-i Hüdâî -kuddise sırruhu'l-âlî- türbe-i şerîfesinin türbedârlık ve cüzhânlık cihetleri uhdesine tevcih kılınan Aziz Mahmud Dede Üsküdar'da Kara Davud Paşa Câmi'-i şerîfinin müezzin ve kayyım ve müezzin-i salâ ve âbkeş cihetleri uhdesine müvecceh bulunmasına ve Tevcih-i Cihât Nizâm-nâmesi'nin on dördüncü maddesine istinâden her iki vazîfenin aynı zamana müsâdif olduğundan icâbı tezekkür edilerek keyfiyyetin inbâsını beyândan ibâret olup keyfiyyet lede't-tezekkür Hazret-i Hüdâî -kuddise sırruhu'l-âlî- türbe-i şerîfesinde biri türbedâr ve diğerleri müstahfız-ı türbe nâmıyla dokuz nefer hademe olup bunlar her gün bi'l-münâvebe ifâ-yı hizmet etmekte oldukları ve Dergâh-ı şerîf ile Davud Paşa Câmi'-i şerîfi arasında bir iki dakikalık kurb-i mesâfe ve mücâveret bulunduğu cihetle mûmâ-ileyh Aziz Mahmud Dede uhdesine müvecceh türbedârlık ve cüzhânlık ile mûmâ-ileyhin esâsen uhdesinde bulunan câmi'-i mezkûrdaki cihetler yekdiğerinin hıdemâtını ifâya mâni' teşkîl etmeyeceğine ve çünkü mûmâ-ileyh Aziz Mahmud Dede birkaç seneden beri mezkûr türbedârlık ve cüzhânlık hizmetlerini sagîr Mahmud tarafından bi'n-niyâbe hüsn-i ifâ ederek ne türbedârlığın ve ne de Davud Paşa Câmi'indeki hizmetlerin ifâsınca bir gûne mâni'a ve nakîsa zuhûr etmemiş idiğine ve cihet-i bedenîyye ile cihet-i ilmiyyenin adem-i cevâz-ı cem'i bahsine gelince mûmâ-ileyhin Davud Paşa Câmi'indeki hizmetlerden biri cihât-ı ilmiyyeden ve diğeri cihât-ı bedenîyyeden olmasıyla bu bâbda îrâd edilen mâni' dahi bu vesâir emsâli ile ber-taraf olmuş olacağına ve ma'a-hâzâ mûmâ-ileyh huffâzdan ve dergâhın kırk elli senelik kıdemli dervîşânından bulunmasına mebnî tevcih-i vâkî' vechile mûmâ-ileyhin devâm-ı hizmeti muktezî bulunduğunun nezâret-i müşârun-ileyhâya iş'âr buyurulması tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0038

Üsküdar'da İsfendiyar Bey Dergâhı şeyhi Mehmed Emin Efendi'nin, dergâha meşrûta kahvehane kirasını ödemeyen kiracıdan şikâyeti ve dergâhın et tahsisatının kendisine verilmesi talebi.

Fî 11 C. sene 1340 / Fî 8 Şubat sene 1338 / Hüsam / İstid'â 701 / 128 / - / - / 13 / Fî 10 Cumâdelâhire sene 1340 [8 Şubat 1922] / Fî 8 Şubat sene 1338

Derkenâr

Mehmed Emin Efendi tarafından takdîm olunup havâle buyurulan işbu arzuhâl kırâet olundu. Meâli: Vekâleti uhdesinde tefvîz buyurulan Üsküdar'da İsfendiyar Bey Dergâh-ı şerîfine meşrûta kahvehânenin müste'ciri mezkûr kahvehânenin îcârını kendisine vermekten istinkâf eylediğinden tarafına i'tâsı ve dergâh-ı mezkûra âid lahm bedelinin dahi tarafına tesviyesi hakkında evâmîr-i lâzime verilmesini istirhâmdan ibâret olup mezkûr bedel-i îcâr hakkında mahkeme-i âidesine mürâca'atla tarafına i'tâsı hakkında ikâme-i da'vâ edebileceğini ve lahm bedelinin de mûmâ-ileyhe tesviyesi lâzım geleceğinin ahîran Evkâf-ı Hümâyûn Nezâreti Vekâlet-i celîlesine iş'âr edildiği kayden müstebân olmağla mu'âmeleden müstağnî kalan işbu arzuhâlin Evrâk Müdîriyyetinde hıfzı tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0039

Mehmed Atâ Efendi'nin Kocamustafapaşa'da İskender Çelebi Camii'nde zikrullah icra etmek için Mahmutpaşa Mahkemesinde tanzim ettirdiği vakfiyesinin, kaydedilmek üzere Evkaf Nezâretine gönderilmesi.

Fî 8 C. sene 1340 / Fî 6 Şubat sene 1338 / Hüsam / İstid'â 139 / 25 / Lef 1 / - / - / 12 / Fî 10 Cumâdelâhire sene 1340 [8 Şubat 1922] / Fî 8 Şubat sene 1338

Derkenâr

Mehmed Ata Efendi tarafından takdîm olunup havâle buyurulan işbu arzuhâl ve merbûtu vakfiye kırâet olundu.

Meâli: Kocamustafapaşa civârında kâin İskender Çelebi Câmi'-i şerîfinde cumartesi geceleri ba'de salâti'l-ışâ sûre-i Mülk kırâet ve zikrullâh icrâ olunmak üzere Mahmud Paşa Mahkeme-i Şer'îyyesinden tanzîm ettirdiği vakfiye mücebince emr-i meşîhatin uhdesine tevcihini istirhâmdan ibâret olup ba'dehû îcâbı teemmül olunmak üzere evveleminde merbût vakfiyenin Evkâf-ı Hümâyûn Nezâret-i celîlesi Kuyûd-ı Vakfiyye İdâresince mu'âmele-i kaydiyyesi icrâ ve vakfiyenin i'âdesi zımında işbu arzuhâlin merbûtuyla mazrûfen nezâret-i müşârun-ileyhâya irsâl buyurulması tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0040

Kasımpaşa Okmeydanı'ndaki Sinan Paşa Camii müezzini Şeyh Şükrü Efendi'nin, camide cemaatle birlikte zikir yapmasına izin verilmesi talebi.

Fî 10 C. sene 1340 / Fî 8 Şubat sene 1338 / Hüsam / İstid'â 153 / 29 / Lef 1 / - / 11 / Fî 10 Cumâdelâhire sene 1340 [8 Şubat 1922] / Fî 8 Şubat sene 1338

Derkenâr

Hulefâ-yı Kâdiriyye'den Şeyh Şükrü Efendi tarafından bi't-takdîm havâle buyurulan işbu arzuhâl ve merbûtu ilmühaber kırâet olundu.

Meâli: Müezzini bulunduğu Kasımpaşa'da Okmeydanı'nda Sinan Paşa Câmi'-i şerîfinde tatavvu'ât kabîlinden tarîkat-i Kâdiriyye usûlü üzere ku'ûden zikrullâh îfâsını istirhâmdan ibâretidir. Müsted'î-i mûmâ-ileyh tarîkat-i aliyye-i Kâdiriyye hulefâsından olup merbût ilmühaberde beyân olduğu üzere cemâ'at-i müslimînin arzuları vechile Câmi'-i şerîf-i mezkûrda zikrullâh îfâ ve selâmet-i dîn u devlete du'â edilmesi emsâline muvâfık ve muhasenâtta ma'dûd olacağı tezekkür kılınmağla ol bâbda emr u fermân hazret-i veliyyü'l-emrindir.

Mustafa Sîret, Remzi

IST_MFT_MSH_DFT02_01746_0001-0041

Tophane'de Cihangirî Hasan Efendi Dergâhı şeyhi Eşref Efendi'nin vefatıyla, yerine Hafız İhsan Efendi'nin tayin edilmesi.

Fî 6 C. sene 1340 / Fî 4 Şubat sene 1338 / Hüsam / İstid'â 67 - 1803 - 7 / 27 - 291 - 1 / - / - / 10 / Fî 10 Cumâdelâhire sene 1340 [8 Şubat 1922] / Fî 8 Şubat sene 1338

Derkenâr

Mustafa Efendi tarafından bi't-takdîm havâle buyurulan işbu ve aynı meâlde diğer iki kıt'a arzuhâl birleştirilerek kırâet olundu.

Meâli: Tophâne'de kâin Cihangirî Hasan Efendi Dergâh-ı şerîfi şeyhi Eşref Efendi'nin vukû'-ı vefâtına mebnî münhal olan meşîhat cihetinin uhdesine tevcihini istirhâmdan ibâret olup cihet-i mezkûrenin ehline tefvizi için ber-müceb-i nizâm ilân olunan müsâbakada müddet-i mu'ayyene hitâmında tâliblerden yalnız Hâfız İhsan Efendi mürâca'at etmekle mûmâ-ileyhin imtihânı bi'l-icrâ tebeyyün eden ehliyet ve liyâketine mebnî cihet-i mezkûrenin mûmâ-ileyhe mu'âmele-i tevcihiyyesi icrâ kılınmış olduğundan mu'âmeleden müstağnî kalan işbu arzuhâllerin Evrâk Müdîriyyetinde hıfzı tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0042

Alibeyköy'de Şâzelî Dergâhı'nda daha önce asker ikametiyile dergâhın harap ve halen de muhacir iskân edilmesi sebebiyle; dergâhın şeyhi Şeyh Ahmed İzzî Efendi'nin, başka bir mahallede kiracı olarak ikamet ettiğinin Evkâf-ı Hümâyûn Nezâreti Mebânî-i Hayriyye Kalemine bildirilmesi.

Fî 9 C. sene 1340 / Fî 7 Şubat sene 1338 / Hüsam / Kırmızı 21 / - / 134913 - Husûsî 7 / - / 9 / Fî 10 Cumâdelâhire sene 1340 [8 Şubat 1922] / Fî 8 Şubat sene 1338

Derkenâr

Mebânî-i Hayriyye Kalemi ifâdesiyle Evkâf-ı Hümâyûn Nezâreti Vekâlet-i celîlesinden vârid olup havâle buyurulan işbu tezkire kırâet olundu.

Meâli: Kâğıdhâne'de Alibeyköyü'nde kâin Şâzelî Dergâhı şeyhi efendinin İstanbul ve Üsküdar cihetlerinde vazîfe-i resmîyye ve husûsiyyede bulunması hasebiyle dergâha ancak senede bir iki ay sayfiye maksadıyla gelmekte veya gamsızlık yüzünden dergâh-ı mezkûr günden güne harâb olduğu gibi bahçesindeki eşcâr-ı müsmire ve gayr-i müsmirenin bir kısmını kat' ile İstanbul'daki ikâmetgâhına naklettirmekte olduğundan bahisle mûmâ-ileyh hakkında tahkîkât-ı lâzime icrâ ve netîcesinin inbâsını beyândan ibâret olup dergâh-ı mezkûr seferberlik esnâsında cihet-i askerîyye tarafından işgâl edilerek bir iki sene evveline kadar işgâl-i askerî altında bulunmuş ve tahliyeden pek az bir müddet sonra Muhâcirîn-i Umûmiyye Müdiriyyetince muhâcirîn-i müslimenin ikâmeti maksadıyla yeniden işgâl edilerek derûnunda el-yevm muhâcir iskân ettirmekte olması hasebiyle evvel ve âhir bu yüzden tahrîbâta dûçâr olduğu ve Şeyh Ahmed İzzî Efendi'nin bu sebebden bi'z-zarûre âhar mahalle müste'ciren ikâmet etmekte olduğu ol bâbda icrâ kılınan tahkîkâtan anlaşılmış olmağla ol vechile keyfiyyetin bâ-tezkire-i aliyye cevâben nezâret-i müşârun-ileyhâya iş'âr buyurulması tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0043

Aydınoglu Dergâhı postnişini Mehmed Şerefeddin Efendi'nin, dergâha ait caminin imam ve hatiplik görevi için Şeyh Sadeddin Efendi'yi vekil tayin etmesi.

Fî 4 C. sene 1340 / Fî 2 Şubat sene 1338 / Hüsâm / İstid'â 126 / 22 / - / - / 8 / Fî 8 Cumâdelâhire sene 1340 [6 Şubat 1922] / Fî 6 Şubat sene 1338

Derkenâr

Mehmed Şerefeddin Efendi tarafından takdîm olunup havâle buyurulan işbu arzuhâl kırâet olundu.

Meâli: Aydınoglu Dergâh-ı şerîfinin bi'n-niyâbe uhdesinde bulunan meşîhat ve Dergâh-ı şerîf derûnundaki Câmi'-i şerîfin imâmet ve hitâbet cihetleri vezâifini ifâyâ Sadeddin Efendi'yi tevkîl eylediğinden bahisle lâzım gelen mu'âmelenin ifâsını istirhâmdan ibâret olup mûmâ-ileyh Şeyh Sadeddin Efendi erbâb-ı zühd ve salâhtan ve cihât-ı mezkûre vekâletini ifâyâ ehliyet ve liyâkati Meclisce derkâr bulunmasına mebnî görülen lüzûm üzerine şimdilik hıdemât-ı mezkûre vezâifinin mûmâ-ileyh tarafından ifâsı tensîb edildiğinden ol vechile mu'âmele-i kaydiyye icrâ ve İstanbul vilâyeti Evkâf Müdiriyyetine de ma'lûmât i'tâ olunması husûsunun Evkâf-ı Hümâyûn Nezâreti Vekâlet-i celîlesine iş'âr buyurulması tezekkür kılındı ol bâbda.

Mustafa Sîret, Remzi

IST_MFT_MSH_DFT02_01746_0001-0044

Ömer Vasfi Efendi'nin imam ve hatibi olduğu Selimiye Dergâhı'ndaki cihetlerin kim tarafından ifa edilmekte ve muhassasatı miktarıyla kime verilmekte olduğunun, İstanbul Evkaf Müdüriyetinden sorulması.

Fî 1 Cumâdelâhire sene 1340 / Fî 30 Kânûn-ı sâni sene 1338 / Hüsâm / İstid'â 110 / 17 / - / - / 5 - 7 / Fî 1 Cumâdelâhire sene 1340 [30 Ocak 1922] / Fî 30 Kânûn-ı sâni sene 1338

Derkenâr

Üsküdar'da Selimiye Dergâh-ı şerîfi imâm ve hatîbi Ömer Vasfî Efendi tarafından takdîm olunup havâle buyurulan işbu arzuhâl kırâet olundu.

Ba'dehû icâbı teemmül olunmak üzere evveleminde derûn-ı arzuhâlde mahkî cihât vezâifi şimdiye kadar kimin tarafından ifâ ve muhassasâtı, ne nâma i'tâ edilmekte olduğunun inba buyurulması zımında işbu arzuhâl İstanbul vilâyeti Evkâf Müdüriyyet-i aliyyesine takdîm kılındı.

Remzi

IST_MFT_MSH_DFT02_01746_0001-0045

Beşikçizâde Dergâhı'nda ikamet eden Emine Hanım ile çocuklarının dergâhtan tahliye edilerek; dergâhın postnişini üvey oğlu Şeyh Ali Enver Efendi'ye teslim edilmesi.

Fî 20 Ca. sene 1340 / Fî 19 Kânûn-ı sâni sene 1338 / Hüsâm / İstid'â 13 - 104 / 3 - 19 / - / - / 6 / Fî 1 Cumâdelâhire sene 1340 [30 Ocak 1922] / Fî 30 Kânûn-ı sâni sene 1338

Derkenâr

Emine Hanım tarafından makâm-ı fehâmet-ittisâm-ı cenâb-ı Sadâret-i uzmâyâ bi't-takdîm Şûrâ-yı Devlete havâle buyurulup meâline nazaran i'tirâzât-ı vâkı'anın tedkikiyle netîcesinin ilâveten mütâlâ'a ile iş'ârı ve dosyasının irsâli zımında huzûr-ı âlî-i Meşîhat-penâhîlerine tesyâr olunup Meclis-i dâ'iyânemize havâle buyurulan işbu arzuhâl ve merbûtâtı kırâet olundu.

Merbût mazbata sûretleriyle bu kere rabten takdîm kılınan berât-ı âlîşân sûret-i musaddakaları meâllerinden dahi müstebân buyurulacağı vechile mukaddemâ dergâh-ı mezkûr meşîhatının hîn-i inhilâlinde şeyh-i müteveffânın iki zevce-i metrûkeleriyle ol vakit sagîr bulunan üç nefer mahdûmları ve bir kerîmesinin dergâh-ı mezkûrda iskân ve i'âşeleri berât-ı âliye derc edilmiş ise de sığâr-ı mezbûre el-yevm sinn-i rüşde vâsıl olarak bir doktor ve diğeri zâbita ve biri de ticâretle meşgûl olarak emr-i ma'îşetlerini te'mîn etmiş oldukları gibi ayrıca îrâd ve akâr sâhibi bulunduklarından ve mûmâ-ileyhimin vâlideleri olup dergâh-ı mezkûr şeyhi Enver Efendi'ye üvey bulunan müsted'îyye-i mûmâ-ileyhânın emr-i iskân ve i'âşesi de kendinden mütevellid mûmâ-ileyhim mahdûmlarına âid bulunmasından dolayı dergâhtan çıkarılması Şeyh Enver Efendi tarafından istid'â olunması üzerine icrâ kılınan tahkîkât netîcesinde şeyh-i mûmâ-ileyhin istid'âsı mündericâtı mukârin-i hakikat ve muvâfık-ı şart-ı vâkıf olduğu anlaşılmış ve diğeri üvey vâlidesiyle kız karındaşını dergâhta iskân ve i'âşe edeceğini mûmâ-ileyh Şeyh Enver Efendi ta'ahhüd eylemiş olmasına ve mu'ayyenât ve muhassasâtı kalîl bulunun dergâh-ı mezkûru küşâd ederek ıyyâm-ı mahsûsasında zikrullâh ifâ ve da'avât-ı hazret-i pâdişâhiye muvâzabet ve it'âm-ı fukarâ bu sûretle kâbil olabileceğinden ve müsted'îye-i mezbûre ve mahdûmlarının emr-i ma'îşetleri taht-ı te'minde bulunduğundan dergâhla alâkaları kalmamasına binâen tahliyeleri

ve mûmâ-ileyh Şeyh Ali Enver Efendi'nin yedinde bulunan berâttaki mûmâ-ileyhin iskân ve i'âşeleri hakkındaki kaydın ihrâcıyla bilâ-kayd ü şart müceddeden berât-ı âlî i'tâsı tensib ve arz olunup keyfiyyet tasvib-i âlî-i cenâb-ı Meşihat-penâhîye iktirân eylediği ve ol vechile icâbı icrâ buyurulduğu müstebân olmağla işbu evrâkın dosyasıyla şûrâ-yı müşârun-ileyhâ riyâset-i celîlesine irsâl buyurulması tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0046

Mevlevîhanekapısı'nda Mimar Acem Camii müezzine meşruta olan bostana ait davayı takip etmemesinden dolayı, mütevellisi Şeyh Mustafa Efendi'nin azledilemeyeceğine dair fetvanın Şûrâ-yı Evkaf riyâsetine bildirilmesi.

Fî 23 Ca. sene 1340 / Fî 22 Kânûn-ı sâni sene 1338 / Hüsâm / Müzekkire 667 / 11 / Lef 7 / - / 5 / Fî 29 Cumâdelûlâ sene 1340 [28 Ocak 1922] / Fî 28 Kânûn-ı sâni sene 1338

Derkenâr

Mevlevîhanekapısı kurbünde Mi'mâr Acem Câmî'-i şerîfi müezzine meşrût olup tevliyeti Şeyh Mustafa Efendi uhdesinde bulunan bostan hakkında mûmâ-ileyh tarafından ikâme edilen da'vâ ta'kîb olunmayarak terk edilmesi vakfa hıyânet demek olup mucib-i azl ahvâlden bulunduğu ve hâlbuki cihet-i mezkûra meşihate meşrût olup meşihat-i mezkûre dahi mûmâ-ileyhin uhdesinde bulundukca tevliyetin ref'inden bir fâide hâsıl olamayacağına mebnî meşihat ciheti hakkındaki mütâlâ'anın beyânı zımında Şûrâ-yı Evkâfdan vârid olup havâle buyurulan işbu müzekkire ve merbûtâtı kırâet olundu.

Meâllerine ve mûmâ-ileyh tarafından Meclis'e ibraz edilip evrâk miyânına rabt edilen i'lâm sûretine nazaran; mezkûr tevliyetten mûmâ-ileyhin azli lâzım gelip gelmeyeceği hakkında icâb-ı şer'îsi beyân buyurulmak üzere Fetvâhâne-i âlî'ye bi'l-havâle sâdır olan cevâb-ı şer'ide evvele-mirde mütevellî-i mezbûrun ber-nehc-i şer'î hıyânetinin sübûtu iktizâ edeceği beyân olunmağla mezkûr i'lâm sûreti mûmâ-ileyhe i'ade edilmiş olduğundan Fetvâhâne-i âliden vârid olan karâr-ı âlî vechile icâbının icrâ buyurulması zımında işbu evrâkın mazrûfen Şûrâ-yı Evkâf riyâsetine i'ade ve irsâl buyurulması tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0047

Eyüpsultan Bostan İskeleyi'ndeki Hüsrev Paşa Dergâhı meşihatine, Şefik Efendi'nin tayin edilmesi.

Fî 22 Ca. sene 1340 / Fî 21 Kânûn-ı sâni sene 1338 / Hüsâm / İstid'â 1145 - 1079 - 1367 / 186 - 183 - 224 / Lef 1 / - / 4 / Fî 22 Cumâdelûlâ sene 1340 [21 Ocak 1922] / Fî 21 Kânûn-ı sâni sene 1338

Derkenâr

Hüseyin Zühdü Efendi tarafından takdîm olunup havâle buyurulan işbu ve aynı meâlde diğer iki kıt'a arzuhâl birleştirilerek kırâet olundu.

Meâli: Tarîkat-i aliyîye-i Nakşibendiyye'den Eyüpsultân'da Bostan İskeleyi'nde kâin Hüsrev Paşa Dergâh-ı şerîfinin münhal bulunan meşihat cihetinin uhdesine tevcihini istirhâmdan ibâret olup

cihet-i mezkûre için ber-mûceb-i nizâm i'lân olunan müsâbakada tâliblerden Şefik Efendi'nin emsâline fâik sûrette ibrâz-ı ehliyyet etmesine mebnî mûmâ-ileyhe mu'âmele-i tevcîhiyye icrâ kılındığının mürâca'at vukû'unda müsted'ilere tefhîmiyle işbu arzuhâllerin Evrâk Müdîriyyetinde hıfzı tezekkür kılındı ol bâbda.

Cevdet, Remzi

IST_MFT_MSH_DFT02_01746_0001-0048

Ali Gâlib Efendi'nin izninin bir ay daha uzatılmasının Sicil Kalemi Müdüriyetine bildirilmesi.

Fî 10 Ca. sene 1340 / Fî 9 Kânûn-ı sâni sene 1338 / Hüsam / İstid'â 1700 / 4 / - / - / 3 / Fî 10 Cumâdelûlâ sene 1340 [9 Ocak 1922] / Fî 9 Kânûn-ı sâni sene 1338

Derkenâr

Encümen-i âlî'nin işbu kararı kırâet olundu.

Müsted'î-i mûmâ-ileyh Ali Gâlib Efendi'nin fî 31 Kânûn-ı evvel sene 1337 târihinden i'tibâren bir mâh müddetle me'zûniyeti temdîd edildiği kendisine tefhîm edilmiş olmağla mu'âmele-i lâzimenin îfâsından sonra Sicil Kalemi Müdüriyyet-i aliyyesine tevdî' edilmek üzere işbu arzuhâl Me'mûrîn ve Levâzım Kalemi Müdüriyyet-i aliyyesine takdîm kılındı.

Cevdet, Remzi

IST_MFT_MSH_DFT02_01746_0001-0049

Mehmed Tevfik Efendi'nin tayinini talep ettiği Merdivenköy Şahkulu Dergâhı türbedarlığının, nizama uygun bir şekilde İsmet Efendi'ye tevcih edildiğinin kendisine tefhîmi.

Fî 3 Ca. sene 1340 / Fî 2 Kânûn-ı sâni sene 1338 / Hüsam / İstid'â 1805 / 2 / Lef 2 / - / 2 / Fî 5 Cumâdelûlâ sene 1340 [4 Ocak 1922] / Fî 4 Kânûn-ı sâni sene 1338

Derkenâr

Mehmed Tevfik Efendi tarafından takdîm olunup havâle buyurulan işbu arzuhâl ve merbûtâtı kırâet olundu.

Meâli: Nerdüban karyesinde kâin Şahkulu Sultân Dergâh-ı şerîfi zâviyedârlık vekâletinden azledilip dergâh-ı mezkûrun derûnunda Nakşibendî usûlü icrâ edilmek üzere türbedarlığa tahvîliyle İsmet Efendi'ye vukû' bulan tevcîhin muvâfık-ı nizâm olmadığından ve sâireden bahisle mezkûr türbedarlığın İsmet Efendi'den ref'iyle uhdesine tevcîhini istirhâmdan ibâret olup kuyûda lede'l-mürâca'a dergâh-ı mezkûr hakkında evvel ve âhir cereyân eden mu'âmelât ve muhâberât netîcesinde Şûrâ-yı Devlet Mülkiye ve Ma'ârif Dâiresiyle hey'et-i umûmiyyesinden sâdir olup sûret-i musaddakası leffen takdîm kılınan mazbata ile dahi mezkûr türbedarlığın mu'âmele-i tevcîhiyyesi usûl ve nizâmı dâiresinde îfâ kılındığı musaddak olup bu bâbda Meclisce başka mu'âmele icrâsına lüzûm ve mahal kalmamış olduğunun mürâca'atında müsted'îye tefhîmi tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0050

Gazetelerde yapılan ilan ve imtihana girmek suretiyle bir meşihate tayin edilebileceğinin Yemenli Seyyid İbrâhim Efendi'ye bildirilmesi.

Fî 2 Ca. sene 1340 / Fî 1 Kânûn-ı sâni sene 1338 / Hüsâm / İstid'â 1794 - 1699 / 287 - 276 / Lef 1 / - / 1 / Fî 5 Cumâdelûlâ sene 1340 [4 Ocak 1922] / Fî 4 Kânûn-ı sâni sene 1338

Derkenâr

Yemenli Seyyid İbrahim Efendi tarafından Sadâret-i uzmâya bi't-takdîm mazrûfen makâm-ı âlî-i hazret-i Meşihat-penâhîlerine irsâl buyurulan işbu arzuhâl ve aynı meâlde mûmâ-ileyh tarafından takdîm olunup havâle buyurulan diğer arzuhâl birleştirilerek kırâet olundu.

Mündericâtı: Kendisi tarikat-i aliyye-i Nakşibendiyye'den müstahlef bulunduğundan münhal bir dergâh postnişinliğinin uhdesine tevcihini istirhâmdan ibâret olup mûmâ-ileyhin evvelce Meclis'e mürâca'atında cihât-ı münhalenin tevcihi ahkâm-ı nizâmiyyeye tâbi' bulunduğu tefhîm edilmişidi, tarîk-i mezkûrdan dergâh inhilâl edip de evrâk-ı havâdisle müsâbaka i'lân olduğu takdîrde şürût-ı nizâmiyyeye muvâfık vesâik-i lâzime ibrâziyla li-eclî'l-imtihân mürâca'atta muhtâr olduğunun müsted'î-i mûmâ-ileyhe tefhîmi tezekkür kılındı ol bâbda.

Sîret

IST_MFT_MSH_DFT02_01746_0001-0050_M

[Sayfa boştur]

IST_MFT_MSH_DFT02_01746_0001-0051

Kışın şiddetli geçmesi sebebiyle; ihtiyaca binaen bazı cami, mescit ve tekkelere muhacir iskân edilmesi.

Fî 27 R. sene 1340 / Fî 27 Kânûn-ı evvel sene 1337 / Hüsâm / Kırmızı 55 / 281 / 50610 - 34 / - 144 / Fî 5 Cumâdelûlâ sene 1340 [4 Ocak 1922] / Fî 31 Kânûn-ı evvel sene 1337

Derkenâr

Şiddet-i sermânın hüküm-fermâ olması hasebiyle muhâcirinin iskânı için cevâmî' ve mesâcid ve tekâyâdan bir kısmının işgâline komisyon-ı mahsûsunca bir mecbûriyet hâsıl olduğu ve bazılarının âsâr-ı atıkadan bulunmasına binâen işgâllerinden sarf-ı nazar edildiğine dâir Dâhiliye Nezâret-i celîlesinden vârid olup havâle buyurulan işbu tezkire aynen defter-i mahsûsuna kaydedilmekle Evrâk Müdiriyyetinde hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0052

Ali Gâlib Efendi'nin izin süresinin uzatılma talebinin uygun görülmesi.

Fî 26 R. sene 1340 / Fî 26 Kânûn-ı evvel sene 1337 / Hüsâm / İstid'â 1700 / 283 / - / - / 143 / Fî 26 Rebî'ulâhir sene 1340 [27 Aralık 1921] / Fî 26 Kânûn-ı evvel sene 1337

Derkenâr

Me'zûniyetinin temdîdi istid'âsını havî Ali Gâlib Efendi tarafından takdîm olunup bu bâbda

beyân-ı mütâlâ'a olunmak üzere Encümen-i İntihâb-ı Me'mûrîn-i İlmiyye karârıyla Meclis-i dâ'iyânemize havâle buyurulan işbu arzuhâl kırâet olundu.

Ber-vech-i istid'â müddet-i münâsibe ile temdîd-i me'zûniyyetinde mahzûr görülmediğinden mu'âmele-i mukteziyyenin ifâsı menût-ı re'y-i âlî-i cenâb-ı Fetvâ-penâhîleri olmağın ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0053

Yedikule'de Hâlid Efendi Dergâhı postnişini Şehabeddin Efendi'nin, dergâhta hizmet etmek için iki dede talebi üzerine; vakfiyesinde bu hususa dair bir kayıt olup olmadığının Evkaf Nezâretine sorulması.

Fî 25 R. sene 1340 / Fî 25 Kânûn-ı evvel sene 1337 / Hüsâm / 1748 / 284 / - / - / 142 / Fî 26 Rebî'ülâhîr sene 1340 [27 Aralık 1921] / Fî 26 Kânûn-ı evvel sene 1337

Derkenâr

Yedikule kurbünde Halid Efendi Dergâhı postnişini Şehabeddin Efendi tarafından bi't-takdîm havâle buyurulan işbu arzuhâl kırâet olundu.

Meâlî: Dergâh-ı mezkûrda li-eclî'l-hidme bulunması muktezî iki nefer dedenin yedlerine ale'l-usûl birer kıt'a vesîka i'tâsını istihâmdan ibâret olup ba'dehû icâbı ifâ olunmak üzere evvelemir-de dergâh-ı mezkûr vakfiyesinde bu husûsa dâir olan bi'l-cümle kuyûd ve şurûtun derkenârıyla i'ade ve irsâli zımında mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0054

Hüseyin İrfan Efendi'nin memur olması nedeniyle, müteveffa babası Mehmed Emin Efendi'den münhal Merkez Efendi Camii kayımlığına tayininin mümkün olmadığı ve bu cihetin, caminin müezzini Ahmed Hâdî Efendi'ye tevcihi.

Fî 21 R. sene 1340 / Fî 21 Kânûn-ı evvel sene 1337 / Hüsâm / İstid'â 1614 / 257 / - / - / 141 / Fî 24 Rebî'ülâhîr sene 1340 [25 Aralık 1921] / Fî 24 Kânûn-ı evvel sene 1337

Derkenâr

Hüseyin İrfan Efendi tarafından takdîm olunup havâle buyurulan işbu arzuhâl kırâet olundu.

Meâlî: Merkez Efendi Hazretleri Câmî-i şerîfinin kayyımı pederi Mehmed Emin Efendi'nin vukû'-ı vefâtına mebnî münhal olan kayyımlık cihetinin uhdesine tevcihini istihâmdan ibâret olup Tevcih-i Cihât Nizâmânâmesi'nin kırk dokuzuncu maddesi ahkâmına nazaran cihet-i mezkûrenin müsted'î-i mûmâ-ileyhe tevcihine me'mûriyyette bulunması mâni' olmasına mebnî ol bâbdaki tasnîf karârânâmesi mücebince cihet-i münhalenin Câmî-i şerîf-i mezkûr müezzini Ahmed Hâdî Efendi'ye tevhiiden tevcihi icrâ kılındığından mu'âmeleden müstağnî kalan işbu arzuhâlin Evrâk Müdiriyyetinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0055

Mehmed Nureddin Efendi'nin; meşihatine tayinini talep ettiği Eyüpsultan'da Ümmî Sinan Dergâhı'na, müteveffa Şeyh Ali Nurullah Efendi'nin oğlu Ali Raşid Efendi'nin niyâbeten atanması.

Fî 21 R. sene 1340 / Fî 21 Kânûn-ı evvel sene 1337 / Hüsâm / İstid'â 1642 / 263 / - / - / 140 / Fî 24 Rebî'ülâhir sene 1340 [25 Aralık 1921] / Fî 24 Kânûn-ı evvel sene 1337

Derkenâr

Mehmed Nureddin Efendi tarafından takdîm olup havâle buyurulan işbu arzuhâl kırâet olundu.

Meâli: Eyüpsultân civârında kâin Ümmî Sinan Dergâh-ı şerîfi meşihat cihetinin asâleten uhdesine tevcihi istirhâmından ibâret olup müteveffa Ali Nurullah Efendi'den inhilâl eden cihet-i mezkûre hasbe'n-nizâm bi'n-niyâbe edâ-yı hizmet olunmak üzere müteveffa-yı mûmâ-ileyhin sagîr mahdûmu Ali Raşid Efendi'ye tevcih kılındığından mu'âmeleden müstağnî kalan işbu arzuhâlin Evrâk Müdiriyyetinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0056

Beykoz Serviburnu'nda Emin Efendi Dergâhı bahçesine Amerika Gaz Şirketi tarafından yapılan müdahalenin önlenmesi için, mahkemeye müracaat etmesi gerektiğinin dergâh şeyhi ve mütevellisi Kadri Efendi'ye bildirilmesi.

Fî 21 R. sene 1340 / Fî 21 Kânûn-ı evvel sene 1337 / Hüsâm / Kırmızı 101 / Husûsî 221 - 134009 - 86 / - / - / 139 / Fî 21 Rebî'ülâhir sene 1340 [22 Aralık 1921] / Fî 21 Kânûn-ı evvel sene 1337

Derkenâr

Beykoz'da Serviburnu'nda kâin Emin Efendi Dergâhına âid bahçeye Amerika Gaz Kumpanyası tarafından vukû' bulan tecâvüzün ref' ve izâlesi için mütevellisi bulunan şeyh efendi tarafından mahkeme-i âidesine mürâca'atla ta'kîb-i da'vâ îcâb eylediğine dâir Hukuk Müşavirliği ifâdesiyle Evkâf-ı Hümayûn Nezâret-i celîlesinden vârid olup havâle buyurulan işbu tezkire-i cevâbiyye mûndericâtı dergâh-ı mezkûr şeyh ve mütevellisi Kadri Efendi'ye tefhîm edilmekle işbu tezkirenin Evrâk Müdiriyyetinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0057

Evlada meşruta olan cihetlerin torunlara tevcih edilemeyeceğine dair Şûrâ-yı Devlet kararı.

Fî 21 R. sene 1340 / Fî 21 Kânûn-ı evvel sene 1337 / Hüsâm / Kırmızı 89 / 265 / 352411 - 75 / - / 138 / Fî 21 Rebî'ülâhir sene 1340 [22 Aralık 1921] / Fî 21 Kânûn-ı evvel sene 1337

Derkenâr

Evlâdı mevcûd olup da bunların gerek adem-i ehliyyetleri gerek istinkâfları sûretinde münhal olacak cihetlerin ahfâda şümûlü olamayacağı Şûrâ-yı Devlet Mülkiye ve Ma'ârif Dâiresinden bâ-mazbata inbâ kılındığına dâir Sadâret-i uzmâdan vârid olup havale buyurulan işbu tezkire-i

cevâbiyye aynen defter-i mahsûsuna kaydedilmekle Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0058

Kasımpaşa'da Büyükipiyâlepaşa Dergâhı meşihatinde vekâleten bulunan İbrâhim Şemseddin Efendi'nin, bu göreve asaleten tayini.

Fî 18 R. sene 1340 / Fî 18 Kânûn-ı evvel sene 1337 / Hüsam / İstid'â 1579 / 254 / - / - / 137 / Fî 21 Rebî'ülâhir sene 1340 [22 Aralık 1921] / Fî 21 Kânûn-ı evvel sene 1337

Derkenâr

İbrahim Şemseddin Efendi tarafından bi't-takdîm havâle buyurulan işbu arzuhâl ve merbûtu kırâet olundu.

Meâli: Me'mûriyetinden tekâ'üdü icrâ olunduğundan bahisle vekâletinde bulunduğu Kasımpaşa'da Büyükipiyâle Paşa Dergâh-ı şerîfi meşihat cihetinin asâleten uhdesine tevcihîni istirhâmdan ibâret olup cihet-i mezkûrenin usûl ve nizâmı dâiresinde mûmâ-ileyh uhdesine mu'âmele-i tevcihiyyesi icrâ kılındığından mu'âmeleden müstağnî kalan işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0059

İbrâhim Efendi'nin meşihatine tayinini talep ettiği Aksaray'da Olanlar Dergâhı'na, Şeyh Safvet Efendi'nin nizama uygun bir şekilde tayin edilmesinin kendisine tefhimi.

Fî 19 R. sene 1340 / Fî 19 Kânûn-ı evvel sene 1337 / Hüsam / İstid'â 1717 / 279 / - / - / 136 / Fî 19 Rebî'ülâhir sene 1340 [20 Aralık 1921] / Fî 19 Kânûn-ı evvel sene 1337

Derkenâr

İbrahim Efendi tarafından Bâbiâlî cânib-i sâmişine bi't-takdîm havâle buyurulan işbu arzuhâl ve merbûtu kırâet olundu.

Meâli: Aksaray'da kâin Olanlar Dergâh-ı şerîfi meşihat cihetinin mugâyir-i kânûn olarak asâleten Şeyh Safvet Efendi uhdesine tevcih edildiğinden bahisle cihet-i mezkûrenin mûmâ-ileyhten ref edilerek kendisine tevcihîni istirhâmdan ibâret olup hâlbuki dergâh-ı mezkûrun meşihat ciheti usûl ve nizâmı dâiresinde mûmâ-ileyh Şeyh Safvet Efendi uhdesine tevcih kılınmış ve bu bâbda başka mu'âmeleye lüzûm ve mahal kalmamış olduğundan işbu arzuhâl ile merbûtunun cânib-i Bâb-ı âliye irsâli mütevakkıf-ı re'y ü irâde-i aliyye-i cenâb-ı Fetvâ-penâhileridir ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0060

Fındıklı Dergâhı şeyhi Mehmed Kâmil Efendi ile ailesine, dergâhın inşası bitinceye kadar hane kirası olarak aylık bin kuruş ödenmesi.

Fî 18 R. sene 1340 / Fî 18 Kânûn-ı evvel sene 1337 / Hüsâm / İstid'â 1599 / 259 / - / - / 135 / Fî 19 Rebî'ülâhîr sene 1340 [20 Aralık 1921] / Fî 19 Kânûn-ı evvel sene 1337

Derkenâr

Fındıklı Dergâh-ı şerîfi şeyhi Mehmed Kâmil Efendi tarafından takdîm olunup havâle buyurulan işbu arzuhâl kırâet olundu.

Meâli: Dergâh-ı mezkûrun inşâsına kadar Evkâf-ı Hümâyûn Nezâret-i celîlesince i'tâ edilmekte olan şehri bin gurus süknâ bedelinin İstanbul vilâyeti Evkâf Müdîriyyetince tevkîf edildiğinden kemâ-kân i'tâsını istirhâmdan ibâret olup ahîran müsted'î-i mûmâ-ileyh tarafından takdîm olunup havâle buyurulan arzuhâl zahrına dergâh-ı mezkûr ile şeyh ve âilesinin iskânına mahsûs süknâ inşâ edilinceye değin kemâ-kân bedel-i mezkûrun i'tâsı husûsu fî 7 Rebî'ülâhîr sene 1340 fî 7 Kânûn-ı evvel sene 1337 târihli ve 129 numaralı derkenâr ile nezâret-i müşârun-ileyhâya iş'ar olunmak üzere arz edildiği kayden müstebân olmağla mu'âmeleden müstağnî kalan işbu arzuhâlin Evrâk Müdîriyyetinde hıfzı tezekkür kılındı ol bâbda.

Remzi, Mehmed Gülşen

IST_MFT_MSH_DFT02_01746_0001-0061

Kadıköy'de Mecidiye Dergâhı ile Üsküdar'da Bandırmalı Dergâhı şeyhi Ahmed Münib Efendi'nin vefatıyla, meşihat cihetlerinin nizama uygun şekilde oğlu Şeyh Yusuf Efendi'ye tevcihi.

Fî 8 R. sene 1340 / Fî 8 Kânûn-ı evvel sene 1337 / Hüsâm / İstid'â 1621 / 260 / - / - / 134 / Fî 19 Rebî'ülâhîr sene 1340 [20 Aralık 1921] / Fî 19 Kânûn-ı evvel sene 1337

Derkenâr

Müderresînden Amir Efendi tarafından takdîm olunup havâle buyurulan işbu arzuhâl kırâet olundu.

Meâli: Kadıköyü'nde Zihnipaşa Mahallesi'nde kâin Mecidiye Dergâh-ı şerîfiyle Üsküdar'da Bandırma[lı] Dergâhı meşihat cihetleri Şeyh Yusuf Efendi uhdesinde olup iki cihetin bir şahsa tevcihi muvâfık-ı şer' ve kânûn olmadığından mûmâ-ileyhin azliyle yerine ulemâdan bir zâtın ta'yîni ve mûmâ-ileyhin dergâh-ı mezkûrda bekâsı gayr-i kâbil-i tecvîz olduğu istirhâmından ibâret olup kuyûda lede'l-mürâca'a dergâh-ı mezkûrun mukayyed vakfiyesinde (ve zâviyye-i mezkûrenin meşihati hayatta oldukça es-Seyyid eş-Şeyh Gâlib Efendi'ye meşrût olup irtihâl-i dâr-ı bekâ eylediğinde evlâd-ı zükûrunun ekberi olan Ahmed Münib Efendi'ye ve evlâd-ı evlâd-ı evlâd-ı zükûrunun ekberine meşrût olup gerek asâleten ve gerek vekâleten tarikat-i aliyye-i Sa'diyye ve Celvetiyye usûlleri üzerene icrâ-yı âyin eyleye) deyü şart-ı tevcihi musarrâh olmasına ve mûmâ-ileyh Yusuf Efendi müteveffâ Şeyh Ahmed Münib Efendi'nin ekber ve erşed evlâdı olup meşrûtün-leh bulunmasına ve meşihat cihetinin mutasarrıfı pederi Ahmed Münib Efendi'nin irtihâlinde sonra cihet-i mezkûre bi'l-imtihân ehliyeti tebeyyün etmesine mebnî ber-müceb-i şart-ı vâkıf ve Bandırmalı Dergâh-ı şerîfi meşihat ciheti dahi evlâd-ı vâkıfın eslah ve

erşedine tevcihi meşrût olup cihet-i mezkûrenin dahi pederi mahlûlünden ve meşrûtün-lehi olmasından nâşi ciheteyn-i mezkûreteynin mûmâ-ileyh Şeyh Yusuf Efendi uhdesine usûl ve nizâmı dâiresinde mu'âmele-i tevcihiyyeleri ifâ kılındığı müstebân olmağla müsted'inin mürâca'atında keyfiyyetin tefhîmiyle işbu arzuhâlin Evrâk Müdîriyyetinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0062

Arzuhalde bahsedilen dergâhtaki şahısların tahliyelerinin, Tahliye Medâris Komisyonu riyâsetine bildirilmesi.

Fî 17 R. sene 1340 / Fî 17 Kânûn-ı evvel sene 1337 / Hüsâm / İstid'â 1730 / 275 / Hülâsa: 133 / Fî 19 Rebî'ülâhîr sene 1340 [20 Aralık 1921] / Fî 19 Kânûn-ı evvel sene 1337

Derkenâr

İşbu arzuhâlde beyân olunduğu üzere Dergâh-ı şerîfin icrâ-yı zikrullâha mahsûs olan tevhidhânesinin işgâliyle zikir ve tevhidin ta'tiline sebebiyet verilmesi bir vechile tecvîz olunur ahvâlden olmadığından arzuhâlde isimleri mezkûr eşhâsın serî'an tahliyesi esbâbının istikmâli zımında Tahliye Medâris Komisyonu riyâset-i aliyyesine takdîm kılındı.

Sîret, Remzi, Mehmed Gülşen

IST_MFT_MSH_DFT02_01746_0001-0063

Mevlevîhanekapısı'nda Mimar Acem Camii müezzine meşruta olan bostana ait davayı takip etmemesinden dolayı, mütevellisi Şeyh Mustafa Efendi'nin azledilip edilmeyeceğinin Fetvahaneye sorulması.

Fî 14 R. sene 1340 / Fî 14 Kânûn-ı evvel sene 1337 / Hüsâm / Müzekkire 67 / 266 / Lef 8 / - / 132 / Fî 14 Rebî'ülâhîr sene 1340 [15 Aralık 1921] / Fî 14 Kânûn-ı evvel sene 1337

Derkenâr

Mevlevîhanekapısı kurbünde kâin Mi'mâr Acem Câmi'-i şerîfi müezzine meşrût olup tevliyeti Şeyh Mustafa Efendi uhdesinde bulunan bostan hakkında mûmâ-ileyh tarafından ikâme edilen da'vâ ta'kîb olunmayarak terk edilmesi vakfa hıyânet demek olup mûcib-i azl ahvâlden bulunduğu ve Hukuk Müşavirliğinden beyân olunmasına binâen mûmâ-ileyhten cihet-i tevliyyetin ref'i îcâb etmekte ise de cihet-i mezkûra meşîhate meşrût olmasına ve meşîhat mûmâ-ileyhin uhdesinde bulundukca tevliyyetin ref'inden bir fâide hâsıl olamayacağına mebnî meşîhat ciheti hakkındaki mütâla'anın beyânı zımında Şûrâ-yı Evkâfdan vârid olup havâle buyurulan işbu müzekkire ve merbûtâtı mütâla'a olundu.

Sâdır olacak cevâba göre iktizâsı ba'dehû teemmül ve arz olunmak üzere evveleminde müzekkire mûndericâtına ve evrâk-ı merbûta miyânında bulunan mütevellî-i mûmâ-ileyhin imzâsı tahtındaki ifâdeleriyle mûmâ-ileyh tarafından Meclis'e ibrâz edilip rabten takdîm kılınan i'lâm sûreti meâllerine nazaran mûmâ-ileyhin tevliyyetden azli îcâb edip etmeyeceği hakkında îcâb-ı şer'îsi beyân buyurulmak üzere işbu evrâkın Fetvâhâne-i âliye havâle buyurulması tezekkür kılındı ol bâbda.

Sîret, Remzi, Mehmed Gülşen

IST_MFT_MSH_DFT02_01746_0001-0064

Eyüpsultan'daki Şeyhülislam Dergâhı postnişini Râsih Efendi'nin talebi üzerine, dergâhta ikamet eden ve sâbıkalı olan Necati isimli şahsın dergâhtan tahliyesi.

Fî 14 R. sene 1340 / Fî 14 Kânûn-ı evvel sene 1337 / Hüsam / İstid'â 1707 / 273 / - / - / 131 / Fî 14 Rebî'ülâhir sene 1340 [15 Aralık 1921] / Fî 14 Kânûn-ı evvel sene 1337

Derkenâr

Sâbika-i mükerrere ashâbından Necati nâm şahsın dergâhtan ihrâcı talebini müsted'î Eyüpsultân civârında kâin Şeyhülislâm Dergâh-ı şerîfi postnişini Râsih Efendi tarafından takdîm olup havâle buyurulan işbu arzuhâl kırâet olundu.

Mündericâtına nazaran; dergâhla alâkadâr olmayan bu gibi kesânın dergâhta ikâmeti câiz olmayacağından mûmâ-ileyhin ihrâcı zımında işbu arzuhâlin Tahliye-i Medâris Komisyonuna havâle buyurulması tezekkür kılındı ol bâbda.

Sîret, Remzi, Mehmed Gülşen

IST_MFT_MSH_DFT02_01746_0001-0065-0066

Beşikçizâde Dergâhı'nda ikamet eden müteveffa şeyhin eşi Emine Hanım ile çocuklarının maiyetlerini temin edebildiklerinden dolayı dergâhtan tahliyeleri ve Şeyh Ali Enver Efendi'ye yeniden berat verilmesi.

Fî 8 R. sene 1340 / Fî 8 Kânûn-ı evvel sene 1337 / Hüsam / İstid'â 1661 / - / - / - / 130 / Fî 12 Rebî'ülâhir sene 1340 [13 Aralık 1921] / Fî 12 Kânûn-ı evvel sene 1337

Derkenâr

Emine Hanım tarafından takdîm olup havâle buyurulan işbu arzuhâl kırâet olundu.

Meâli: Beşikçizâde Dergâhı şeyhi zevci müteveffa Hasan Kâmil Efendi'den inhilâl eden meşîhat cihetinin mahdûmu Ali Enver Efendi'ye hîn-i tevcîhinde müteveffa-yı mûmâ-ileyhin zevce-i metrûkeleriyle ol vakit sagîr bulunan mahdûmlarını dergâhta iskân ve i'âşe eylemek şartıyla tevcîh olup bu kere mûmâ-ileyh Enver Efendi dergâhtan ihrâca teşebbüs eylediğinden ve sâireden bahisle kemâ-kân iskânlarını istirhâmdan ibâret olup kuyûda lede'l-mürâca'a bu bâbda Şeyh Enver Efendi tarafından takdîm olup havâle buyurulan arzuhâlde pederi Hasan Efendi'nin vefâtında münhal olan meşîhat cihetinin uhdesine tevcîhi hakkında takdîm kılınan mazbata-i dâ'iyânemiz mücebince i'tâ buyurulan berât-ı âlîde müteveffa-yı mûmâ-ileyhin iki zevce-i metrûkesiyle ol vakit sagîr bulunan Osman Nûri ve Ömer Faruk ve Bekir Sıdkî efendiler nâmında üç nefer mahdûmu ile bir hemşîresini dergâh-ı mezkûrda iskân ve i'âşe eylemesi münderic ise de el-yevm biraderlerinin biri doktor ve diğeri zâbit olup fotoğracılıkla ve üçüncüsü ticâretle iştigâl etmekte oldukları gibi müstakillen akâr ve emlâkları da bulunduğundan ve sâireden bahisle dergâh-ı mezkûrun cüz'î mikdârda bulunan muhassasâtıyla onlarla birlikte iskân ve i'âşe kâbil olamayacağı beyânıyla müstakillen ifâ-yı vazîfe eylemesi için yedindeki berâtta münderic kuyûd ve şûrûtun tayy ve ihrâcıyla yeniden berât-ı âlî i'tâsını istid'â etmekle kuyûda lede'l-mürâca'a mûmâ-ileyhe pederinden inhilâl eden cihet-i meşîhatin hîn-i tevcîhinde pederi müteveffa Hasan Efendi'nin iki zevcesi ve bir kerîmesiyle ta'ayyüşlerini te'mîn edinceye kadar üç nefer sagîr mahdûmlarının dergâhta iskân ve i'âşeleri husûsu berât-ı âlîye derc ettirildiği

müstebân olmuş ve tahkîkât-ı lâzime bi'l-icrâ istid'ânâme mündericâtının mukârin-i hakikat olduğu anlaşılmıştır.

Îcâbı led'e't-teemmül dergâhta bulunan sığâr-ı mezbûreler el-yevm sinn-i rüşde vâsıl olarak emr-i ma'îşetlerini te'mîn etmiş oldukları gibi mûmâ-ileyhimin vâlideleri olup Enver Efendi'ye üvey bulunan [0066] Emine Hanım'ın emr-i iskân ve i'âşesi de mûmâ-ileyhâdan mütevellid ve el-yevm kebîr bulunan mûmâ-ileyhim Osman Nûri ve Ömer Faruk ve Bekir Sıdkî efendilere âid olmasına binâen bunların ba'demâ dergâhta ikâmetlerine lüzûm kalmadığından diğer üvey vâlidesiyle li-eb kız karındaşını dergâhta iskân ve i'âşe edeceğini mûmâ-ileyh Şeyh Enver Efendi ta'ahhüd eylediğine dâir bir kıt'a sened i'tâ eylediğinden meşihat-i mezkûreye müstakillen tasarrufu hakkında mûmâ-ileyhe bilâ-kayd ü şart tebdilen ve müceddeden berât i'tâsı hakkında takdîm kılınan fî 15 S. sene 1340 târîhli mazbata-i dâ'iyânemizin îcâbı icra buyurulduğu müstebân olmağla ol bâbda.

Sîret, Cevdet, Remzi

IST_MFT_MSH_DFT02_01746_0001-0067

Fındıklı Dergâhı şeyhi Mehmed Kâmil Efendi'ye, dergâhın inşası bitinceye kadar hane kirası olarak aylık bin kuruş ödenmesi.

Fî 7 R. sene 1340 / Fî 7 Kânûn-ı evvel sene 1337 / Hüsâm / İstid'â 1672 / 270 / - / - / 129 / Fî 7 Rebî'ülâhîr sene 1340 [8 Aralık 1921] / Fî 7 Kânûn-ı evvel sene 1337

Derkenâr

Fındıklı Dergâh-ı şerîfî postnişîni Mehmed Kâmil Efendi tarafından takdîm olunup havâle buyurulan işbu arzuhâl kırâet olundu.

Meâlî: Dergâh-ı şerîfî kısmen inşâ etmesi üzerine fukarâ ve dervîşâna muhassas ta'âmiyyenin i'tâsı lâzım geldiği bâ-müzekkîre İstanbul vilâyeti Evkâf Müdiriyyetine iş'âr edilmiş ve Evkâf-ı Hümâyûn Nezâret-i celîlesinden kendisine i'tâ edilmekte olan bin guruş süknâ bedeli de kat' ve tevkîf olunup hâlbuki istikrâz sûretiyle ancak dervîşân ve muhibbân için inşâ eylediği üç aded hücürâtın ibâret idiğinden kemâ-fi's-sâbık meblağ-ı mezkûrun i'tâsını istihâm eylemekte bulunduğundan fi'l-hakîka mûmâ-ileyhin bu bâbdaki taleb-i vâki'i muvâfık olup hücürât-ı mezkûre ma'a âile kâbil-i iskân bir hâlde olmayıp esâsen harem ve selâmlıklı hücürât-ı müte'addideyi müştemil iken baraka şeklinde üç odadan ibâret ve bu da fukarâ ve dervîşânın beytütetine mahsûs ve kendisi dergâha karîb mahalde hâne tedârikiyle meşgûl bulunduğundan Dergâh-ı şerîf ile şeyh ve âilesinin iskânına mahsûs süknâ inşâ edilinceye kadar kemâ-kân bedel-i mezkûrun i'tâsı husûsunun bâ-tezkîre-i aliyye nezâret-i müşârun-ileyhâya iş'âr buyurulması tezekkür kılındı ol bâbda.

Cevdet, Remzi

IST_MFT_MSH_DFT02_01746_0001-0068

Üsküdar'da Selâmi Ali Efendi Caddesi'ndeki Hindi Şeyh Feyzullah Efendi dergâhı arazisine Kıptilerce yapılan müdahalenin önlenmesi talebinde bulunan Şeyh Mehmed Tahir Efendi'ye, arazinin vakfiyetini ispat etmek için mahkemeye başvurusu gerektiğinin tebliği.

Fî 30 Ra. sene 1340 / Fî 1 Kânûn-ı evvel sene 1337 / Hüsam / İstid'â 1454 / 237 / Lef 2 / - / 128 / Fî 3 Rebî'ülâhir sene 1340 [4 Aralık 1921] / Fî 3 Kânûn-ı evvel sene 1337

Derkenâr

Şeyh Mehmed Tahir Efendi tarafından bi't-takdîm havâle buyurulan işbu arzuhâl kırâet olundu. Meâli: Üsküdar'da Selâmi Ali Efendi Caddesi'nde kâin Hindî Şeyh Feyzullah Efendi Dergâh-ı şerîfinin arâzisine civârında sâkin Kıptiler tecâvüz ederek kulübeler inşâ ve yed-i gasblarına geçirdiklerinden ve mezkûr kulübeler muhterik olması hasebiyle ba'demâ merkûmların tecâvüzlerine meydan verilmeyerek vakıf nâmına tarafına teslimini istihâmından ibâret olup ol bâbda icrâ kılınan tahkîkât neticesinde Solaksinan Mahallesi imâm ve muhtârân ve hey'et-i ihtiyâriyyesi tarafından mu'tâ merbût ilmühaber şeyh-i mûmâ-ileyhin iddi'â eylediği mahall-i mezkûr İcâdiye harîk-i kebîrinde muhterik olup emlâk sâhibleri yedinde sened-i hâkânî mevcûd ve kısmen mülk ve kısmen hüccet ile mutasarrıf oldukları dermiyân kılınmasına nazaran mahall-i mezkûrun vakfiyeti hakkında şeyh-i mûmâ-ileyhin mahkeme-i âidesine bi'l-mürâca'a ikâme-i da'vâ edebileceğinin kendisine tefhîmiyle işbu arzuhâlin merbûtlarıyla Evrâk Müdüriyyetinde hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0069

Şâbâniyye tarikatı halifesinden ve yangınzede olan Ahmed Cemal Efendi'nin mensup olduğu tarikata ait bir dergâh meşihatini münhal olduğunda, tayin talebinin dikkate alınacağıının kendisine bildirilmesi.

Fî 30 Ra. sene 1340 / Fî 1 Kânûn-ı evvel sene 1337 / Hüsam / İstid'â 1626 / 258 / - / - / 127 / Fî 3 Rebî'ülâhir sene 1340 [4 Aralık 1921] / Fî 3 Kânûn-ı evvel sene 1337

Derkenâr

Ahmed Cemal Efendi tarafından takdîm olunup havâle buyurulan işbu arzuhâl kırâet olundu. Meâli: Kendisi tarikat-i aliyye-i Şa'bâniyye'den müstahlef ve harîkzedegândan bulunduğu bahisle münhal bir dergâh meşihatının uhdesine tevcihini istihâmından ibâr[et] olup şimdilik münhal dergâh bulunmadığından müstahlef bulunduğu tarîk-i mezkûrdan dergâh inhilâlinde taleb-i vâki'in nazar-ı dikkate alınacağıının tefhîmiyle işbu arzuhâlin Evrâk Müdüriyyetinde hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0070

Keçeci Pîrî Mahallesi'nin Neyzen Sokağı'nda Cuma Tekkesi diğer adıyla Resmî Efendi Zaviyesi'nde ikamet eden Rabia Hanım'ın; dergâhta çocuklara cüz ve ilmihal tedrisi talebinin, dergâhın zikrullahı mahsus olması nedeniyle kabul edilmemesi.

Fî 28 Ra. sene 1340 / Fî 29 Teşrîn-i sâni sene 1337 / Hüsâm / Kırmızı 123 / 256 / Husûsî 25 / - / 126 / Fî 29 Rebî'ülevvel sene 1340 [30 Kasım 1921] / Fî 30 Teşrîn-i sâni sene 1337

Derkenâr

Keçeci Pîrî Mahallesi'nde Cuma Tekkesinin bir odasında mukîme Rabia Hanım tarafından bazı etfâle eczâ-yı şerîfe ve ilm-i hâl tedrisi için ruhsat i'tâsını talep etmekte olup mahalle-i mezkûrda dershâne küşâdı muvâfık olup olmayacağının istifsârına dâir İstanbul vilâyet-i aliyesinden te'kiden vârid olup havâle buyurulan iş bu tezkire kırâet olundu.

Kuyûda lede'l-mürâca'a dergâh-ı mezkûr mahalle-i mezkûrenin Neyzen Sokağı'nda Resmî Efendi Zâviyesi olup el-yevm ma'mûr ve küşâde ve eyyâm-ı mahsûsasında tarîkat-i aliyye-i Kâdiriyye usûlü üzere ifâ-yı zikrullâh edilmekte olup mûmâ-ileyhâ meskensiz olarak meydanda kaldığından hâline merhameten beş on gün müsâferet sûretiyle dergâh-ı mezkûrun iki odadan ibâret bulunan selâmlık dâiresindeki odanın birisinde şeyh efendi tarafından muvakkaten iskân edildiği ve tahliyesi matlûb bulunduğu ol bâbda icrâ kılınan tahkîkâtan anlaşılmış ve dergâhlar dervîşânın zikir ve tevhîd etmelerine ve ed'iyye-i hayriyye ifâsına mahsûs olup hilâf-ı şart-ı vâkıf derûnunda dershâne küşâdı için ruhsat i'tâsı muvâfık olamayacağı mukaddemâ vilâyet-i müşârun-ileyhâdan vârid olup havâle buyurulan fî 27 Teşrîn-i evvel sene 1337 târihli ve husûsî yirmi numaralı tezkireye yazılan fî 11 Rebî'ülevvel sene 1340 ve fî 12 Teşrîn-i sâni sene 1337 târihli ve 117 numaralı karâr-ı dâ'iyânemizle arz edildiği müstebân olmağla ol bâbda.

Sîret, Cevdet, Remzi

IST_MFT_MSH_DFT02_01746_0001-0071

Üsküdar'da Hazret-i Nasûhî Dergâhı cihetine ait Hasan Paşa vakfı ile zevcesi Hatice Sultan vakfının aynı vakıf olması sebebiyle, postnişini tarafından talep edilen zammın yapılmaması.

Fî 26 Ra. sene 1340 / Fî 27 Teşrîn-i sâni sene 1337 / Hüsâm / İstid'â 1254 / 253 / - / - / 125 / Fî 29 Rebî'ülevvel sene 1340 [30 Kasım 1921] / Fî 30 Teşrîn-i sâni sene 1337

Derkenâr

Üsküdar'da kâin Hazret-i Nasûhî Dergâh-ı şerîfi evkâfına dâir cereyân eden muhâbere üzerine Kuyûd-ı Vakfiyye Müdiriyyetinden vârid olup havâle buyurulan işbu müzekkire-i cevâbiyye mündericâtından dergâh-ı mezkûrdaki cihâtın mürettib ve vâzı'ı Hasan Paşa olup zevcesi Hatice Sultân'ın vakfiyesiyle müeyyed olduğu üzere sultân-ı müşârun-ileyhâ tarafından cihât-ı mebhûse vezâif-i kadîmesine bir misli zam icrâ edilmiş olduğu ve vakf-ı mezkûr ayrı ayrı olmayıp bir vakıftan ibâret bulunduğu anlaşılmış ve keyfiyyet hânkâh-ı mezkûr postnişini efendiye tefhîm edilmiş olduğundan mu'âmeleden müstağnî kalan müzekkire ve merbûtâtının Evrâk Müdiriyyetinde hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0072

Mevlevîhanekapısı'nda Merkez Efendi Dergâhı'ndaki Şah Sultan Camii müezzinlik cihetinin Ahmed Hâdî Efendi'ye tevcihi yapılacağından, deruhte kaydının Evkaf Nezâretinden istenmesi.

Fî 26 Ra. sene 1340 / Fî 27 Teşrîn-i sâni sene 1337 / Hüsam / İstid'â 1590 / 251 / - / - / 124 / Fî 29 Rebî'ülevvel sene 1340 [30 Kasım 1921] / Fî 30 Teşrîn-i sâni sene 1337

Derkenâr

Mevlevîhanekapısı hâricinde kâin Merkez Efendi Hazretleri dergâhı derûnunda Şah Sultan Câmî-i şerîfinin kayyımı Mehmed Emin Efendi'nin vukû'-ı vefâtına mebnî münhal olan kayyımlik cihetinin uhdesine tevcihi istirhâmını hâvî Câmî-i şerîf-i mezkûr müezzini Ahmed Hâdî Efendi tarafından bi't-takdîm havâle buyurulan işbu arzuhâl kırâet olundu.

Ba'dehû îcâbı teemmül ve arz edilmek üzere evveleminde cihet-i mezkûre der'uhde kaydının ihrâc ve ırsâli zımında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0073

Üsküdar'da Hazret-i Pîr Hüdâyî Asitanesi postnişini Şeyh Gülşen Efendi'nin verdiği arzuhalde bahsi geçen imamet cihetine ait deruhte kaydının Evkaf Nezâretinden istenmesi.

Fî 25 Ra. sene 1340 / Fî 26 Teşrîn-i sâni sene 1337 / Hüsam / İstid'â 1611 / - / - / - / 123 / Fî 25 Rebî'ülevvel sene 1340 [26 Kasım 1921] / Fî 26 Teşrîn-i sâni sene 1337

Derkenâr

Üsküdar'da kâin Âsitâne-i Hazret-i Pîr Hüdâî postnişini Şeyh Gülşen Efendi tarafından takdîm olunup havâle buyurulan işbu arzuhâl kırâet olundu.

Ba'dehû îcâbı teemmül ve arz olunmak üzere evveleminde derûn-ı arzuhâlde mahkî imâmet ciheti der'uhde kaydının ihrâc ve ırsâli zımında işbu arzuhâlin mazrûfen Evkâf-ı Hümâyûn Nezâret-i celîlesine tesyâr buyurulması tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0074

Bursa'da Cizyedar Vakfı müteveli kaymakamı Canip Bey tarafından verilen arzuhalde; bahsi geçen dergâhın meşihatine ait vakfiye kaydının Evkaf Nezâretinden istenmesi.

Fî 19 Ra. sene 1340 / Fî 20 Teşrîn-i sâni sene 1337 / Hüsam / Kırmızı 385 / - / Lef 1 / - / 122 / Fî 22 Rebî'ülevvel sene 1340 [23 Kasım 1921] / Fî 23 Teşrîn-i sâni sene 1337

Derkenâr

Bursa vilâyeti Evkâf Müdiriyyeti Vekâletinden Evkâf-ı Hümâyûn Nezâreti Vekâlet-i celîlesine vârid olup mazrûfen huzû[r]-ı âlî-i cenâb-ı Fetvâ-penâhîlerine bi't-takdîm Meclis-i dâ'iyânemize havâle buyurulan işbu tahrîrât ve melfûfu Cizyedârzâde Vakfı mütevellîsi kâimmakâmı Cânib Bey tarafından verilen arzuhâl kırâet olundu.

Ba'dehû îcâbı teemmül ve arz olunmak üzere evveleminde derûn-ı arzuhâlde mahkî Dergâh-ı şerîf meşihatının şürût-ı tevcihine dâir olan fıkra-i vakfiyyesinin ihrâc ve irsâli zımnında işbu evrâkın mazrûfen nezâret-i müşârun-ileyhâya tesyâr buyurulması tezekkür kılındı ol bâbda

Sîret, Mehmed Gülşen

IST_MFT_MSH_DFT02_01746_0001-0075

Arabacıbaşı Dergâhı meşihat ve türbedarlığının tayininde, vakıf mütevellisinin görüşüne gerek olmadığının Vecihi Paşazâde Kemal Paşa Vakfı mütevellisi Necmeddin Bey'e bildirilmesi.

Fî 20 Ra. sene 1340 / Fî 21 Teşrîn-i sâni sene 1337 / Hüsâm / İstid'â 1562 / 248 / - / - / 121 / Fî 22 Rebî'ülevvel sene 1340 [23 Kasım 1921] / Fî 23 Teşrîn-i sâni sene 1337

Derkenâr

Vecihi Paşazâde Kemal Paşa Vakfı mütevellisi Necmeddin Bey tarafından takdîm olup havâle buyurulan işbu arzuhâl kırâet olundu.

Meâli: Vekâletle idâresi şart-ı vâkıf iktizâsından olan Arabacıbaşı Dergâh-ı şerîfi meşihat ve türbedarlık cihetleri vekâletine ta'yîn buyurulan Şehabeddin Efendi hakkında Meclis-i dâ'iyânemizden sâdır olan karâr sûretinin i'tâsını istihâmından ibâret olup ciheteyn-i mezkûreteyn vekâleti mütevellînin re'y ve inhâsına meşrûta olmayıp intihâb-ı meşâyihle ta'yîni şart-ı vâkıf iktizâsından olmağla ol vechile mu'âmele-i tevcihîye icrâ edildiğinden tervîc-i istid'âya mahal kalmadığının mûmâ-ileyhe tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0076

Üsküdar'da Selimiye Dergâhı şeyhi Mehmed Esad Efendi'nin arzuhalinde bahsettiği kayyım-ı sânilik cihetine ait tedavül kaydının Evkaf Nezâretinden istenmesi.

Fî 18 Ra. sene 1340 / Fî 19 Teşrîn-i sâni sene 1337 / Hüsâm / İstid'â 1475 / 238 / - / - / 120 / Fî 18 Rebî'ülevvel sene 1340 [19 Kasım 1921] / Fî 19 Teşrîn-i sâni sene 1337

Derkenâr

Üsküdar'da kâin Selimiye Dergâh-ı şerîfinin kayyım-ı sânilik cihetinin vekâleti hakkında dergâh-ı mezkûr şeyh nâibi Mehmed Esad Efendi tarafından takdîm olup havâle buyurulan işbu arzuhâl kırâet olundu. Ba'dehû îcâbı teemmül ve arz edilmek üzere evveleminde derûn-ı arzuhâlde mahkî cihet-i mezkûrenin tedâvül kaydının bi'l-ihrâc irsâli zımnında işbu arzuhâlin mazrûfen Evkâf-ı Hümayûn Nezâreti Vekâlet-i celîlesine tesyâr buyurulması tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0077

Tophane'de Nebâtî Dede Zâviyesi'nin meşihat ve cüzhanlık ciheti sahibi Şeyh Abdüşşekûr Efendi'nin vefatı üzerine, yerine tayin edilen oğlu İsmâil Gavsî Efendi'nin tayin tarihi olarak Meclis-i Meşâyih kararındaki tarihin esas alınması.

Fî 10 Ra. sene 1340 / Fî 11 Teşrîn-i sâni sene 1337 / Hüsâm / Kırmızı 115 / 247 / - / - / 119 / Fî 11 Rebî'ülevvel sene 1340 [12 Kasım 1921] / Fî 12 Teşrîn-i sâni sene 1337

Derkenâr

Tophane'de Nebâtî Dede Zâviyesinin meşihat ve cüzhanlık cihetlerinden mezkûr cüzhanlık cihetinin Şûrâ-yı Evkâf kararıyla fî 10 Ağustos sene 1337 târihinde Şeyh İsmâil Gavsî Efendi'ye mu'âmele-i tevcihiyyesi icrâ kılındığı tedkikât-ı kaydiyye-i ahîreden müstebân olmasına nazaran cihet-i mezkûre hakkında olunacak mu'âmelenin ta'yini husûsunda Evkâf-ı Hümâyûn Nezâret-i celîlesinden vârid olup havâle buyurulan işbu tezkire-i cevâbiyye kırâet olundu.

Kuyûda lede'l-mürâca'a zâviye-i mezkûrenin vazîfe-i mu'ayyene ile zâviyedâr ve cüzhanlık cihetlerinin pederi müteveffâ Abdüşşekûr Efendi mahlûlünden hasbe'l-meşrûta Şeyh İsmâil Gavsî Efendi uhdesine tevcihi hakkında fî 22 Z. sene 1339 ve fî 27 Ağustos sene 1337 târihli ve 19 numaralı takdîm kılınan mazbata-i dâ'iyânemiz mücebince mu'âmele-i mukteziyye icrâ buyurulmuş ve mezkûr cüzhanlık ciheti dergâh derûnunda bulunması hasebiyle tevcih mu'âmelesi nizâmen Meclis-i dâ'iyânemize âid vezâiften bulunmuş olmasına binâen şûrâ-yı mezkûr kararıyla vâki' olan tevcih mu'âmelesinin keen lem-yekûn addiyle mazbata-i ma'rûzadaki işâret-i aliyye-i Fervâ-penâhîleri târihinden tevcihi mu'teber olmak lâzım geleceğinin cevâben nezâret-i müşârun-ileyhâya iş'âr buyurulması tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0078

Eyüp'te Kâşgarî Abdullah Efendi Dergâhı'nın bânisi Rûznâmçe-i evvel Hacı Mustafa Efendi ile kızı Selime ve zevcesi Bahriye hanımların vakfiyelerinin gönderildiğine dair, Evkaf Nezâretinden gelen müzekkirenin Evrak İdaresinde hıfzı.

Fî Ra. sene 1340 / Fî Teşrîn-i sâni sene 1337 / Hüsâm / Kırmızı 96 / 210 / 133906 - 80 - Dosya 59006 / - / 118 / Fî 11 Rebî'ülevvel sene 1340 [12 Kasım 1921] / Fî 12 Teşrîn-i sâni sene 1337

Derkenâr

Sıyâneten li'l-vakf mu'âmele-i kaydiyyesi icrâ edilmek üzere irsâl olunan Eyüp'te kâin Kaşgarî Abdullah Efendi Dergâh-ı şerîfinin bânisi rûznâmçe-i evvel el-Hâc Murtaza Efendi ile kerîmesi Selime ve zevcesi Bahriye hanımların vakfiyeleri esâsen Kuyûd-ı Vakfiyyece müseccel bulunduğundan i'ade edildiğine dâir Evkâf-ı Hümâyûn Nezâret-i celîlesinden vârid olup havâle buyurulan işbu tezkire-i cevâbiyye kırâet olundu.

Mezkûr vakfiye mukaddema li-eclî'l-kayd dergâh-ı mezkûr şeyh-i sâbıkı müteveffâ Bahaeddin Efendi'nin biraderzâdesinden muvakkaten alınmış olduğundan yine i'ade olunmak üzere Meclis'de hıfzı iktizâ etmekle mu'âmeleden müstağnî kalan işbu müzekkirenin Evrak İdaresine hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0079

Keçeci Pîrî Mahallesi Neyzen Sokağı'nda bulunan Cuma Tekkesi diğer adıyla Resmî Efendi Zaviyesi'nde ikamet eden Rabia Hanım'ın dergâhta çocuklara cüz ve ilmihal tedrisi için izin talebinin, dergâhın zikrullahı mahsus olması sebebiyle kabul edilmemesi.

Fî 6 Ra. sene 1340 / Fî 7 Teşrîn-i sâni sene 1337 / Hüsâm / Kırmızı 107 / 239 / 3964 - 20 / - / 117 / Fî 11 Rebî'ülevvel sene 1340 [12 Kasım 1921] / Fî 12 Teşrîn-i sâni sene 1337

Derkenâr

Keçeci Pîrî Mahallesi'nde Cuma Tekkesinin bir odasında mukîme Rabia Hanım tarafından bazı etfâle eczâ-yı şerîfe ve ilm-i hâl tedrisi için ruhsat i'tâsını talep etmekte olup mahalle-i mezkûrda dersihâne küşâdı muvâfık olup olmayacağının istifsârına dâir İstanbul vilâyet-i aliyyesinden vârid olup havâle buyurulan işbu tezkire kırâet olundu.

Dergâh-ı mezkûr ki mahalle-i mezkûrenin Neyzen Sokağı'nda Resmî Efendi Zâviyesidir. El-yevm ma'mûr ve küşâde ve eyyâm-ı mahsûsasında tarikat-i aliyye-i Kâdiriyye usûlü üzere ifâ-yı zikrullah edilmekte olup mûmâ-ileyhâ meskensiz olarak meydanda kaldığından hâline merhameten beş on gün müsâferet sûretiyle dergâh-ı mezkûrun iki odadan ibâret bulunan selâmlık dâiresindeki odanın birisinde şeyh efendi tarafından muvakkaten iskân edildiği ve tahlîyeleri matlûb bulunduğu ol bâbda icrâ kılınan tahkîkâtan anlaşılmış ve dergâhlar dervîşânın zikir ve tevhîd etmelerine ve ed'iyye-i hayriyye ifâsına mahsûs olup hilâf-ı şart-ı vâkıf derûnunda dersihâne küşâdı için ruhsat i'tâsı muvâfık olamayacağının bâ-tezkire-i aliyye cevâben vilâyet-i müşârun-ileyhâya iş'âr buyurulması tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0080

Rumelihisarı'nda Şehitlik Dergâhı şeyhi Mahmud Efendi'nin vefatı üzerine, yerine vekâleten Mûsâ Kâzım Efendi'nin tayini.

Fî 6 Ra. sene 1340 / Fî 7 Teşrîn-i sâni sene 1337 / Hüsâm / İstid'â 1363 - 1394 / 223 - 225 / - / - / 116 / Fî 11 Rebî'ülevvel sene 1340 [12 Kasım 1921] / Fî 12 Teşrîn-i sâni sene 1337

Derkenâr

Musa Kâzım Efendi tarafından takdîm olunup havâle buyurulan işbu arzuhâl mûmâ-ileyhin diğer arzuhâliyle birleştirilerek kırâet olundu.

Meâlleri: Rumelihisarı'nda kâin Şehidlik Dergâh-ı şerîfi şeyhi Mahmud Efendi'nin vukû'-ı vefâtına ve mahdûmu Nüzhet Bey'in taşrada bulunmasına mebnî umûr-ı dergâh nâ-ehl eşhâs ellerinde kaldığından ve kendisi müteveffâ-yı mûmâ-ileyhin ekâribinden bulunduğundan bahisle dergâh-ı mezkûr vekâletinin uhdesine tefvîzini istihâmdan ibâret olup keyfiyyet lede't-teemmül mûmâ-ileyh Nüzhet Bey'in Dersâdete avdet ve mürâca'at edinceye kadar tarikat-i aliyye-i Nakşibendiyye usûlü üzere ifâ-yı vazîfe olunmak ve umûr-ı dergâh mu'attal kalmamak üzere ehil bulunan müsted'î-i mûmâ-ileyh usûl ve nizâmına tevîkan fî 27 Safer sene 1340 ve fî 29 Teşrîn-i evvel sene 1337 târihli ve 30 numaralı takdîm kılınan mazbata-i dâ'iyyânemiz mücebince dergâh-ı mezkûr türbedârlığı vekâletine ta'yîn kılındığından mu'âmeleden müstağnî kalan işbu arzuhâlin Evrâk Müdiriyyetinde hıfzı iktizâ eder ol bâbda.

Sîret, Remzi

IST_MFT_MSH_DFT02_01746_0001-0081

Üsküdar'da Hazret-i Nasûhî Dergâhı postnişinine, Hasan Paşa Vakfı ile zevcesi Hatice Sultan Vakfının aynı vakıf olduğuna dair bilgi verilmişse de konuyla ilgili bir kez daha araştırma yapılmasının Evkaf Nezâretine bildirilmesi.

Fî 30 S. sene 1340 / Fî 1 Teşrîn-i sâni sene 1337 / Hüsâm / İstid'â 1254 / - / - / - / 115 / Fî 4 Rebî'ülevvel sene 1340 [5 Kasım 1921] / Fî 5 Teşrîn-i sâni sene 1337

Üsküdar'da kâin Hazret-i Nasûhî Dergâh-ı şerîfindeki cihât hakkında Kuyûd-ı Vakfiyye Müdiriyyetinden bâlâda muharrer kayıd sûreti kırâet olundu.

Meâli: Müsted'î dergâh-ı mezkûr postnişini efendiye ledet-tebliğ cevâben i'tâ eylediği takrîrde Hatice Sultân ve Hasan Paşa vakıflarının ayrı ayrı birer vâkıf olduğu dermiyan kılınmasına binâen ol vechile bir kere daha taharriyât-ı kuyûdiyye icrâsıyla netîcesinin inbâsı zımında işbu arzuhâlin merbûtuyla mazrûfen Evkâf-ı Hümâyûn Nezâreti Vekâlet-i celîlesine irsâl buyurulması tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0082

Üsküdar'da Hazret-i Hüdâyî Dergâhı cüzhanlık cihetinin, deruhte ve tedavül kayıtlarının Evkaf Nezâretinden istenmesi.

Fî 1 Ra. sene 1340 / Fî 2 Teşrîn-i sâni sene 1337 / Hüsâm / İstid'â 1436 / 234 / - / - / 114 / Fî 1 Rebî'ülevvel sene 1340 [2 Kasım 1921] / Fî 2 Teşrîn-i sâni sene 1337

Derkenâr

Üsküdar'da Hazret-i Hüdâî -kuddise sırruhu'l-âlî- Dergâh-ı şerîfi postnişini Şeyh Gülşen Efendi tarafından takdîm olup havâle buyurulan işbu arzuhâl kırâet olundu.

Ba'dehû îcâbı teemmül ve arz olunmak üzere evveleminde derûn-ı arzuhâlde mahkî cüzhanlık cihetinin der'uhde ve tedâvül kayıtlarının ihrâc ve irsâli zımında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0083

Üsküdar'da Hz. Hüdâyî Dergâhı zaviyedarlık ciheti deruhte ve tedavül kayıtlarının Evkaf Nezâretinden istenmesi.

Fî 1 Rebî'ülevvel sene 1340 / Fî 2 Teşrîn-i sâni sene 1337 / Hüsâm / İstid'â 1431 / 231 / - / - / 113 / Fî 1 Rebî'ülevvel sene 1340 [2 Kasım 1921] / Fî 2 Teşrîn-i sâni sene 1337

Derkenâr

Üsküdar'da Hazret-i Pîr Hüdâî Hânkâh-ı şerîfi postnişini Şeyh Gülşen Efendi tarafından takdîm olup havâle buyurulan işbu arzuhâl kırâet olundu.

Ba'dehû îcâbı teemmül ve arz olunmak üzere evveleminde derûn-ı arzuhâlde mahkî zâviyedarlık cihetinin der'uhde ve tedâvül ve şart-ı tevcihine dâir kuyûdun bâ-derkenâr beyânı zımında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine irsâl buyurulması tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0084

Balat'ta Kefevî Dergâhı meşihatine, görevi vekâleten yürüten Şeyh Edhem Efendi tayin edildiğinden, kürsü şeyhi Mustafa Efendi'nin tayin talebinin kabul edilmemesi.

Fî 1 Rebî'ülevvel sene 1340 / Fî 2 Teşrîn-i sâni sene 1337 / Hüsam / İstid'â 1890 / 342 / - / - / 112 / Fî 1 Rebî'ülevvel sene 1340 [2 Kasım 1921] / Fî 2 Teşrîn-i sâni sene 1337

Derkenâr

Kürsî meşâyhinden ve tarikat-i aliyye-i Nakşibendiyye'den Mustafa Efendi tarafından bi't-takdîm havâle buyurulan işbu arzuhâl kırâet olundu.

Mündericâtı: Balat kurbünde kâin Kefevî Dergâhı meşîhatinin uhdesine tevcihîni istirhâmdan ibâret olup cihet-i mezkûre vekâletinde bulunan Şeyh Edhem Efendi'ye usûl ve nizâmı dâiresinde tevcih buyurulmuş olduğundan mu'âmeleden müstağnî kalan işbu arzuhâlin Evrâk İdâresinde hıfzı tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0085

Silivrikapı Bâli Dergâhı şeyhi Ömer Fahreddin Efendi'nin yakınındaki mektebe yaptığı müdahalenin önlenmesi hakkında daha önce İstanbul Valiliğine tebligat yapılması

Fî 25 S. sene 1340 / Fî 27 Teşrîn-i evvel sene 1337 / Hüsam / Kırmızı 83 / 197 / - / - / 111 / Fî 29 Safer sene 1340 [1 Kasım 1921] / Fî 31 Teşrîn-i evvel sene 1337

Derkenâr

Silivrikapısı'nda Bali Dergâh-ı şerîfi kurbündeki mektebe dergâh-ı mezkûr şeyhi Ömer Fahreddin Efendi tarafından vukû' bulan tecâvüz ve müdâhalenin men'i hakkında İstanbul vilâyet-i aliyyesinden vârid olup havâle buyurulan işbu tezkire kırâet olundu.

İcâbı fî 10 Safer sene 1340 ve fî 12 Teşrîn-i evvel sene 1337 târihli ve 88 numaralı takdîm kılınan müzekkire-i dâ'iyânemiz üzerine vilâyet-i müşârun-ileyhâya tezkire-i aliyye-i cevâbiyye şeref-tastîr buyurulmuş olduğundan mu'âmeleden müstağnî kalan işbu tezkirenin Evrâk İdâresinde hıfzı tezekkür kılındı ol bâbda.

Sîret, Remzi

IST_MFT_MSH_DFT02_01746_0001-0086

Görevinden ayrılan Yedikule'de Hacı Evhadüddin Dergâhı müezzini Bekir Sıtkı Efendi'nin yerine, Hasan Tahsin Efendi'nin tayini.

Fî 25 S. sene 1340 / Fî 27 Teşrîn-i evvel sene 1337 / Hüsam / İstid'â 1290 / 209 / - / - / 110 / Fî 27 Safer sene 1340 [30 Ekim 1921] / Fî 29 Teşrîn-i evvel sene 1337

Derkenâr

Hasan Tahsin Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Yedikule kurbünde Hacı Evhadüddin Dergâh-ı şerîfi müezzini Bekir Sıdkî Efendi terk-i vazîfe ederek başka hizmete sülûk ettiğinden cihet-i mezkûrenin uhdesine tevcihîni istirhâmdan ibâret olup lede't-tahkîk mûmâ-ileyh Bekir Sıdkî Efendi'nin târik-i hizmet olduğu

Meclisce de tebeyyün eylediğinden cihet-i mezkûre uhdesinden ref' edilerek usûl ve nizâmı dâiresinde Hasan Tahsin Efendi'ye mu'âmele-i tevcîhiyyesi icrâ kılındığından işbu arzuhâlin hıfzı zımında Evrâk Müdiriyyetine havâle buyurulması iktizâ eder ol bâbda.

Sîret, Cevdet, Remzi

IST_MFT_MSH_DFT02_01746_0001-0087

Üsküdar'da Balaban İskelesi'nde İsfendiyar Bey Dergâhı şeyhi Mehmed Nûri Efendi'nin; dergâhın bir kısmıyla altındaki dükkânları kiraya vermesinden dolayı görevinden azledilerek, yerine vekili bulunan Şeyh Hafız Mehmed Emin Efendi meşihate tayin edildiğinden, tevliyet cihetinin de kendisine verilmesinin Evkaf Nezâretine bildirilmesi.

Fî 25 S. sene 1340 / Fî 27 Teşrîn-i evvel sene 1337 / Hüsâm / Kırmızı 106 - Husûsî 233 / Dosya 59128 / - / - / 109 / Fî 27 Safer sene 1340 [30 Ekim 1921] / Fî 29 Teşrîn-i evvel sene 1337

Derkenâr

Evkâf-ı Hümâyûn Nezâreti Vekâlet-i celîlesinden vârid olup havâle buyurulan işbu tezkire kırâet olundu.

Mündericâtı: Üsküdar'da Balaban İskelesi'nde kâin İsfendiyar Bey Dergâh-ı şerîfi şeyhi Mehmed Nûri Efendi'nin Bandırma'da bulunması ve dergâhın bir kısmıyla tahtındaki dükkânlar mûmâ-ileyh ile mahdûmu tarafından fuzûlen âhara icâr edilerek dergâha duhûl ve icrâ-yı âyîn edilmediği anlaşılmakla tahliyesine teşebbüs olunmuş ise de vakf-ı mezbûr tevliyetinin meşihate meşrût bulunması ve dergâh-ı mezkûru kirâyâ vermek sûretiyle şeyh-i mûmâ-ileyhin vakfa hıyâneti sübût bulmasına binâen azli icâb eylediğini beyândan ibâret olup kuyûda lede'l-mürâca'a mûmâ-ileyh Şeyh Mehmed Nûri Efendi terk-i vazîfe ederek Bandırma Rûsûmât Müdiriyyeti ma'yyetinde müstahdem bulunduğu bi'l-muhâbere tebeyyün ve tahakkuk etmesine binâen ber-mûceb-i nizâm cihet-i mezkûrenin târik-i hizmet Nûri Efendi uhdesinden ref' edilerek fî 10 S. sene 1340 ve fî 12 Teşrîn-i evvel sene 1337 târihli ve 25 numaralı takdîm kılınan mazbata-i dâ'iyânemiz mücebince vekâletinde bulunan Şeyh Hâfız Mehmed Emin Efendi'ye asâleten mu'âmele-i tevcîhiyyesi icrâ buyurulduğundan meşrûta tevliyetin dahi mûmâ-ileyhe tevcîhi icâb edeceğinin cevâben nezâret-i müşârun-ileyhâya iş'âr buyurulması tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0088

Beykoz'da Akbaba köyündeki Canfedâ Zaviyesi zaviyedarı Selâhaddin Efendi'nin görevini terk etmesi üzerine, yerine köy camisinin imamının kardeşi Ahmed Mûkerrem Efendi'nin tayini.

Fî 25 S. sene 1340 / Fî 27 Teşrîn-i evvel sene 1337 / Hüsâm / İstid'â 1139 / 230 / - / - / 108 / Fî 27 Safer sene 1340 [30 Ekim 1921] / Fî 29 Teşrîn-i evvel sene 1337

Derkenâr

Ahmed Mûkerrem Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Beykoz'da Akbaba karyesindeki Canfedâ Hatun Zâviyesinin mutasarrıfı bira-deri Mehmed Salahaddin Efendi mezkûr zâviyedârlığı terk eylediğinden cihet-i mezkûrenin

uhdesine tevcihini istirhâmdan ibâret olup müsted'i-i mûmâ-ileyh Akbaba Câmi'-i şerîfinin imâmı ve tarikat-i aliyye-i Nakşibendiyye hulefâsından olup ifâ-yı vazîfeye dahi ehil bulunmasına binâen usûl ve nizâmı dâiresinde mu'âmele-i tevcihiyyesi icrâ kılındığından mu'âmeleden müstağnî kalan işbu arzuhâlin Evrâk Müdiriyyetinde hıfzı iktizâ eder ol bâbda.

Sîret, Cevdet, Remzi

IST_MFT_MSH_DFT02_01746_0001-0089

Fındıklı'da Keşfi Cafer Efendi Dergâhı'ndaki Perizad Hatun Camii'nin müezzin ve kayyımlığının deruhte kaydının Evkaf Nezâretinden istenmesi.

Fî 22 Z. sene 1339 / Fî 27 Ağustos sene 1337 / Hüsâm / Müzekkire 416 / 182 / - / - / 107 / Fî 27 Safer sene 1340 [30 Ekim 1921] / Fî 29 Teşrîn-i evvel sene 1337

Derkenâr

Fındıklı'da Keşfi Cafer Efendi Dergâh-ı şerîfi derûnunda kâin Perizad Hatun Câmi'-i şerîfinin müezzin ve kayyımı Hâfız Mehmed Efendi el-yevm Kütahya'da vazîfe-i askeriyyesini ifâ etmekte olduğundan bahisle hizmet-i mezkûre mu'attal kalmamak üzere vekîl ta'yini istirhâmını hâvî dergâh-ı mezkûr şeyhi Kâmil Efendi tarafından takdîm olunup havâle buyurulan işbu arzuhâl kırâet olundu.

Ba'dehû îcâbı teemmül ve arz edilmek üzere evvelemirde ciheteyn-i mezkûreteynin der'uhde kaydı sûretinin irsâli zımında işbu takrîrin mazrûfen Evkâf-ı Hümâyûn Nezâret-i celîlesine tesyâr buyurulması tezekkür kılındı ol bâbda.

Sîret, Kerameddin, Remzi, Mehmed Gülşen

IST_MFT_MSH_DFT02_01746_0001-0090

Üsküdar'da İsfendiyar Baba Dergâhı ve Mescidi'nin tahliyesiyle ilgili gelen tezkirelerin Evrak İdaresinde hıfzı.

Fî 21 S. sene 1340 / Fî 23 Teşrîn-i evvel sene 1337 / Hüsâm / Kırmızı 35 - Müzekkire 477 / 203 - 202 / Dosya 287 - 59017 / 106 / Fî 22 Safer sene 1340 [25 Ekim 1921] / Fî 24 Teşrîn-i evvel sene 1337

Derkenâr

Üsküdar'da İsfendiyar Baba Dergâh ve Mescid-i şerîfinin tahliyesi hakkında cereyân eden muhâbere üzerine Adliye ve Dâhiliye Nezâret-i celîlesinden vârid olup havâle buyurulan işbu tezkire ve sûretleri aynen defter-i mahsûsuna kaydedilmekle berây-ı hıfz Evrâk Müdiriyyetine havâle buyurulması tezekkür kılındı ol bâbda.

Sîret, Remzi, Mehmed Gülşen

IST_MFT_MSH_DFT02_01746_0001-0091

Eyüpsultan'da Babahaydar Mahallesi imamı Hafız Hasan Efendi'nin, Selâmi Dergâhı şeyhi Muhsin ve eski muhtar Hasan efendilerden şikâyetçi olması.

Fî 21 S. sene 1340 / Fî 23 Teşrîn-i evvel sene 1337 / Hüsâm / İstid'â 1411 / 229 / - / - / 105 / Fî 22 Safer sene 1340 [25 Ekim 1921] / Fî 24 Teşrîn-i evvel sene 1337

Derkenâr

Eyüpsultân civârında kâin Babahaydar Mahallesi imâmı Hâfız Hasan Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Muhtâr-ı evvel Selâmi Dergâh-ı şerîfi postnişîni Muhsin ve muhtâr-ı sâbık Hasan efendiler kendisinin aleyhine kıyâm ve hukûkuna tecâvüz ettiklerinden ve sâireden bahisle men'î istirhâmından ibâret olup husûs-ı mezkûrdan dolayı müsted'inin merci'-i âidîne mürâca'at eylemesi lâzım geleceğinin tefhîmiyle işbu arzuhâlin Evrâk Müdüriyyetinde hıfzı tezekkür kılındı ol bâbda.

Sîret, Remzi, Mehmed Gülşen

IST_MFT_MSH_DFT02_01746_0001-0092

Bütçe açığını kapatmak amacıyla tekke ve zaviye taâmiyelerinden yüzde elli kesinti yapılması.

Fî 18 S. sene 1340 / Fî 20 Teşrîn-i evvel sene 1337 / Hüsâm / İstid'â 1186 / 198 / - / - / 104 / Fî 20 Safer sene 1340 [23 Ekim 1921] / Fî 22 Teşrîn-i evvel sene 1337

Evkâf-ı Hümâyûn Nezâretince tekâyâ ve zevâyâ ta'âmiyyelerinden de yüzde elli nisbetinde tenzîlât icrâsı mukarrer olup bu ise fukarâ ve dervîşânın gadrini mûcib olacağından ve sâireden bahisle mukarrerât-ı mezkûrenin nazar-ı merhamete alınarak tashîhi istirhâmını hâvî bazı meşâyih tarafından bi't-takdîm mazrûfen nezâret-i müşârun-ileyhâya irsâl buyurulup Muhâsebât-ı Umûmiyye Müdüriyyetinden muharrer derkenârı hâvî muhavvel işbu arzuhâl kırâet olundu.

Tenzîlât-ı vâkı'a bütçe açığını kapatmak maksadına ma'tûf ve karârname-i mahsûs icâbından olduğu derkenâr mündericâtından müstebân olup ol vechile meşâyih-i kirâma keyfiyyet tefhîm edildiğinden mu'âmeleden müstağnî kalan işbu arzuhâlin Evrâk Müdüriyyetinde hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0093

Sultanahmet'te Özbekler Dergâhı'na teftiş için giden müfettişe uygunsuz tavır ve hareketlerde bulunan dergâh şeyhi Abdurrahman Efendi'nin Meclis-i Meşâyih'e çağrılarak bir daha bu tür yakışsız hareketlerde bulunmamasının tenbih edilmesi.

Fî 16 S. sene 1340 / Fî 17 Teşrîn-i evvel sene 1337 / Hüsâm / Kırmızı 91 / 217 / 133891 - Husûsî 75 / Dosya 58878 / 103 / Fî 20 Safer sene 1340 [23 Ekim 1921] / Fî 22 Teşrîn-i evvel sene 1337

Evkâf-ı Hümâyûn Nezâret-i celîlesinden vârid olup havâle buyurulan işbu tezkire-i cevâbiyye kırâet olundu. Mündericâtı: Sultânahmed civârında kâin Özbekler Dergâh-ı şerîfinin eşyâ-yı müteberrikesinin defteriyle tatbîkâtta bulunmak üzere berây-ı tahkîk i'zâm olunan Müfettiş Dürrî Bey'e dergâh-ı mezkûr şeyhi, efendi sıfat-ı ilmiyyesiyle kâbil-i te'lîf olmayan bazı ahvâle tasaddî eylediği cihetle mûmâ-ileyhin hareket-i vâkı'asından dolayı tecziyesi husûsunu beyândan ibâret olup dergâh-ı mezkûr şeyhi Abdurrahman Efendi hemen Meclis'e celb edilerek bu gibi uygunsuz ahvâlden tevakkî ve dâimâ me'mûrîn-i âidesiyle sükkân-ı dergâha hüsn-i sûretle ifâ-yı mu'âmele eylemesi lüzûmu ma'a't-tevbîh kendisine tenbîh edildiğinden işbu tezkire-i cevâbiyyenin Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0094

Eyüp Oluklubayır Dergâhı'nın tahliye edilerek, postnişini Şeyh Mehmed Fevzî Efendi'ye teslim edilmesi.

Fî 16 S. sene 1340 / Fî 18 Teşrîn-i evvel sene 1337 / Hüsam / İstid'â 1156 / 188 / - / - / 102 / Fî 20 Safer sene 1340 [23 Ekim 1921] / Fî 22 Teşrîn-i evvel sene 1337

Derkenâr

Meşîhati uhdesine tevcih buyurulan Eyüp'te kâin Oluklubayır Dergâhının tahliyesiyle tarafına teslimi hakkında dergâh-ı mezkûr şeyhi Mehmed Fevzî Efendi tarafından takdîm olunup havâle buyurulan işbu arzuhâl kırâet olundu.

Dergâh-ı mezkûr bi't-tahliye şeyh-i mûmâ-ileyhe teslim olunarak derûnunda ifâ-yı vazîfe kılınmakta olduğundan mu'âmeleden müstağnî olan işbu arzuhâlin Evrâk Müdiriyyetinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0095

Eyüp'te Oluklubayır Dergâhı'nın vefat eden şeyhi Mehmed Ali Efendi'nin zevcesi Saliha Hanım'ın, dergâhın müsait olmamasından dolayı başka bir yerdeki haneye nakledilmesi.

Fî 16 S. sene 1340 / Fî 18 Teşrîn-i evvel sene 1337 / Hüsam / İstid'â 1152 / 189 / - / - / 101 / Fî 20 Safer sene 1340 [23 Ekim 1921] / Fî 22 Teşrîn-i evvel sene 1337

Derkenâr

Saliha Hanım tarafından takdîm olunup havâle buyurulan işbu arzuhâl kırâet olundu.

Mündericâtı: Eyüpsultân'da kâin Oluklubayır Dergâhı şeyhi zevci Mehmed Ali Efendi'nin bilâveled vukû'-ı vefâtına mebnî münhal olan meşîhat ciheti Fevzî Efendi'ye tevcih olduğundan ve kendisi bî-kes ve meskensiz bulunduğu ve sâireden bahisle hakkında bir karâr ittihâzını istihâmından ibâret olup dergâh-ı mezkûr gayr-i müsâ'id bulunmasından dolayı müsted'iyye-i mûmâ-ileyhâ ahîran diğer münâsib mahalle nakl-i hâne eylediği istihbâr kılınmağla mu'âmeleden müstağnî kalan işbu arzuhâlin Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0096

Ömer Vasfi Efendi'nin asaleten tayinini talep ettiği Üsküdar'daki Selimiye Dergâhı'nın imamet ve hitabet cihetine ait deruhte kayıtlarının, Evkaf Nezâretinden istenmesi.

Fî 17 S. sene 1340 / Fî 19 Teşrîn-i evvel sene 1337 / Hüsam / İstid'â 1404 / 227 / - / - / 100 / Fî 20 Safer sene 1340 [23 Ekim 1921] / Fî 22 Teşrîn-i evvel sene 1337

Derkenâr

Üsküdar'da kâin Selimiye Dergâh-ı şerîfinin imâm ve hatîbi Hâfız Tahsin Efendi'nin vukû'-ı vefâtına mebnî münhal olan imamet ve hitâbet cihetlerinin vekâletini ifâ etmekte olduğundan bahisle asâleten uhdesine tevcihi Ömer Vasfi Efendi tarafından takdîm olunup havâle buyurulan işbu arzuhâl kırâet olundu.

Ba'dehû îcâbı teemmül ve arz edilmek üzere evveleminde ciheteyn-i mezkûreteynin der'uhde kayıdlarının bi'l-ihrac ırsâli ve müteveffâ-yı mûmâ-ileyhin uhdesinde başka cihât olup olmadığıнын inbâsı zımınında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine tesyâr buyurulması tezekkür kılındı ol bâbda.

Sîret, Cevdet, Mehmed Gülşen

IST_MFT_MSH_DFT02_01746_0001-0097

Sultanahmet'te Şehid Mehmed Paşa Dergâhı'nda ikamet eden İbrâhim Hakkı Efendi'nin uygunsuz tavırları dolayısıyla dergâhtan tahliyesi.

Fî 14 S. sene 1340 / Fî 16 Teşrîn-i evvel sene 1337 / Hüsâm / İstid'â 1348 / 219 / - / - / 99 / Fî 17 Safer sene 1340 [20 Ekim 1921] / Fî 19 Teşrîn-i evvel sene 1337

Derkenâr

İbrahim Hakkı Efendi tarafından takdîm olunup havâle buyurulan işbu arzuhâl kırâet olundu. Mündericâtı: Tahliye-i Medâris Komisyonu tarafından tanzîm olunan müzekkire mûcebince sâkin bulunduğu Sultânahmed'de Şehid Mehmed Paşa Dergâhından bazı uygunsuz ahvâli dolayısıyla ihrâcı hakkındaki teşebbüsün arzından ibâret olduğundan ve sâireden bahisle kemâkân dergâh-ı mezkûrda ikâmetini istihâmından ibârettir. Husûs-ı mezkûr hakkında dergâh-ı mezkûrda harîk-zedelik ve muhâceret sûretiyle iskân edilenlerin tahkîk-i ahvâli zımınında Evkâf-ı Hümâyûn Nezâret-i celîlesinden Tahliye-i Medâris Komisyonuna vukû' bulan işâr üzerine mezkûr komisyondan gelen 27 Eylül sene 1337 târihli müzekkirede mûmâ-ileyh İbrahim Efendi'nin tekke sükkânına gayr-i lâyük etvâr-ı nâmûs-şikenânesi inde't-tahkîk anlaşıldığı beyânıyla mûmâ-ileyhin dergâhtan lüzûm-ı ihrâcı beyân ve işâr kılınmış idiğinden sûret-i iş'ara nazaran dergâhta ikâmeti tecvîz edilemeyeceği emr-i âşikâr bulunduğu mürâca'atında mûmâ-ileyhe tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0098

Sarıyer'de Sarı veya Kara Baba isimli zaviyenin meşihatini talep eden Halil Şükrü Efendi'nin talebinin; bu zaviyenin, Sarıyer karyesi heyet-i ihtiyariyesi dairesi olarak kullanılması nedeniyle kabul edilmemesi.

Fî 14 S. sene 1340 / Fî 16 Teşrîn-i evvel sene 1337 / Hüsâm / İstid'â 1207 / 204 / - / - / 98 / Fî 17 Safer sene 1340 [20 Ekim 1921] / Fî 19 Teşrîn-i evvel sene 1337

Derkenâr

Sarıyer'de medfûn ricâl-i Nakşibendiyye ve Kâdiriyye'den Sarı veya Kara Baba Zâviyesi meşihat cihetinin uhdesine tevcihi hakkında Halil Şükrü Efendi tarafından bâ-istid'â vukû' bulan talep üzerine lede'l-muhâbere Evkâf-ı Hümâyûn Nezâret-i celîlesi Kuyûd-ı Vakfiyye İdâresinden vârid olup havâle buyurulan derkenârda zâviye-i mezkûreye ve vakfına dâir kayda destres olunamadığı iş'ar edilmesi üzerine Meclis-i dâ'iyânemiz müfettişliğince mahallinde icrâ kılınan tahkîkâtı hâvî rapor ve karye-i mezkûre hey'et-i ihtiyariyesi tarafından mu'tâ ilmühaberde mahall-i mezkûr Sarıyer karyesi emlakinden olup mukayyed bir zâviye olmadığı ve el-yevm hey'et-i ihtiyariyye

dâiresi ittihaz olunduğu beyân edilmiş ve şu hâlde tervîc-i istid'âya imkân bulunamamış olduğunun mürâca'atında müsted'îye tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sîret, Remzi, Mehmed Gülşen

IST_MFT_MSH_DFT02_01746_0001-0099

Sultanahmet'te Özbekler Dergâhı'nda ikamet etmekte olan Polis İsmâil Hakkı Efendi'nin dergâhtan ihracı.

Fî 14 S. sene 1340 / Fî 16 Teşrîn-i evvel sene 1337 / Hüsam / İstid'â 1379 / 226 / - / - / 97 / Fî 17 Safer sene 1340 [20 Ekim 1921] / Fî 19 Teşrîn-i evvel sene 1337

Derkenâr

Polis Müdîriyyet-i Umûmiyyesi ikinci şu'besinin üçüncü sınıf taharrî me'mûrlarından İsmâil Hakkı Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Harîk-zede olup ma'a âile Sultânahmed'de kâin Özbekler Dergâhında ikâmet etmekte bulunduğu odayı tahliye ederek ihrâcî hakkında dergâh-ı mezkûr postnişîni tarafından ihtâr ve teblîğ edilmekte olduğundan ve sâireden bahisle bir müddet daha ikâmetine müsâ'ade buyurulmasını istirhâmdan ibâret olup hâlbuki tekâyâ ve zevâyânın odaları fukarâ ve dervîşâna mahsus olarak ber-mûceb-i şart-ı vâkıf derûnunda edâ-yı salâta ve ikâmet-i mahsûsasında ifâ-yı zikrullâh ile du'â-yı hayra münhasır olup bu ve emsâli meşgûl bulunan dergâhların tahliyesi derdest idiğinin mürâca'atında müsted'î-i mûmâ-ileyhe tefhîmiyle işbu arzuhâlin Evrâk Müdîriyyetinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0100

Kasımpaşa'da Muabbir İbrâhim Efendi Dergâhı şeyhi Salih Avni Efendi'nin vefatı üzerine, yerine Sultanahmet'te yanan ve arsa halinde olan Mısırlı Şeyh İbrâhim Efendi Tekkesi şeyhi Hüseyin Kâzım Efendi'nin tayini.

Fî 10 S. sene 1340 / Fî 12 Teşrîn-i evvel sene 1337 / Hüsam / İstid'â 1326 / 215 / - / - / 96 / Fî 13 Safer sene 1340 [16 Ekim 1921] / Fî 15 Teşrîn-i evvel sene 1337

Derkenâr

Mehmed Muhyiddin Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Kasımpaşa'da kâin Muabbir İbrahim Efendi Dergâhı şeyhi Salih Avnî Efendi'nin mukaddemâ vukû'-ı vefâtına mebnî münhal olan meşîhat ciheti diğer bir zâta tevcih buyurulduğundan ve kendisi müteveffânın vâris-i yegânesi ve kesîrül-âile bulunduğu ve sâireden bahisle tarafından bir vekil ta'yînini istirhâmdan ibâret olup lede'l-isti'lâm müteveffâ-yı mûmâ-ileyhin bir nefer kebîr mahdûmu var ise de mûmâ-ileyh Eyüpsultân tarafında bargîr sürücülüğü ile meşgûl olup tahsîl-i ilm [ve] dervîşlikle alâkası bulunmadığı on dördüncü merkez-i tekâyâ Kasımpaşa'da Hazret-i Pîr Hüsameddin-i Uşşâkî Hânkâh-ı şerîfi postnişînliğinden cevâben bildirilmesi üzerine keyfiyyet lede't-teemmül mûmâ-ileyhin nâ-ehil olmasına binâen

cihet-i meşihatın nizâmen ehil ve müstahıkkına tevcihi lâzım gelerek usûl ve nizâmı dâiresinde i'ân olunan müsâbakada dergâhı el-yevm muhterik bulunan tarikat-i aliyye-i Kâdiriyye'den Sultânahmed'de Mısırlı Şeyh İbrahim Efendi Tekkesi şeyhi Hüseyin Kâzım Efendi'den mâ'adâ tâlib zuhûr etmemesine ve mûmâ-ileyhin mesbûku'l-imtihan ve ehil bulunmasına ve uhdesinde bulunan dergâh arsasını terk etmesine binâen mûmâ-ileyhe tevcihi hakkında takdîm kılınan fî 8 S. sene 1340 fî 10 Teşrîn-i evvel sene 1337 târihli ve 23 numaralı mazbata-i dâ'iyânemizin icâbı icrâ buyurulmuş olmağla mürâca'atında müsted'îye tefhîmiyle işbu arzuhâlin Evrâk Müdiriyyetinde hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0101

Üsküdar'da Selimiye Dergâhı'ndaki caminin imam ve hatibi Hafız Tahsin Efendi'nin hastalığı sebebiyle devam edemediği görevine, iyileşinceye kadar Hafız Ömer Vasfi Efendi'nin vekâleten tayini.

Fî 9 S. sene 1340 / Fî 11 Teşrîn-i evvel sene 1337 / Hüsâm / İstid'â 1327 / 214 / - / - / 95 / Fî 13 Safer sene 1340 [16 Ekim 1921] / Fî 15 Teşrîn-i evvel sene 1337

Derkenâr

Üsküdar'da kâin Selimiye Dergâh-ı şerîfi şeyh nâibi Mehmed Esad Efendi tarafından bi't-takdîm havâle buyurulan işbu arzuhâl kırâet olundu.

Mündericâtı: Dergâh-ı mezkûr dâhilindeki Câmi'-i şerîfin imâm ve hatîbi Hâfız Tahsin Efendi'nin ifâ-yı vazîfeye gayr-i muktedir bir hâlde hasta bulunduğundan vezâif-i mezkûrenin Hâfız Ömer Vasfi Efendi tarafından vekâleten ifâsını istihâmından ibâret olup bu bâbda müsted'î-i mûmâ-ileyhin taleb-i vâkı'ı mukârin-i hakikat olduğu nazar-ı dikkate alınarak mûmâ-ileyh Hâfız Tahsin Efendi'nin ifâkatine kadar Hâfız Ömer Vasfi Efendi'nin Meclisce tebeyyün eden ehliyetine binâen vezâif-i mezkûreyi vekâleten ifâyâ me'zûn kılındığından mu'âmeleden müstağnî kalan işbu arzuhâlin Evrâk İdâresinde hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0102

Sultanahmet'te Özbekler Dergâhı şeyhi Abdurrahman Efendi hakkında yapılan şikâyetle azlini gerektirecek bir durum olmadığından, Meclis-i Meşâyihe çağrılarak dergâhı usulüne uygun bir şekilde idare etmesinin kendisine tenbih edilmesi.

Fî 9 S. sene 1340 / Fî 11 Teşrîn-i evvel sene 1337 / Hüsâm / İstid'â 1296 / 211 / - / - / 94 / Fî 13 Safer sene 1340 [16 Ekim 1921] / Fî 15 Teşrîn-i evvel sene 1337

Derkenâr

Hâfız İlyas ve sâire imzâ ve mühürleriyle takdîm olunup havâle buyurulan işbu arzuhâl kırâet olundu.

Mündericâtı: Sultânahmed'de kâin Özbekler Dergâhı şeyhi Abdurrahman Efendi'nin Dergâh-ı şerîfi adem-i idâresinden ve sâireden bahisle dergâh-ı mezkûrun ehline tevdi'ini istihâmından ibâret olup mûmâ-ileyh Şeyh Abdurrahman Efendi Meclis'e celb edilerek umûr-ı dergâhı hüsn-i

sûretle tedvîr etmesi kendisine tenbîh edilip mûmâ-ileyhin tebdîlini mûcib hâli görölmediğinden işbu arzuhâlin hıfz olunmak üzere Evrâk Müdiriyyetine havâle buyurulması tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0103

İstanbul'da münhal bir Kâdiriyye Dergâhı meşihatine tayinlerini talep eden İbrâhim Mümtaz ve Abdurrahman efendilerin verdikleri dilekçelerin Evrak İdaresinde hıfzı.

Fî 10 S. sene 1340 / Fî 12 Teşrîn-i evvel sene 1337 / Hüsam / İstid'â 1301 - 1345 / 212 - 218 / - / - / 93 / Fî 13 Safer sene 1340 [16 Ekim 1921] / Fî 15 Teşrîn-i evvel sene 1337

Derkenâr

İbrahim Mümtaz ve Abdurrahman efendiler tarafından takdîm olunup havâle buyurulan iki kıt'a arzuhâl birleştirilerek kırâet olundu.

Mündericâtı: Dersaadet'te tarikat-i aliyye-i Kâdiriyye'den münhal olmuş veya ileride olacak dergâhlardan birine ta'yinlerini istirhâmdan ibâret olup hâlbuki el-yevm münhal dergâh bulunmadığı gibi inhilâl vukû'unda bi't-tabî' usûl ve nizâmına tefvîk-i mu'âmele olunacağının mürâca'atında ol vechile müsted'ilere tefhîmiyle işbu arzuhâllerin Evrâk İdaresinde hıfzı tezekkür kılındı ol bâbda.

Sîret, Cevdet, Remzi

IST_MFT_MSH_DFT02_01746_0001-0104

Ali Gâlib Efendi'ye iki ay izin verilmesi.

Fî 1 Safer sene 1340 / Fî 3 Teşrîn-i evvel sene 1337 / Hüsam / İstid'â 1270 / 21 / - / - / 92 / Fî 2 Safer sene 1340 [16 Ekim 1921] / Fî 4 Teşrîn-i evvel sene 1337

Derkenâr

Encümen-i âlî'nin işbu kararı kırâet olundu.

Müsted'i-i mûmâ-ileyh Ali Gâlib Efendi'ye i'tâ buyurulan iki mâh me'zûniyet kendisine tefhîm edilmiş ve fî 3 Teşrîn-i evvel sene 1337 târihinden i'tibâren me'zûnen infikâk eylemiş olmağla mu'âmele-i lâzimenin îfâsından sonra Sicil Kalemi Müdiriyyet-i aliyyesine tevdi' edilmek üzere işbu arzuhâl Me'mûrîn Kalemi Müdiriyyet-i aliyyesine takdîm kılındı.

Tebyîz

IST_MFT_MSH_DFT02_01746_0001-0105

Sultanahmet'te Şehid Mehmed Paşa Yokuşu'ndaki Özbekler Dergâhı şeyhi Abdurrahman Efendi'nin dergâhtaki kabirleri başka yere naklettiği yönünde iddiada bulunan Ahmed İhsan Efendi'nin bu iddiasının doğru olmaması.

Fî 23 Muharrem sene 1340 / Fî 26 Eylül sene 1337 / - / İstid'â 1229 / 196 / - / - / 91 / Fî 23 Muharrem sene 1340 [26 Eylül 1921] / Fî 26 Eylül sene 1337

Derkenâr

Ahmed İhsan Efendi tarafından takdîm olunup havâle buyurulan işbu arzuhâl kırâet olundu. Mündericâtı: Sultânahmed civârında Şehid Mehmed Paşa Yokuşu'nda kâin Özbekler Dergâh-ı şerîfinin bin üç yüz senesinde vefât eden şeyhi Süleyman Efendi li-ümm pederi olduğundan ve hâlen postnişini Abdurrahman Efendi müteveffâ-yı mûmâ-ileyhin kabrini âhar mahalle nakleylediğinden ve sâireden bahisle postnişinlik cihetinin uhdesine tevcihini talebden ibâret olup mûmâ-ileyh Şeyh Abdurrahman Efendi'den keyfiyyet istifsâr olunduktan tarafından nakl-i kubûr vukû' bulmadığını ve bundan yirmi otuz sene evvel dergâhın ta'mîr ve inşâsı sırasında yine dergâh derûnunda olmak üzere bazı kabirler münâsib mahalle nakledilmiş ise de bu da zamân-ı meşîhatine müsâdîf olmadığı cihetle bu bâbda kendisi mes'ûl olamayacağını ifâde etmiş ve dergâh-ı mezkûr meşîhat ciheti cihât-ı gayr-i meşrûta hâlinde olup usûl ve nizâmı dâiresinde mûmâ-ileyhin uhdesine tevcih olunduğundan müsted'inin cihet-i meşîhat hakkındaki iddî'ası şâyân-ı iltifât görülememiş olmağla berây-ı hıfz Evrâk Müdiriyyetine havâle buyurulması tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0106

Ailesinin rahatsızlığı sebebiyle Ali Gâlib Efendi'ye üç ay izin verilmesi.

Fî 21 Muharrem sene 1340 / Fî 24 Eylül sene 1337 / Hüsam / İstid'â 1210 / 201 / - / - / 90 / Fî 21 Muharrem sene 1340 [24 Eylül 1921] / Fî 24 Eylül sene 1337

Derkenâr

Ali Gâlib Efendi tarafından bi't-takdîm havâle buyurulan işbu arzuhâl mütâlâ'a olundu.

Mündericâtı: Âilesinin rahatsızlığı münâsebetiyle üç mâh me'zûniyet i'tâsı istirhâmından ibâret olup ber-vech-i istid'â me'zûniyet i'tâsında Meclisce mahzûr görülmediğinden mu'âmele-i muk-teziyyenin ifâsı zımnında Me'mûrîn ve Levâzım Müdiriyyet-i aliyyesine havâle buyurulması tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0107

Fındıklı'da Seyyid Keşfi Cafer Efendi Dergâhı'nın bir bölümünü kendi malıyla inşa eden dergâhın şeyhi Seyyid Mehmed Kâmil Efendi'ye, dergâhın muhassasat ve tayinatının verilmesi.

Fî 18 Muharrem sene 1340 / Fî 21 Eylül sene 1337 / Hüsam / Kırmızı 89 / 200 / 16 / 58687 / 89 / Fî 21 Muharrem sene 1340 [24 Eylül 1921] / Fî 24 Eylül sene 1337

Derkenâr

Fındıklı'da kâin Seyyid Keşfi Cafer Efendi Dergâhı şeyhi efendinin dergâh-ı mezkûr derûnunda kendi mâlından binâ ve inşâ ettirmiş olduğu hânedâ icrâ-yı vazîfe mümkün olup olmayacağı-nın takdîr ve ta'yîni lüzûmunu ve muhassasâtının i'tâ ve adem-i i'tâsı istifsârını hâvî Evkâf-ı Hümayûn Nezâret-i celîlesinden vârid olup havâle buyurulan işbu tezkire ve melfûfâtı kırâet olundu.

Kuyûda led'e'l-mürâca'a dergâh-ı mezkûr şeyhi Seyyid Mehmed Kâmil Efendi dergâhı kısmen

kendi tarafından inşâ ettirerek mevcûd bulunan Câmî'-i şerîfte edâ-yı salât ve îfâ-yı zikrullâh olunmakta ve fukarâ it'âm edilmekte olduğu mûmâ-ileyhin ifâdesinden ve icrâ kılınan tahkikâtan tebeyyün eylemesine mebnî mu'ayyenât ve muhassasâtının i'tâsı husûsu fî 8 Ağustos sene 1337 târihli ve 111 numaralı müzekkire ile İstanbul vilâyeti Evkâf Müdîriyyet-i aliyesine iş'âr edildiği kayden müstebân olmağla keyfiyyetin cevâben izbâr ve melfûfâtın i'ade ve irsâl buyurulması tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0108

Hazret-i Pîr Nasûhî Hankahı postnişini Şeyh Kerameddin Efendi'nin arzuhalinde bahsedilen cihetin deruhte ve tedavül kaydının Evkaf Nezâretinden istenmesi.

Fî 16 Muharrem sene 1340 / Fî 19 Eylûl sene 1337 / Hüsâm / İstid'â 1254 / - / - / - / 88 / Fî 16 Muharrem sene 1340 [19 Eylûl 1921] / Fî 19 Eylûl sene 1337

Derkenâr

Hazret-i Pîr Nasûhî Hânkâh-ı şerîfi postnişini Şeyh Kerameddin Efendi tarafından bi't-takdîm havâle buyurulan işbu arzuhâl kırâet olundu.

Ba'dehû îcâbı teemmül ve arz olunmak üzere evvelemirde derûn-ı arzuhâlde mahkî cihâtın der'uhde ve tedâvül ve şart-ı tevcihine dâir kuyûdun bâ-derkenâr beyânı zımında işbu arzuhâlin mazrûfen Evkâf-ı Hümâyûn Nezâret-i celîlesine irsâl buyurulması bâbında.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0109

Merdivenköy'de Şahkulu türbedarlığına İsmet Molla Efendi'nin tayininin, Şûrâ-yı Devletçe de uygun görülmesi.

Fî 14 Muharrem sene 1340 / Fî 17 Eylûl sene 1337 / Hüsâm / Kırmızı 60 / 170 / 1 / Dosya 55535 / 87 / Fî 14 Muharrem sene 1340 [17 Eylûl 1921] / Fî 17 Eylûl sene 1337

Derkenâr

Nerdüban karyesinde kâin Şahkulu türbedarlığının İsmet Molla Efendi'ye tevcîhi hakkında cereyân eden mu'âmelenin muvâfık-ı usûl ve nizâm olduğunu musaddak Şûrâ-yı Devlet mazbatası sûretiyle vârid olup havâle buyurulan işbu tezkire-i sâmiye sûretleri aynen defter-i mahsûsuna kaydedildiğinden berâ-yı hıfz Evrâk Müdiriyyetine havâle buyurulması tezekkür kılındı ol bâbda.

Sîret, Kerameddin, Cevdet, Remzi, Mehmed Gülşen

IST_MFT_MSH_DFT02_01746_0001-0110

Sultanahmet'te Özbekler Dergâhı meşihatine, vefat eden Şeyh Abdülmecid Efendi'nin oğlu Şeyh Abdurrahman Efendi tayin edildiğinden, Mehmed Reşid Efendi'nin tayin talebinin kabul edilmediğinin kendisine bildirilmesi.

Fî 10 Muharrem sene 1340 / Fî 13 Eylûl sene 1337 / Hüsâm / İstid'â 1074 / 179 / - / - / 86 / Fî 14 Muharrem sene 1340 [17 Eylûl 1921] / Fî 17 Eylûl sene 1337

Derkenâr

Mehmed Reşid Efendi tarafından takdîm olunup havâle buyurulan işbu arzuhâl kırâet olundu. Mündericâtı: Sultânahmed civârında kâin Özbekler Dergâh-ı şerîfinin vâkîfı evlâdından olup bu kere dergâh-ı mezkûr postnişînin vazîfe-i meşîhatinden afvı derdest olduğundan bahisle hukûkunun taht-ı te'mîne alınmasını istirhâmdan ibâret olup kuyûda lede'l-mürâca'a bahsolunan dergâh-ı mezkûr meşîhat ciheti meşrûtün-lehi inkırâz bulunmasına mebnî cihât-ı gayr-i meşrûta misillî fî 11 Cumâdelûlâ sene 1338 târihinde pederi müteveffâ Abdülmecid Efendi mahlûlünden mahdûmu Şeyh Abdurrahman Efendi'ye tevcîh olduğundan vazîfe-i meşîhati hüsn-i sûretle ifâ etmekte olduğundan cihet-i mezkûrenin mûmâ-ileyh uhdesinden ref'ini mûcib bir sebep mevcûd olmadığına mürâca'atında mûmâ-ileyhe tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0111

Sarıyer'de medfun Sarı veya Kara Baba Zaviyesi meşîhatinin kimin tasarrufunda olduğunun bilinmesi ve meşîhate ait vakıf şartlarının Evkaf Nezâretinden istenmesi.

Fî 11 Muharrem sene 1340 / Fî 14 Eylûl sene 1337 / Hüsâm / İstid'â 1207 / 195 / - / - / 85 / Fî 14 Muharrem sene 1340 [17 Eylûl 1921] / Fî 17 Eylûl sene 1337

Derkenâr

Halil Şükrü Efendi tarafından takdîm olunup havâle buyurulan işbu arzuhâl kırâet olundu. Ba'dehû îcâbı teemmül ve arz olunmak üzere evvelemirde derûn-ı arzuhâlde mahkî Sarıyer karyesinde medfûn kudemâ-yı ricâl-i Nakşibendiyye ve Kâdiriyye'den Kara ve yâhûd Sarı Baba Zâviyesinin meşîhat ciheti el-yevm kimin uhdesinde bulunduğunun bilinmesine ve meşîhate âid fıkra-i vakfiyyesinin mütâlâ'asına lüzûm görüldüğünden sûretinin ihrâc ve irsâli ve der'uhde kaydının inbâsı zımnında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine irsâl buyurulması tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0112

Zeyrek'te Pehlivanlar Tekkesi denilen ve vaktiyle pehlivanlara mahsus bir vakıf mahalli üzerine, kendi malından tekke inşa ederek meşîhatini talep eden Hacı Faik Efendi'ye; meşîhatten verilen fetva ile bu yere tekke inşasıyla kendisine meşîhat tevcih edilemeyeceğinin bildirilmesi.

Fî 10 Muharrem sene 1340 / Fî 13 Eylûl sene 1337 / Hüsâm / Müzekkire 863 / 190 / 2 / - / 84 / Fî 11 Muharrem sene 1340 [14 Eylûl 1921] / Fî 14 Eylûl sene 1337

Derkenâr

Zeyrek'te Pehlivanlar Tekkesi denmekle ma'rûf ve vaktiyle pehlivanlara mahsûs bir vakıf mahallin arsası üzerine kendi mâlından tekke inşasıyla meşîhatinin uhdesine tevcîhi istid'âsına dâir mukaddemâ Hacı Faik Efendi tarafından vukû' bulan taleb ve ol bâbda cereyân eden muhâbere üzerine mûmâ-ileyh tekkeyi kendi mâlından ba'de'l-inşâ yeniden meşîhat vaz'ıyla kendisine

tevcîhi muvâfık-ı şer‘-i âlî olup olmayacağıının beyânı zımnında fî 29 Şevvâl sene 1339 târihli ve 46 numaralı takdîm olunup Fetvâhâne-i âlî’ye havâle buyurulan müzekkire zahrına muharrer derkenârda “Müsted‘î-i mezbûr Hacı Faik Efendi ol mahalde tekke inşâsıyla meşîhati uhdesine tevcîhe kadir olmaz” cevâb-ı âlîsi i‘tâ buyurulduğunun mürâcâ‘atında mûmâ-ileyhe tefhîmiyle işbu evrâkın hıfz olunmak üzere Evrâk İdâresine havâle buyurulması tezekkür kılındı ol bâbda.

Sîret, Cevdet, Remzi, Mehmed Gülşen

IST_MFT_MSH_DFT02_01746_0001-0113

Tevcih-i Cihât Nizamnamesi’nin sekinci maddesindeki evlad lafzının toruna da şamil olduğuna dair Şûrâ-yı Devlet kararı.

Fî 4 Muharrem sene 1340 / Fî 7 Eylül sene 1337 / Hüsâm / Kırmızı 124 / 346 / 1 / - / 83 / Fî 9 Muharrem sene 1340 [12 Eylül 1921] / Fî 12 Eylül sene 1337

Derkenâr

Tevcih-i Cihât Nizâmname’si’nin sekizinci maddesinde muharrer evlâd lafzının ahfâda dahi şümûlu olduğuna dâir Şûrâ-yı Devlet Mülkiye ve Ma‘ârif dâireleriyle hey‘et-i umûmiyyesince i‘tâ kılınan mazbata sûretlerinin irsâl kılındığını müş‘ir tezkire-i sâmiye aynen defter-i mahsûsuna kaydedilmekle hıfzolunmak üzere Evrâk İdâresine havâle buyurulması tezekkür kılındı ol bâbda.

Sîret, Kerameddin, Cevdet, Remzi, Mehmed Gülşen

IST_MFT_MSH_DFT02_01746_0001-0114

Üsküdar’da Hazret-i Pîr Hüdâyî türbedarlarından Nureddin Efendi’nin görevine devam etmemesi sebebiyle, yerine başka birisinin tayin edilmesi.

Fî 29 Z. sene 1339 / Fî 3 Eylül sene 1337 / Hüsâm / İstid‘â 939 / 156 / - / - / 82 / Fî gurre-i Muharrem sene 1340 [4 Eylül 1921] / Fî 5 Eylül sene 1337

Derkenâr

Üsküdar’da kâin Hazret-i Pîr Hüdâî türbedârlarından olup uhdesinden ref‘le âhara tevcîh buyurulan türbedârlık cihetinin i‘âdeten uhdesine tevcîhi istirhâmını hâvî Nureddin Efendi tarafından takdîm olunup havâle buyurulan işbu arzuhâl kırâet olundu.

Müsted‘î-i mûmâ-ileyhin vazîfesine adem-i devâmından dolayı cihet-i mezkûre ref‘ edilerek bermûceb-i nizâm ehline tevcîh buyurulduğu fî 31 Ağustos sene 1337 târih ve 20 numaralı mazbata müfâdından anlaşılmağla müsted‘îye o sûretle tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Remzi

IST_MFT_MSH_DFT02_01746_0001-0115

Sultanahmet’te Mehmed Paşa Yokuşu’ndaki Özbekler Dergâhı’nda, Hüseyin ve Hafız İlyas efendilerin ikametlerinin sağlanması.

Fî 29 Z. sene 1339 / Fî 3 Eylül sene 1337 / Hüsâm / İstid‘â 1118 - 1117 / 184 - 185 / - / - / 80 - 81 / Fî gurre-i Muharrem sene 1340 [4 Eylül 1921] / Fî 5 Eylül sene 1337

Derkenâr

Sultânahmed civârında Özbekler Dergâhında iskânı istirhâmını hâvî Hüseyin imzâ ve mührüyle takdîm olup havâle buyurulan işbu arzuhâl kırâet olundu.

Dergâhlarda sâkin olacak dervîşânın usûl ve erkân-ı tarîkate ri'âyet ve postnişîn bulunan zâta hürmet etmeleri lâzım geleceğinin tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sultânahmed civârında Mehmed Paşa Yokuşu'nda kâin Özbekler Dergâhında iskânı istirhâmını hâvî Hâfız İlyas Efendi tarafından takdîm olup havâle buyurulan işbu arzuhâl kırâet olundu.

Dergâh-ı mezkûrda sâkin bazı mechulü'l-ahvâl kesânın dergâhta iskânları muvâfık olamaya-çağından ihrâcları husûsunun bâ-tezkire-i aliyye Evkâf-ı Hümâyûn Nezâret-i celîlesine iş'ârı evvelce takdîm olup havâle buyurulan sekiz yüz seksen yedi numaralı istid'â zahrına muharrer Meclisin fî 27 Zilkâ'de sene 1339 fî 3 Ağustos sene 1337 târihli ve 68 numaralı karârıyla arz edildiği kayden müstebân olmuş ve ba'de't-tahliye mûmâ-ileyhin usûl ve ta'lîmât-nâme ahkâmına tevfiқан iskânı dergâh-ı mezkûr postnişînliğine beyân edilmiş olmağla tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Remzi, Mehmed Gülşen

IST_MFT_MSH_DFT02_01746_0001-0116

Büyük Ayasofya'da Nâzikî Dergâhı'nın münhal meşihat hissesinin, Şeyh Mehmed Hilmi Efendi'ye tevcihi.

Fî 22 Z. sene 1339 / Fî 27 Ağustos sene 1337 / Hüsam / İstid'â 1027 / 178 / - / - / 79 / Fî 24 Zilhicce sene 1339 [29 Ağustos 1921] / Fî 29 Ağustos sene 1337

Derkenâr

Ayasofya-i Kebîr'de kâin Nazikî Dergâh-ı şerîfi hums meşihat cihetinin uhdesinde bulunan üç hums hisseye ilhâken tevcihi istid'âsına dâir Şeyh Mehmed Hilmi Efendi tarafından takdîm olup havâle buyurulan işbu arzuhâle binâen mu'âmele-i tevcihiyye icrâ buyurulduğundan Evrâk İdâresinde hıfzı tezekkür kılındı ol bâbda.

Sîret, Kerameddin, Remzi, Mehmed Gülşen

IST_MFT_MSH_DFT02_01746_0001-0117

Sultanahmet'te Arabacıbaşı Dergâhı meşihat ve türbedarlığına; vefat eden Hasan İhsan Efendi'nin yerine, torunu Şehabeddin Efendi tayin edildiğinden, verilen arzuhallerin Evrak İdaresinde hıfzı.

Fî 22 Z. sene 1339 / Fî 27 Ağustos sene 1337 / Hüsam / - / - / - / - / 78 / Fî 22 Zilhicce sene 1339 [27 Ağustos 1921] / Fî 27 Ağustos sene 1337

İstid'â Numarası: 927 - 1665 - 971 - 44 - 1734 - 118 - 1422 - 258 - 918 - 946

Meclisin Sıra Numarası: 233 - 315 - 237 - 20 - 321 - 35 - 272 - 114 - 230

Derkenâr

Sultânahmed'de kâin Arabacıbaşı Dergâhı meşihat ve türbedârlık vekâletinin uhdesine tevcihi

istid'âsına dâir Şehabeddin Efendi tarafından bi't-takdîm havâle buyurulan işbu ve dergâh-ı mezkûra müte'allık mütevellî ve bazı meşâyih tarafından mu'tâ dokuz kıt'a arzuhâl birleştirilerek kırâet olundu.

Ciheteyn-i mezkûreteynin bâ-berât-ı âlî mutasarrıfı ve kendisinin büyük pederi Hasan İhsan Efendi'nin fî 19 Kânûn-ı sâni sene 1335 târihinde vukû'-ı vefâtına mebnî hidemât-ı ma'rûza mu'attal kalmamak üzere Meclis-i dâ'iyânemizin tensîbiyle müsted'î-i mûmâ-ileyh şimdiye kadar ifâ-yı hüsn-i hizmet etmekte olmasına ve hüsn-i hâl ashâbından bulunduğu meşâyih tarafından mu'tâ iki kıt'a intihâbnâmede beyân kılınmasına binâen Tevcîh-i Cihât Nizâmnâmesi'nin mevâdd-ı mahsûsası ahkâmına tevfiқан ciheteyn-i mezkûreteynin müsted'î-i mûmâ-ileyhin uhdesine tevcihi hakkında takdîm kılınan fî 15 Zilhicce sene 1339 ve fî 20 Ağustos sene 1337 târihli ve 18 numaralı mazbata-i dâ'iyânemizin icâbı icrâ buyurulmuş olmağla mu'âmeleden müstağnî kalan işbu arzuhâllerin Evrâk İdâresinde hıfzı tezekkür kılındı ol bâbda.

Sîret, Kerameddin, Remzi, Mehmed Gülşen

IST_MFT_MSH_DFT02_01746_0001-0118

Eyüpsultan'da Arapzâde Hacı Şeyh Ali Efendi Dergâhı postnişini Şeyh Mehmed Ali Efendi'nin vefatı üzerine; yerine Fatih Camii dersiâmı Mehmed Fevzi Efendi tayin edildiğinden, verilen arzuhâllerin Evrak İdâresinde hıfzı.

Fî 19 Z. sene 1339 / Fî 24 Ağustos sene 1337 / Hüsam / - / - / - / - / 77 / Fî 19 Zilhicce sene 1339 [24 Ağustos 1921] / Fî 24 Ağustos sene 1337

İstid'â Numarası: 726 - 536 - 521 - 612 - 784 - 778 - 774

Meclisin Sıra Numarası: 129 - 95 - 96 - 111 - 136 - 137 - 138 - 87 - 88 - 91 - 92 - 97

Derkenâr

Eyüpsultân civârında kâin tarikat-i aliyye-i Nakşibendiyye'den Arabzâde el-Hâc eş-Şeyh Ali Efendi Dergâh-ı şerîfi postnişini Şeyh Mehmed Ali Efendi'nin bilâ-veled-i zükûr vukû'-ı vefâtına mebnî münhal olan meşihat cihetinin uhdesine tevcihi istid'âsına dâir tarîk-i mezkûr hulefâsından ve Fâtih Câmi'-i şerîfi mümeyyiz ders-i âmlarından Mehmed Fevzi Efendi tarafından bi't-takdîm havâle buyurulan işbu merbût on bir kıt'a arzuhâl birleştirilerek kırâet olundu.

Dergâh-ı mezkûrun elde mevcûd ve mukayyed vakfiyesi olmayıp ber-mûceb-i nizâm i'lân olunan müsâbakada müsted'î-i mûmâ-ileyhin bi'l-imtihân tebeyyün eden ehliyetine mebnî cihet-i mezkûrenin müsted'î-i mûmâ-ileyhin uhdesine tevcihi hakkında takdîm kılınan fî 23 Zilka'de sene 1339 ve fî 30 Temmuz sene 1337 târihli ve 15 numaralı mazbata-i dâ'iyânemizin icâbı icrâ buyurulmuş olmağla mu'âmeleden müstağnî kalan işbu arzuhâllerin Evrâk İdâresinde hıfzı tezekkür kılındı ol bâbda.

Sîret, Kerameddin, Remzi, Mehmed Gülşen

IST_MFT_MSH_DFT02_01746_0001-0119

Üsküdar'da çıkan yangında zarar gören Solaksinan Mahallesi'ndeki Hintli Feyzullah Efendi Dergâhı'nın tamirinin, Evkaf Nezâretine bildirilmesi.

Fî 17 Z. sene 1339 / Fî 22 Ağustos sene 1337 / Hüsam / - / 176 / - / - / 76 / Fî 17 Zilhicce sene 1339 [22 Ağustos 1921] / Fî 22 Ağustos sene 1337

Derkenâr

Geçenlerde Üsküdar'da zuhûr eden harîkte Solaksinan Mahallesi'nde kâin Hindî Feyzullah Efendi Dergâh-ı şerîfi de hasâra uğradığından ve fakîru'l-hal bulunduğundan ve sâireden bahisle mümkün mertebe ta'miriyle barınabilecek bir hâle ifrâğı husûsunun bâ-tezkire-i aliyye Evkâf-ı Hümâyûn Nezâret-i celîlesine emr ü iş'ârı istid'âsına dâir dergâh-ı mezkûr postnişini Şeyh Mehmed Efendi tarafından i'tâ olunan işbu arzuhâlin leffîyle ber-mûceb-i istid'â icrâ-yı icâbı husûsunun bâ-tezkire-i aliyye nezâret-i müşârun-ileyhâya iş'ar buyurulması menû-tı re'y-i âlî-i cenâb-ı Meşîhat-penâhileridir ol bâbda.

Cevdet, Remzi, Mehmed Gülşen

IST_MFT_MSH_DFT02_01746_0001-0120

Çengelköy'de Bedevî Dergâhı postnişini Celaledin Efendi'nin vefatıyla, yerine Cemaleddin Efendi tayin edildiğinden, verilen arzuhallerin Evrak İdaresinde hıfzı.

Fî 17 Z. sene 1339 / Fî 22 Ağustos sene 1337 / Hüsam / İstid'â 60 - 47 - 994 - 459 - 714 / 24 - 20 - 167 - 82 - 127 / - / - / 75 / Fî 17 Zilhicce sene 1339 [22 Ağustos 1921] / Fî 22 Ağustos sene 1337

Derkenâr

Çengelköyü'nde kâin Bedevî Dergâh-ı şerîfi postnişini Celaledin Efendi'nin bilâ-veled vukû'-ı vefâtına mebnî münhal olan meşîhat cihetinin uhdesine tevcîhi istid'âsına dâir İbrahim Edhem Efendi tarafından bi't-takdîm havâle buyurulan işbu merbût ve diğer dört kıt'a arzuhâl birleştirilerek kırâet olundu.

Dergâh-ı mezkûr meşîhat ciheti için ber-mûceb-i nizâm i'lân olunan müsâbakada tâlibler miyânında sırf tarîkat-i aliyye-i Bedeviyye hulefâsından Cemaleddin Efendi'nin bi'l-imtihân tebeyyün eden ehliyetine mebnî cihet-i mezkûrenin mûmâ-ileyh uhdesine tevcîhi hakkında takdîm kılınan fî 10 Ağustos sene 1337 târihli ve 17 numaralı mazbata-i dâ'iyânemizin icâbı icrâ buyurulmuş olmağla mu'âmeleden müstağnî kalan işbu arzuhâllerin Evrâk İdaresinde hıfzı tezekkür kılındı ol bâbda.

Cevdet, Remzi, Mehmed Gülşen

IST_MFT_MSH_DFT02_01746_0001-0121

Üsküdar'da İskender Dede Dergâhı'nda Mehmed Efendi Mescidi'nin müezzinlik ve kayyımlığına, Hüseyin Safiyyüddin Efendi'nin tayin edilmesi.

Fî 4 Z. sene 1339 / Fî 9 Ağustos sene 1337 / Hüsam / İstid'â 977 / 160 / - / - / 74 / Fî 8 Zilhicce sene 1339 [13 Ağustos 1921] / Fî 13 Ağustos sene 1337

Derkenâr

Hüseyin Safiyyüddin Efendi tarafından bi't-takdîm havâle buyurulan işbu arzuhâlde müsted'î Üsküdar'da İskender Dede Dergâh-ı şerîfi dâhilindeki Mehmed Efendi Mescid-i Şerîfinin müezzinlik ve kayyımlik cihetleri fî 25 Za. Sene 1339 ve fî 1 Ağustos sene 1337 târihli ve 13 numaralı mazbata üzerine müsted'î-i mûmâ-ileyhe tevcih buyurulmuş olduğu cihetle mu'âmeleden müstağni kalan işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Remzi, Mehmed Gülşen

IST_MFT_MSH_DFT02_01746_0001-0122

Fındıklı Dergâhı postnişini Mehmed Kâmil Efendi'nin, dergâhın bir kısmını inşa edip tarikat faaliyetine başladığından, durdurulmuş olan tayinat ve muhassasatının verilmesi.

Fî 5 Z. sene 1339 / Fî 10 Ağustos sene 1337 / Hüsam / İstid'â 1040 / 172 / - / - / 73 / Fî 8 Zilhicce sene 1339 [13 Ağustos 1921] / Fî 13 Ağustos sene 1337

Derkenâr

Fındıklı Dergâh-ı şerîfi postnişini Mehmed Kâmil Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Dergâh-ı mezkûru kısmen kendi tarafından inşâ ettirerek derûnunda edâ-yı salât ve ifâ-yı zikrullâh ve it'âm-ı fukarâ eylemekte olduğundan ve sâireden bahisle evvelce tevkîf edilen mu'ayyenât ve muhassasâtının i'tâsını istirhâmdan ibâret olup mûmâ-ileyhin bu bâbdaki ifâde-i vâkı'ası icrâ kılınan tahkîkât ile de sâbit olduğundan tahsisât-ı mezkûrenin tesviye ve i'tâsı husûsu bâ-müzekkire İstanbul vilâyeti Evkâf Müdiriyyetine iş'âr edildiğinden mu'âmeleden müstağni kalan işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Remzi, Mehmed Gülşen

IST_MFT_MSH_DFT02_01746_0001-0123

Hisseli cihetlerden vefat edenin hissesinin tevcih olarak memur olan hissedara yapılip yapılamayacağına dair, Şûrâ-yı Devletten gelen tezkirenin Evrak İdaresinde hıfzı.

Fî 2 Z. sene 1339 / Fî 7 Ağustos sene 1337 / Hüsam / Kırmızı 50 / 140 / Sadâret 36 - Dosya 58137 / 72 / Fî 8 Zilhicce sene 1339 [13 Ağustos 1921] / Fî 13 Ağustos sene 1337

Derkenâr

Tevcih-i Cihât Nizâmnâmesi'nin mevkî-i icrâya vaz'ından mukaddem müte'addid hisselerle taksîmen tevcih edilmiş olan cihâtta hall vukû'unda hissedâr olan zât me'mûriyet-i devlette bulunursa hisse-i münhallenin tevcihi câiz olup olamayacağı istifsârına dâir sebk eden iş'âr-ı âlî-i Hazret-i Meşihat-penâhiye cevâben Şûrâ-yı Devlet ifâdesiyle şeref-vârid olup havâle buyurulan 19 Haziran sene 1337 târihli işbu tezkire-i sâmiye aynen defter-i mahsûsuna kaydedildiğinden li-eclî'l-hıfz Evrâk İdâresine havâle buyurulması tezekkür kılındı ol bâbda.

Sîret, Kerameddin, Remzi, Mehmed Gülşen

IST_MFT_MSH_DFT02_01746_0001-0124

Mülga Gümüşsuyu Hastahanesi imam ve hatibi olan Hafız Mehmed Efendi'nin Merkez Efendi Camii'nin imamlığına niyâbeten; hatipliğine de vekâleten tayin edilmesi.

Fî 4 Z. sene 1339 / Fî 9 Ağustos sene 1337 / Hüsam / İstid'â 993 / 164 / - / - / 71 / Fî 8 Zilhicce sene 1339 [13 Ağustos 1921] / Fî 13 Ağustos sene 1337

Derkenâr

Hâfız Mehmed Efendi tarafından takdîm olunup havâle buyurulan işbu arzuhâl kırâet olundu. Mündericâtı: Bâ-berât-ı âlî mülgâ Gümüşsuyu Hastahânesi'nin imâm ve hatîbi olup açıkta kaldığından bahisle Merkez Efendi Câmî-i şerîfi imâmet ve hitâbet cihetlerinin uhdesine tevcihi istirhâmından ibâret olup bu bâbda i'lân olunan müsâbakada müsted'î-i mûmâ-ileyhten başka tâlib zuhûr etmemesine ve hüsn-i hâl ashâbından olduğu Meclisce tebeyyün eylesmesine binâen imâmet cihetinin bi'n-niyâbe ve hitâbet cihetinin bi'l-vekâle tevcihi tensib olunarak fî 31 Temmuz sene 1337 târihli ve 14 numaralı mazbata-i dâ'iyanemiz üzerine icrâ buyurulmağla mu'ameleden müstağnî kalan işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Remzi, Mehmed Gülşen

IST_MFT_MSH_DFT02_01746_0001-0125

Tekke ve zaviyelerin isimleriyle bulundukları mahallerin ve hangilerinde yangınzede ve muhacirlerin iskân edildiklerinin; hangilerinin yanmış, harap ve yıkılmış durumda olduklarının belirtildiği bir defterin Evkaf Nezâretine gönderilmesi.

Fî 28 Za. sene 1339 / Fî 4 Ağustos sene 1337 / Hüsam / Kırmızı 70 / 158 / 133269 - Husûsî 56 / - / 70 / Fî 1 Zilhicce sene 1339 [6 Ağustos 1921] / Fî 6 Ağustos sene 1337

Derkenâr

Mebânî-i vakfiyye defâtir-i esâsiyyesinin tesbît ve tanzîmine başlanılmış ve bu miyânda tekâyâ ve zevâyâda büyük bir mevki'î hâiz bulunmuş olduğundan bahs ile bi'l-umûm tekâyâ ve zevâyâ-yı şerîfenin esâmî ve mevâki'yle hangilerinin ma'mûr ve hangilerinin muhâcirin ve harîk-zedegân tarafından meşgûl olduklarını ve içlerinden münhedim ve muhterik bulunanları mübeyyin bir kıt'a defterin irsâli hakkında Evkâf-ı Hümâyûn Nezâret-i celîlesinden vârid olup havâle buyurulan işbu tezkire üzerine bu bâbda tanzim olunan defter merbûtan arz ve takdîm kılınmış olmağla leffiyile bâ-tezkire-i aliyye nezâret-i müşârun-ileyhâya tesyâr buyurulması tezekkür kılındı ol bâbda.

Sîret, Kerameddin, Cevdet, Remzi, Mehmed Gülşen

IST_MFT_MSH_DFT02_01746_0001-0126

Eyüp'te Özbekler Kalenderhanesi meşihat vekâletinde bulunan Mehmed Behlül Efendi'nin azlini gerektirecek bir durum olmadığından; vekilharç Hacı Hüseyin Efendi'nin meşihate tayin talebinin yerine getirilemeyeceğinin kendisine tefhimi.

Fî 3 Zilka'de sene 1339 / Fî 10 Temmuz sene 1337 / Hüsam / İstid'â 855 - 946 / 148 - 171 / - / - / 69 / Fî 27 Zilka'de sene 1339 [2 Ağustos 1921] / Fî 3 Ağustos sene 1337

Derkenâr

Eyübsultân kurbünde kâin Özbekler Kalenderhânesi meşihat vekâletinde bulunan Mehmed Behlül Efendi'nin sâhib-i âile ve uhdesinde Kütahya'da diğer bir dergâh meşihati bulunduğundan ve sâireden bahisle dergâh-ı mezkûr meşihatının asâleten vekîl-i harclık vazîfesini îfâ etmekte olan Hacı Hüseyin Efendi'ye tevcihi istirhâmına dâir Abdurrahim ve Molla Mehmed ve sâire taraflarından takdîm olunup havâle buyurulan işbu ve diğer arzuhâl birleştirilerek kırâet olundu. Mezkûr Kalenderhâne vakfiyesinde muharrer şürûta muvâfık bir şeyh bulununcaya değin vekîl ta'yîn olunan mûmâ-ileyh Behlül Efendi mukaddemâ Kütahya'da bir dergâh meşihati vekâletinde bulunmuş ise de bi'l-âhare dergâh-ı mezkûr asâleten âhara tevcih olunarak vekâletten infikâk ve Dersâadet'e avdet ettiği ve nezdinde âilesi bulunmadığı ve vazîfesini hüsn-i îfâ etmekte olduğu cihetle fi'l-hâl tebdîlini mûcib bir sebep mevcûd olmadığı anlaşılmıştır.

Ve mûmâ-ileyh Hüseyin Efendi'nin ber-mûceb-i şart-ı vâkıf vazîfe-i meşihati îfâya ümmî olması hasebiyle adem-i kifâyeti Meclisce ma'lûm bulunmuş olduğundan mürâca'at vukû'unda tefhîmiyle işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Sîret, Remzi, Mehmed Gülşen

IST_MFT_MSH_DFT02_01746_0001-0127-128

Sultanahmet'te Şehid Mehmed Paşa Yokuşu'nda Özbekler Dergâhı şeyhi Abdurrahman Efendi hakkında yapılan şikâyetlerin tahkikat neticesinde aslının olmadığı anlaşılmakla birlikte, adı geçen dergâh şeyhinin Meclis-i Meşâyihe çağrılarak bu tür şikâyetlere meydan verilmemesinin kendisine tenbih edilmesi.

Fî 24 Za. sene 1339 / Fî 31 Temmuz sene 1337 / Hüsam / İstid'â 887 - 1002 - 911 - 985 İhbârname 972 - 988 - 1016 / 152 - 168 - 163 - 157 - 162 - 169 / - / - / 68 / Fî 27 Zilka'de sene 1339 [2 Ağustos 1921] / Fî 3 Ağustos sene 1337

Derkenâr

Umûm Buhârâ ahâlîsi nâmına Hacı Vefa ve sâire tarafından takdîm olunup havâle buyurulan işbu arzuhâlde Sultânahmed civârında Şehid Mehmed Paşa Yokuşu'nda kâin Özbekler Dergâh-ı şerîfi postnişini Abdurrahman Efendi dergâh-ı mezkûru sed ve fukarâ ve dervîşânı it'âm ve îfâ-yı zikrullâh etmediği gibi dergâha âid teberru'âtı fûrûht ve hücûrâtı âhara îcâr etmekte olduğundan ve sâireden bahisle mûmâ-ileyh hakkında muktezâ-yı adâletin icrâsı istirhâm olunması ve ahîran ahvâl-i ma'rûzanın sırf isnâd ve tezvîrden ibâret olduğu dergâh-ı mezkûr sükkânı tarafından tanzîm ve mahallesini imâm ve muhtârân ve hey'et-i ihtiyâriyye tarafından tasdik olunup bi't-takdîm havâle buyurulan arzuhâl ile diğer arzuhâllerde beyân kılınması üzerine îcâbı lede'l-müzâkere ve şikâyetnâmede muharrer isnâdâtın yegân yegân usûlü dâiresinde tahkikiyle neticesinin bâ-rapor beyânı zımnında hey'et-i teftîşiyeden Müfettiş Hüsnü Efendi'ye tevdî-i keyfiyyet edilerek bu bâbda icrâ edilen tahkîkât ve tedkîkâtı hâvî tanzîm ve itâ edilen mufasssal rapor mündericâtına nazaran şeyh-i mûmâ-ileyh hakkındaki isnâdâtın asıl ve esâsı olmadığı ve umûm Buhârâ ahâlîsi nâmına mazbata şeklinde arzuhâl tanzîm ve takdîm eden dergâh-ı mezkûr sâkinlerinden Hacı Vefa Hoca'nın zîr-i arzuhâle imzâ vaz'ı için hiçbir kimse tarafından tevkiîl edilmediği ve mühür sâhiblerini temsîl edemeyeceği ve dergâhta sâkin olmadığı ve Hacı Hüsnü Efendi hakkında da hüsn-i şehâdette bulunan olmadığı tebeyyün etmiş ve şu hâle

nazaran bu gibi mechûlül-ahvâl kesânın dergâhlarda iskânı fukarâ ve dervîşânı bî-huzûr etmekle beraber birçok mahâzîri de müceb olacağı bedîhî bulunmuş ve dergâhın hüsn-i sûretle idâresi bir gûne sızıldı ve şikâyeteye meydan verilmemesi lüzûmu celb olunan dergâh-ı mezkûr şeyhi Abdurrahman Efendi'ye icâbı vechile tebliğ kılınmış olmağla dergâh-ı mezkûrda sâkin bulunan bu gibi mechûlül-ahvâl kimselerin hemen ihrâcları ve dergâhta mevcûd teberrükâtın da Hazîne-i Evkâftaki defteriyle bi'l-mu'âyene hüsn-i muhâfazası esbâbının istikmâli husûsunun bâ-tezkire-i aliyye Evkâf-ı Hümâyûn Nezâret-i celîlesine iş'ârı [0128] ve işbu arzuhâlin merbûtan takdîm kılınan diğerleriyle birleştirilerek hıfz ve mürâca'at vukû'unda tefhîm-i keyfiyyet edilmek üzere Evrâk İdâresine havâle buyurulması tezekkür kılındı ol bâbda.

Sîret, Kerameddin, Remzi, Vahyî, Mustafa, Mehmed Gülşen

IST_MFT_MSH_DFT02_01746_0001-0129-130

Burhaneddin Efendi, amcası müteveffa Şeyh Mehmed Bahaeddin Efendi'den münhal Eyüp'teki Kâşgarî Abdullah Efendi Dergâhı meşihatine tayinini talep etmişse de meşihate nizama uygun olarak Şeyh Abdülhakim Efendi'nin tayin edilmesi.

Fî 13 Zilkâ'de sene 1339 / Fî 19 Temmuz sene 1337 / Hüsâm / İstid'â 878 - 979 / 150 - 161 / 1 / - / 67 / Fî 25 Za. sene 1339 [31 Temmuz 1921] / Fî 1 Ağustos sene 1337

Derkenâr

Hazret-i Halid civârında kâin Kaşgarî Abdullah Efendi Dergâh-ı şerîfinin öteden beri âbâ ü ecdâdlarına müveccih meşihati ahîran amcası müteveffa Şeyh Bahaeddin Efendi'den inhilâl ettikte vakfiyesinde musarrah olduğu vechile müşâr-un-ileyh civârında bulunan tekâyâ-yı Nakşibendiyye meşâyihinin intihâbı ve vakf-ı mezkûr mütevellîsinin inzimâm-ı re'yiyle tevcîhi meşrûta iken ecânibden Şeyh Abdülhakim Efendi'ye tevcîh kılındığından tevcîh-i mezkûr şer'an gayr-i mu'teber bulunmasına ve kendisi meşâyih-i sâbikanın ahfâdından olmağla merbût intihâbnâme mücebince civâr-ı Hazret-i Hâlid'deki meşâyih-i Nakşibendiyye'nin müntahabı ve mütevellî kâimmakâmının musaddakı olmasına binâen cihet-i mezkûrenin Abdülhakim Efendi'den ref'iyle niyâbeten uhdesine tevcîhi istid'âsına dâir Burhaneddin Efendi tarafından takdîm olunup havâle buyurulan arzuhâl ve merbûtu intihâbnâme ile diğer arzuhâl birleştirilerek kırâet olundu.

Kuyûda lede'l-mürâca'a Dergâh-ı şerîf-i mezkûr meşihati ile meşihate meşrût imâmet ve hitâbet cihetlerinin mutasarrıfı Şeyh Mehmed Bahaeddin Efendi'nin bilâ-veled-i zükûr irtihâliyle inhilâl eden cihât-ı mezkûre evlâda meşrût olmadığı ve ancak cihet-i meşihatın tarikat-i aliyye-i Nakşibendiyye meşâyihinin intihâbı ve re'y-i mütevellî ile âlim ve fâzıl ve zâhid bir zâta tevcîhi lâzım geleceği vakfiyesinin mütâlâ'asından anlaşılmış ve hîn-i tevcîhte mütevellî henüz ta'yîn olunmamış olduğundan şart-ı vâkîfa tevfikân Der'aliyye'de tarikat-i aliyye-i Nakşibendiyye meşâyihinin âsitânesi olan Hazret-i Emir Buhârî Dergâh-ı şerîfinin postnişîni efendi ile tarîk-i mezkûrdan diğer üç meşâyih efendilerin intihâbnâmesi ve Meclis-i dâ'iyânemizin re'y ve tensîbiyle cihât-ı mezkûre ehliyet ve zehâdeti müsellemler ve makâm-ı celîl-i cenâb-ı Meşihat-penâhîlerince musaddak bulunan meşâyih-i Nakşibendiyyeden Şeyh Abdülhakim Efendi uhdesine tevcîh buyurulmuş ve bu sûretle mu'âmele-i tevcîhiyye vakfiye ve nizâmnâme ahkâmına muvâfık ve mutâbık sûrette cereyân etmiş olduğu ve ahîran Tevcîh-i Cihât Nizâmnâmesi'nin sekizinci

maddesinin Şûrâ-yı Devletce vukû' bulan tefsîrinde evlâd ta'bîrinin ahfâda dahi şümûlü olduğu beyân edilmiş ise de tefsîr-i ma'rûzun emr-i vâki' olan mu'âmelât-ı tevcîhiyyeye te'sîri olamayacağı müsted'î ile emsâli birkaç müsted'îlerin vukû' bulan mürâca'atları üzerine makâm-ı sâmi-i cenâb-ı Fetvâ-penâhîlerince [0130] cereyân eden muhâbere netîcesinde şûrâ-yı müşârun-ileyhâdan inbâ kılınmış olmasına binâen gerek vakfiye ve gerek Tevcîh-i Cihât Nizâmnamesi ahkâmına tevfikân cereyân eden mu'âmele-i ma'rûzadan başka Meclis-i dâ'iyânemizce yapılacak bir mu'âmele kalmamış olduğunun müsted'inin mürâca'atında bir kere daha tefhîmiyle işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Sîret, Kerameddin, Remzi, Vahyî, Seyyid Mehmed es-Sükûtî

IST_MFT_MSH_DFT02_01746_0001-0131

Üsküdar Kısıklı'da Hazret-i Selâmi Dergâhı postnişini Mustafa İzzet Efendi'ye, tevkif edilmiş olan maaşının verilmesi.

Fî 13 Za. sene 1339 / Fî 20 Temmuz sene 1337 / Hüsâm / İstid'â 1633 / 327 / - / - / 66 / Fî 16 Zilka'de sene 1339 [22 Temmuz 1921] / Fî 23 Temmuz sene 1337

Derkenâr

Üsküdar'da Kısıklı'da kâin Hazret-i Selâmi Dergâh-ı şerîfi postnişini Mustafa İzzet Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Dergâh-ı mezkûrun meşrûtün-lehi olmadığı zehâbıyla Evkâf-ı Hümayûn Nezâretince tevkîf edilen vazîfesinin i'tâsını istirhâmdan ibâret olup ol bâbda cereyân eden tedkikât netîcesinde ber-mûceb-i şart-ı vâkıf efendi-i mûmâ-ileyh dergâhın meşrûtün-lehi olduğu tebeyyün etmekle vezâîfin mûmâ-ileyhe i'tâsı lâzım geleceği mukaddemâ bâ-müzekkire İstanbul vilâyeti Evkâf Müdiriyyetine iş'âr kılınmış olmağla mu'âmeleden müstağnî kalan işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Remzi, Vahyî, Mehmed Gülşen, Seyyid Mehmed es-Sükûtî

IST_MFT_MSH_DFT02_01746_0001-0132

Üsküdar'da Balaban İskeleyi'nde İsfendiyar Bey Dergâhı postnişini Nûri Efendi'nin, uzun süredir Bandırma'da olması sebebiyle; yerine Şeyh Hafız Mehmed Emin Efendi'nin vekâleten tayin edilmesi.

Fî 5 Za. sene 1339 / Fî 12 Temmuz sene 1337 / Hüsâm / İstid'â 895 / 153 / - / - / 65 / Fî 6 Za. sene 1339 [12 Temmuz 1921] / Fî 13 Temmuz sene 1337

Derkenâr

“Üsküdar'da Balaban İskeleyi'nde kâin İsfendiyar Bey Dergâhı postnişin-i sâbıkı tarafından hilâ[f]-ı salâhiyyet bazı kimselere icâr edilmiş ve el-yevm bir kirâhâne şeklini almış olduğundan ve sâireden bahisle dergâh-ı mezkûr odalarıyla müstemilâtından olan ittisâlindeki dükkânın tahliyesi husûsunda hüküm istihsâli hakkında mahkeme-i âidesine mürâca'at edeceğinden hangi târihte dergâh-ı mezkûr meşîhatine ta'yîn kılındığının beyânı istirhâmına dâir Mehmed Emin Efendi tarafından takdîm olunup havâle buyurulan işbu arzuhâl kırâet olundu.”

Kuyûda lede'l-mürâca'a dergâh-ı mezkûr şeyhi Mehmed Nûri Efendi bir hayli müddetten beri Bandırma'da bilâ-me'zûniyyet bulunduğundan hakkında derdest olan mu'âmele-i nizâmiyyenin intâcı ve bi'l-asâle tevcihine değin edâ-yı salât ve îfâ-yı zikrullâh mu'attal kalmamak üzere fî 17 Receb sene 1339 ve fî 26 Mart sene 1337 târihli ve 6 numaralı mazbata-i dâ'iyânemiz mücebince dergâh-ı mezkûrun meşîhat ve imâmet cihetleri vekâleten müsted'î-i mûmâ-ileyh Şeyh Hâfız Mehmed Emin Efendi uhdesine tevcih edildiği anlaşılmış olmağla ol bâbda.

IST_MFT_MSH_DFT02_01746_0001-0133

Üsküdar'da Hz. Pîr Hüdâyî Hankahı türbedarlığına ait deruhte ve tedavül kayıtlarının Evkaf Nezâretinden istenmesi.

Fî 5 Za. sene 1339 / Fî 12 Temmuz sene 1337 / Hüsâm / İstid'â 896 / 154 / - / - / 64 / Fî 6 Za. sene 1339 [12 Temmuz 1921] / Fî 13 Temmuz sene 1337

Derkenâr

Üsküdar'da kâin Hazret-i Pîr Hüdâî -kuddise sırruhu'l-âlî- Hânkâh-ı şerîfinde müstahfız-ı türbe ciheti mutasarrıfı İsmâil Bedreddin Efendi'nin vukû'-ı vefâtına mebnî münhal olan cihet-i mezkûrenin hânkâh-ı mezkûr dedegânından müteveffâ-yı mûmâ-ileyhin biraderi Hüseyin Haydar Dede Efendi'ye tevcihi istirhâmına dâir âsitâne-i müşârun-ileyh postnişinliğinden takdîm olunup havâle buyurulan işbu istid'â kırâet olundu.

Ba'dehû îcâbı arz olunmak üzere evveleminde cihet-i mezkûrenin şart-ı tevcihiyle der'uhde ve tedavül kayıtlarının ve el-yevm mikdâr-ı mu'ayyenâtının bi'l-ihrac ırsâli zımnında işbu istid'ânın mazrûfen Evkâf-ı Hümâyûn Nezâret-i celîlesine tesyâr buyurulması tezekkür kılındı ol bâbda.

Sîret, Kerameddin, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0134

Beylerbeyi Havuzbaşı'nda Afgan Dergâhı'nın meşîhat, imamet ve hitabetine ait vakfiyesi ile deruhte ve tedavül kayıtlarının Evkaf Nezâretinden istenmesi.

Fî 6 Za. sene 1339 / Fî 13 Temmuz sene 1337 / İstid'â 906 / 155 / - / - / 63 / Fî 6 Za. sene 1339 [12 Temmuz 1921] / Fî 13 Temmuz sene 1337

Derkenâr

Beylerbeyi'nde Havuzbaşı'nda kâin tarîkat-i aliyye-i Kâdiriyye'den Afgan Dergâh-ı şerîfi postnişini ve dergâh-ı mezkûr câminin imâm ve hatîbi pederi Şeyh Velî Mehmed Efendi'nin vukû'-ı vefâtına mebnî münhal olan cihât-ı mezkûrenin uhdesine tevcihi istid'âsına dâir Mehmed Nureddin Efendi tarafından takdîm olunup havâle buyurulan işbu arzuhâl kırâet olundu.

Îcâbı ba'dehû teemmül ve arz olunmak üzere evveleminde dergâh-ı mezkûrun meşîhat ve imâmet ve hitâbetine âid şurût-ı vakfiyesi ile der'uhde ve tedavül kayıtlarının vezâifi makâdirinin bâderkenâr inbâsı zımnında işbu arzuhâlin mazrûfen Evkâf-ı Hümâyûn Nezâret-i celîlesine ırsâl buyurulması tezekkür kılındı ol bâbda.

Sîret, Kerameddin, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0135

Refia Hanım'ın Toptaşı Dergâhı'nda ikamet talebinin kabul edilmemesi.

Fî 3 Za. sene 1339 / Fî 10 Temmuz sene 1337 / Hüsâm / İstid'â 875 / 149 / - / - / 62 / Fî 4 Za. sene 1339 [10 Temmuz 1921] / Fî 11 Temmuz sene 1337

Derkenâr

Refia Hanım tarafından takdîm olunup havâle buyurulan işbu arzuhâl kırâet olundu.

Mündericâtı: Hânesi muhterik ve çocuklarıyla meydanda kaldığından ve sâireden bahisle Toptaşı Dergâhının hücrelerinin birinde iskân ettirilmesini istirhâmdan ibâret ise de dergâh-ı mezkûr hücrelerinde el-yevm fukarâ ve dervîşân sâkin olup âile iskânına müsâ'id mahal bulunmadığı bi't-tahkîk anlaşılmış ve esâsen dergâhlar dervîşâna mahsûs bulunmuş olduğundan tervîci kâbil olamayacağının mürâca'atında mûmâ-ileyhâya tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Remzi, Vahyî, Mustafa

IST_MFT_MSH_DFT02_01746_0001-0136

Üsküdar Balaban İskeleyi'ndeki İsfendiyar Bey Dergâhı; postnişini tarafından kiraya verildiğinden, bunun caiz olup olmadığı ile kiraya veren ve kiracılar hakkında nasıl bir işlem yapılması gerektiğinin Fetvahaneye sorulması.

Fî 30 L. sene 1339 / Fî 7 Temmuz sene 1337 / Hüsâm / Kırmızı 36 / 146 / Dosya 58763 / - / 61 / Fî 4 Zilka'de sene 1339 [10 Temmuz 1921] / Fî 11 Temmuz sene 1337

Derkenâr

Cereyân eden muhâbere üzerine Üsküdar'da Balaban İskeleyi'nde kâin İsfendiyar Bey Dergâhı postnişini tarafından mu'ayyen müddetle müte'addid kesâna icâr edildiği müste'cirlerin yedelerindeki mukâvelelerden anlaşılması üzerine bu bâbda bir mahkeme kararı olmadıkça bir mu'amele yapılamayacağına dâir Polis Müdîriyyet-i Umûmiyyesinden vârid olup havâle buyurulan işbu tezkire-i cevâbiyye kırâet olundu.

Keyfiyyet lede't-teemmül ibâdât ve zikrullâha mahsûs olan ma'âbidin postnişinleri tarafından icârı sahîh olup olmadığının ve olmadığı takdirde mûcir ve müste'cir hakkında şer'an ne mu'amele ifâsı lâzım geleceğinin beyânı zımında işbu tezkirenin Fetvâhâne-i âlî'ye tevdi'i tezekkür kılındı ol bâbda.

Sîret, Kerameddin, Cevdet, Remzi, Vahyî, Mustafa, Seyyid Mehmed es-Sükûti

IST_MFT_MSH_DFT02_01746_0001-0137

Fındıklı'da Keşfi Cafer Efendi Dergâhı'ndaki harap durumda olan caminin imamet ve hitabet vazifeleri hakkında, emsallerine uygulanan muamelenin yapılması.

Fî 23 Şevvâl sene 1339 / Fî 30 Haziran sene 1337 / Hüsâm / Kırmızı 43 / Meclis 120 / 132625 - Husûsî 29 / - / 60 / Fî 27 Şevvâl sene 1339 [4 Temmuz 1921] / Fî 4 Temmuz sene 1337

(Sûret-i iş'âra nazaran cevâbdan müstağnî bulunduğu anlaşıldığı ma'rûzdur)

Derkenâr

Fındıklı'da kâin Keşfi Cafer Efendi Dergâh-ı şerîfi derûnundaki Câmî'-i şerîfin harâb bulunmasına mebnî imâmet ve hitâbet vazîfelerinin emsâli hakkında Şûrâ-yı Evkâfca ittihâz olunan kararın dergâh-ı mezkûr hakkında da tatbîki ve Meclis-i Meşâyihce de karâr-ı mezkûrun tenfizi istirhâmına dâir dergâh-ı mezkûr şeyhi Mehmed Kâmil Efendi tarafından i'tâ olunan arzuhâlde taleb ve istirhâm olunmuş ve keyfiyyet fî 7 Şubat sene 1337 târihinde İstanbul vilâyeti Evkâf Müdiriyyetine iş'âr kılındığına dâir Evkâf-ı Hümâyûn Nezâret-i celîlesinden vârid olup havâle buyurulan işbu tezkire kırâet olundu.

Mündericâtı: Mûmâ-ileyh Kâmil Efendi'nin mürâca'atında keyfiyyet tefhîm olunmak üzere işbu tezkirenin Evrâk İdâresinde hıfzı tezekkür kılındı ol bâbda.

Cevdet, Seyyid Mehmed es-Sükûti

IST_MFT_MSH_DFT02_01746_0001-0138

Üsküdar Balaban İskelesi İsfendiyar Bey Dergâhı'nın meşihat ve imameti Şeyh Hafız Mehmed Emin Efendi'ye vekâleten tevcih edildiğinden, verilen arzuhallerin Evrak İdaresinde hıfzı.

Fî 23 Şevvâl sene 1339 / Fî 30 Haziran sene 1337 / Hüsâm / İstid'â 1477 - 349 / Meclis 280 - 67 / - / - / 59 / Fî 27 Şevvâl sene 1339 [4 Temmuz 1921] / Fî 4 Temmuz sene 1337

Derkenâr

Üsküdar'da Balaban İskelesi'nde kâin İsfendiyar Bey Dergâh-ı şerîfi meşihat cihetinin uhdesine tevcihi istirhâmına dâir İhsan Efendi tarafından takdîm olunup havâle buyurulan ve diğer aynı meâldeki işbu arzuhâl birleştirilerek kırâet olundu.

Dergâh-ı mezkûr tarikat-i aliyye-i Sa'diyye'den olarak meşihat ve imâmet vekâleti fî 17 Receb sene 1339 ve fî 26 Mart sene 1336 târihli ve 6 numaralı takdîm kılınan mazbata-i dâ'iyânemiz mücebince tarikat-i mezkûre hulefâsından Şeyh Hâfız Mehmed Emin Efendi uhdesine tefvîz buyurulduğu cihetle işbu arzuhâllerin Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Vahyî, Mustafa, Seyyid Mehmed es-Sükûti

IST_MFT_MSH_DFT02_01746_0001-0139

Eyüp'te Özbekler Kalenderhanesi meşihatine asaleten tayinini talep eden vekilharç Hacı Hüseyin Efendi'nin meşihati ifaya kifayetsiz olması ve şu an vekâlette bulunan Mehmed Behlül Efendi'nin de azlını gerektirecek bir durumun bulunmaması sebebiyle, dilekçe sahibinin talebinin kabul edilmeyeceğinin kendisine tefhimi.

Fî 23 Şevvâl sene 1339 / Fî 30 Haziran sene 1337 / Hüsâm / İstid'â 580 - 484 / 107 - 84 / - / - / 58 / Fî 27 Şevvâl sene 1339 [4 Temmuz 1921] / Fî 4 Temmuz sene 1337

Derkenâr

Eyüpsultân'da Özbekler Kalenderhânesi'nde vekîl-i harclık vazîfesini îfâ etmekte olan Hacı Hüseyin Efendi kalenderhâne-i mezkûr meşihatine asâleten ta'yîni istirhâmına dâir dervîşândan Yusuf ve Hasan Necati ve sâire taraflarından memhûren takdîm olunup havâle buyurulan işbu arzuhâl diğerleriyle birleştirilerek kırâet olundu.

Mûmâ-ileyh Hüseyin Efendi'nin vazîfe-i meşihati îfâya adem-i kifâyeti hasebiyle vekâletinde

bulunan Şeyh Behlül Efendi'nin de tebdîlini mûcib sebep mevcûd olmadığıнын mürâca'at vukû'unda tefhîmiyle işbu arzuhâlin merbûtuyla beraber Evrâk İdâresinde hıfzı tezekkür kılındı ol bâbda.

Sîret, Cevdet, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0140

Üsküdar'da İsfendiyar Bey Dergâhı'nın meşihat, imamet ve müezzinlik cihetlerinin ifası için bir vekil tayin edilmesi.

Fî 23 Şevvâl sene 1339 / Fî 30 Haziran sene 1337 / Hüsâm / Kırmızı 152 / Meclis 364 / 130874 - 138 / - / 57 / Fî 27 Şevvâl sene 1339 [4 Temmuz 1921] / Fî 4 Temmuz sene 1337

Derkenâr

Üsküdar'da kâin İsfendiyar Bey Dergâhının meşihat ve imâmet ve müezzinlik vazîfeleri ifâ edilmediğinden bahisle muhassasâtının mevkûf tutulmakta olduğuna dâir Evkâf-ı Hümâyûn Nezâret-i celîlesinden vârid olup havâle buyurulan işbu tezkire aynen defter-i mahsûsuna kaydedilmiş ve bi'l-âhare cihât-ı mezkûrenin vezâîfinin ifâsı için vekil ta'yîn olunup mu'amele-i lâzime icrâ edilmiş olmağla işbu tezkirenin Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0141

Beylerbeyi Havuzbaşı'nda Afganî Dergâhı postnişini Velî Mehmed Efendi'nin görevini, oğlu Mehmed Nureddin Efendi'ye kasr-ı yed talebinin kabul edilmemesi.

Fî 23 Şevvâl sene 1339 / Fî 30 Haziran sene 1337 / Hüsâm / İstid'â 801 / 142 / 1 / - / 56 / Fî 27 Şevvâl sene 1339 [4 Temmuz 1921] / Fî 4 Temmuz sene 1337

Derkenâr

Beylerbeyi'nde Havuzbaşı'nda kâin tarîkat-i aliyye-i Kâdiriyye'den Afganî Dergâh-ı şerîfi postnişini Velî Mehmed Efendi tarafından takdîm olunup havâle buyurulan işbu arzuhâl ve merbûtu kırâet olundu.

Mündericâtı: Şeyhûheti ve ahval-i sıhhiyesinin adem-i müsâ'adesi dolayısıyla meşihat cihetini ekber evlâdı ve kendi halîfesi bulunan Mehmed Nureddin Efendi'ye terk edeceğinden mu'amele-i lâzimenin ifâsını istirhâmdan ibâret olup Cihât Nizâmnâmesi'nin yirminci maddesi mücebince kasr-ı yede mesâğ olmadığı mûmâ-ileyh Nureddin Efendi'ye tefhîm edildiğinden işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0142

Müzekkirede belirtilen kâtibin, Meclis-i Meşâyihde görevine başlamasının Bâb-ı Fetvâ Sicil Kalemi Müdüriyetine bildirilmesi.

- / - / Hüsâm / İstid'â 833 / Meclis / Melfûf: Derkenâr 55 / Fî 27 Şevvâl sene 1339 [4 Temmuz 1921] / Fî 4 Temmuz sene 1337

Efendi-i mûmâ-ileyh fî 27 Haziran sene 1337 târihinden i'tibâren kitâbet vazîfesine mübâşeret ettiğinden işbu arzuhâl Bâb-ı Fetvâ Sicil Kalemi Müdiriyyet-i aliyyesine tevdi' kılındı.

Kerameddin, Remzi, Seyyid Mehmed es-Sükûti

IST_MFT_MSH_DFT02_01746_0001-0143

Beşiktaş Serencebey Yokuşu, Ebû'l-Hüdâ Efendi Dergâhı'nda ikamet eden kadınların dergâhtan tahliye edilmesi.

Fî 22 Şevvâl sene 1339 / Fî 29 Haziran sene 1337 / Hüsam / Kırmızı 35 - 3 - 20339 / 135 / - / - / 54 / Fî 25 Şevvâl sene 1339 [2 Temmuz 1921] / Fî 2 Temmuz sene 1337

Beşiktaş'ta Serencebey Yokuşu'nda kâin Ebulhüda Efendi merhûmun Dergâh-ı şerîfinin dervîşâna mahsûs odaları kısmen ehl-i iffet ve kısmen iffeti meşkûk kadınlar tarafından fuzûlî olarak işgâl edilmekte ve tedâbir-i kânûniyyeye rağmen tahliyeden imtinâ' etmekte olduklarından cebren ihrâc edilip edilmemesinin istizânından ibâret Polis Müdiriyyet-i Umûmiyyesinden vârid olup havâle buyurulan işbu tezkire-i cevâbiyye kırâet olundu.

İcâbı lede't-teemmül tekâyâ ve zevâyâ emâkin-i mukaddese-i resmiyyeden olup ibâdât ve tâ'ât ve da'avât-ı hayriyyeye münhasır ve hucurâtı dedegân ve dervîşâna mahsûs bulunmağla şeyhlerinin âilesinden mâ'adâ kadın iskânına cevâz olmadığı hâlde öyle iffetlerinin meşkûkunu zâbitaca muhakkak bir takım kadınların dergâhlarda fuzûlî iskânıyla şeref ve hürmetini ihlâl ve hetk etmek bi'l-küllîye hilâf-ı şer' ve mugâyir-i nizâm bulunmuş ve bu gibi mecâlisten sâdır olan mukarrerât-ı idâriyyenin lüzûm-ı tenfizi Adliye Nezâret-i celîlesinin iş'arı üzerine Dâhiliye Nezâret-i celîlesinden fî 21 Ramazan sene 1339 ve fî 30 Mayıs sene 1337 târihli ve 24897/529 numaralı tezkire ile müdiriyyet-i mûmâ-ileyhâya iş'ar buyurulmuş olduğundan her hâlde dergâh-ı mezkûrun biran evvel tahliyesi icâb edeceği cihetle tedâbir-i kânûniyyeye karşı gelenler hakkında nizâmen zâbitaca lâzım gelen sûrette emr-i tahliyesinin icrâsıyla dergâh-ı mezkûrun şerefini muhafazasıyla hâl-i mu'tatîden tahlîs esbâbının istikmâli husûsunun bâ-tezkire-i aliyye müdiriyyet-i mûmâ-ileyhâya cevâben iş'ar buyurulması tezekkür kılındı ol bâbda.

Sîret, Vahyî, Seyyid Mehmed es-Sükûti

IST_MFT_MSH_DFT02_01746_0001-0144

Erzurum'da Habib Baba Dergâhı meşihat cihetinin; vakfın mütevellisi Habibe Hanım tarafından Mehmed Ali Paşa'ya tevcihi talep edilmişse de taşradaki cihâtların tevcih işlemleri mahalline ait olduğunun kendisine tefhimi.

Fî 23 Şevvâl sene 1339 / Fî 30 Haziran sene 1337 / Hüsam / Tezkire 130247 - 118 / Meclis 265 - 372 / 5 / - / 53 / Fî 25 Şevvâl sene 1339 [2 Temmuz 1921] / Fî 2 Temmuz sene 1337

Derkenâr

Erzurum'da kâin Habib Baba Dergâh-ı şerîfi meşihat cihetinin Mehmed Ali Paşa uhdesine tevcihi istid'âsına dâir mütevellîye Habibe imzâlî arzuhâl ve merbûtâtının leffîyle Evkâf-ı Hümayûn Nezâret-i celîlesinden vârid olup havâle buyurulan işbu tezkire ve merbûtları kırâet olundu.

Bu gibi taşrada bulunan tekâyâ ve zevâyâ meşihat ve cihât-ı sâiresinin mu'âmelât-ı tevcihiyyesi ber-mûceb-i nizâm mahallî Encümen-i Meşâyihine âid bulunduğunun mürâcâ'atında

müşârun-ileyhe tefhîmiyle işbu tezkire ve merbûtâtının Evrâk İdâresinde hıfzı tezekkür kılındı ol bâbda.

Sîret, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0145

Eyüp'te Oluklubayır Dergâhı şeyhi müteveffa Ali Efendi'nin hamile olan hanımının, muhtemel doğacak erkek çocuğuna niyâbeten meşihat tevcihinin yapılamayacağı, dergâha asaleten tayin yapılıncaya kadar Şeyh Raşid Efendi'nin vekâleten tayini.

Fî 16 Ramazan sene 1339 / Fî 25 Mayıs sene 1337 / Hüsâm / İstid'â 520 / 90 / - / - / 52 / Fî 16 Ramazan sene 1339 [24 Mayıs 1921] / Fî 28 Mayıs sene 1337

Derkenâr

Eyüpsultân civârında kâin Oluklubayır'da Nakşibendî Dergâhı şeyhi müteveffa Ali Efendi'nin zevcesi hâmile olduğundan zükûr evlâdı mukadder ise bi'n-niyâbe tevcihi Cihât Nizâmnâmesi ahkâmı iktizâsından bahisle netîce-i hamle kadar Şeyh Raşid Efendi'nin muvakkaten dergâh-ı mezkûr vekâletine ta'yîni istirhâmını hâvî bazı meşâyih imzâsıyla takdîm olunup havâle buyurulan işbu arzuhâl kırâet olundu.

İcâbı lede'l-müzâkere şürût-ı vâkıfa ve usûl ve nizâmına tevfikân bir şeyh ta'yîn olununcaya değin dergâh-ı mezkûru muhâfaza ve idâre etmek üzere mûmâ-ileyh Şeyh Raşid Efendi'nin muvakkaten vekâleten ta'yîni tensîb edilmiş ancak Cihât ve Meclis-i Meşâyih nizâmnâmelerinde müteveffa şeyhin sagîr oğlu bulunur ise isbât-ı rûşd ve ibrâz-ı ehliyyet edinceye kadar bi'n-niyâbe uhdesine cihetin tevcihi musarraha olup öyle rahm-i mâderde olması muhtemel ve tevel-lüdü mukadder olanlar hakkında bir madde olmadığı gibi kıyâs edilecek öyle bir mu'âmele de gayr-i mesbûk bulunduğundan usûlû dâiresinde tâlibler miyânında bi'l-müsâbaka asâleten bir şeyhin ta'yîni lâzım geliyorsa da keyfiyyet re'y-i rezîn-i isâbet-karîn-i hazret-i Meşihat-penâhîleri bulunmuş olmağın ol bâbda emr ü fermân hazret-i men lehül-emr efendimiz hazretlerindir.

Sîret, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0146

Kocamustafapaşa'da Feyziye diğer adıyla Küçük Raşid Efendi Dergâhı'nın cihetleri ve bunların deruhte kayıtlarının Evkaf Nezâretinden istenmesi.

Fî 12 Ramazan sene 1339 / Fî 21 Mayıs sene 1337 / Hüsâm / İstid'â 704 / 125 / - / - / 51 / Fî 14 Ramazan sene 1339 [22 Mayıs 1921] / Fî 23 Mayıs sene 1337

Derkenâr

Kocamustafapaşa civârında kâin Feyziye nâm-ı diğer Küçük Raşid Efendi Dergâhının müezzini Ali Salih Efendi tarafından takdîm olunup havâle buyurulan işbu arzuhâl kırâet olundu.

Dergâh-ı mezkûrda bu kere münhal olan diğer vezâifin de tarafından ifâ edildiğinden hakkında tâbî' olduğu tasnîf mu'âmelesinin icrâsını istirhâmdan ibâret olup iktizâsı ba'dehû arz olunmak üzere evveleminde dergâh-ı mezkûrdaki cihâtle ve der'uhde kayıtlarının inbâsı zımnında işbu arzuhâlin mazrûfen Evkâf-ı Hümâyûn Nezâret-i celîlesine irsâl buyurulması bâbında.

IST_MFT_MSH_DFT02_01746_0001-0147

Şeyh Fâzıl Efendi'nin arsa halinde bulunup kendi malıyla yeniden inşa etme talebinde bulunması ve Kıztaşı'ndaki Şeyh Sırrî Efendi Dergâhı cihetlerinin vakıf ve deruhte kayıtlarının Evkaf Nezâretinden istenmesi.

Fî 2 Ramazan sene 1339 / Fî 11 Mayıs sene 1337 / Hüsam / İstid'â 683 / 118 / - / - / 50 / Fî 5 Ramazan sene-i minhü [13 Mayıs 1921] / Fî 14 Mayıs sene-i minhü

Derkenâr

Tarîkat-i aliyye-i Kâdiriyye ve Rifâ'iyye'den Şeyh Fazıl Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Kıztaşı civârında kâin ve el-yevm arsa hâlinde bulunan Şeyh Sırrî Efendi Dergâhını kendi mâlından binâ ve inşâ etmek üzere meşihat cihetinin uhdesine tevcihini istirhâmdan ibâret olup icâbı ba'dehû teemmül olunmak üzere evveleminde dergâh-ı mezkûrun vakfiyesindeki cihâtın şürûtu ile der'uhde ve tedavül kayıtlarının bâ-derkenâr inbâsı işbu arzuhâlin mazrûfen Evkâf-ı Hümâyûn Nezâret-i celîlesine irsâl buyurulması bâbında.

Sîret, Kerameddin, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0148

Hacı Faik Efendi'nin yeniden inşa etmek istediği Zeyrek'te Şebsafâ Kadın Camii bitişiğinde, arsa halindeki Pehlivanlar Dergâhı'nın cihetlerine ait tedavül ve deruhte kayıtlarının Evkaf Nezâretinden istenmesi.

Fî 2 Ramazan sene 1339 / Fî 11 Mayıs sene 1337 / Hüsam / İstid'â 690 / - / - / - / 49 / Fî 5 Ramazan sene-i minhü [13 Mayıs 1921] / Fî 14 Mayıs sene-i minhü

Derkenâr

Hulefâ-yı Rifâ'iyye'den el-Hâc Mehmed Faik Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Zeyrek'te Şebsafa Kadın Câmî'-i şerîfi ittisâlinde kâin el-yevm arsa hâlinde bulunan Pehlivanlar Dergâh-ı şerîfini kendi mâlından binâ ve inşâ etmek üzere meşihat cihetinin uhdesine tevcihini istirhâmdan ibâret olup icâbı ba'dehû teemmül olunmak üzere evveleminde dergâh-ı mezkûrun vakfiyesindeki cihâtın şürûtu ile der'uhde ve tedavül kayıtlarının inbâsı zımnında işbu arzuhâlin mazrûfen Evkâf-ı Hümâyûn Nezâret-i celîlesine irsâl buyurulması tezekkür kılındı ol bâbda.

Sîret, Kerameddin, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0149

Büyük Ayasofya'da Nâziki Dergâhı meşihat mutasarrıflarından Mehmed Hilmi Efendi'ye, müştereki olup vefat eden amcası Hasan Tahsin Efendi'nin hissesinin de tevcih edilmesi hasebiyle, dergâh muhassasatının kendisine verilmesi.

Fî 29 Şa'bân sene 1339 / Fî 7 Mayıs sene 1337 / Hüsam / İstid'â 444 / 76 / - / - / 48 / Fî 30 Ş. sene-i minhü [8 Mayıs 1921] / Fî 9 Mayıs sene-i minhü

Derkenâr

Mehmed Hilmi Efendi tarafından takdîm olunup havâle buyurulan işbu arzuhâl kırâet olundu. Mündericâtı: Ayasofya-i kebîr civârında kâin Nazikî Dergâh-ı şerîfi meşîhat cihetine müstereken mutasarrıf bulunan amcası Hasan Tahsin Efendi'nin vukû'-ı vefâtına mebnî inhilâl eden hissesinin nizâmen uhdesine derdest-i tevcîh olup mu'amelesi hitâm bulmadığından ve bu yüzden dergâh-ı mezkûrun muhassasâtı mevkûf tutulmakta ise de dergâh-ı mezkûr kendi tarafından küşâde ve derûnunda zikrullâh ifâ ve it'âm-ı fukarâ edilmekte olduğundan bahisle muhassasât-ı mezkûrenin tarafına i'tâsını istirhâmdan ibâret olup mündericât-ı istid'ânâme nazar-ı dikkate alınarak muhassasât-ı mezkûrenin müsted'î-i mûmâ-ileyhe i'tâsı bâ-müzekkire İstanbul vilâyeti Evkâf Müdiriyyetine iş'âr kılındığından mu'ameleden müstağnî kalan işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0150

Kaptanlığı bırakarak Rifâiyye tarikatından hilafet almış olan Hacı Reşid Efendi'nin nüfus tezkiresine "şeyh" unvanı yazılmasının Nüfûs-ı Umûmiyye Müdüriyetine bildirilmesi.

- / - / - / - / - / - / - / - / 47 / Fî 28 Şa'bân sene 1339 [7 Mayıs 1921] / Fî 7 Mayıs sene 1337

Derkenâr

Tarîkat-i aliyye-i Rifâ'iyye meşâyihinden Hacı Reşid Efendi tarafından Meclis-i dâ'iyyânemiz riyâsetine i'tâ olunan işbu arzuhâl kırâet olundu.

Mündericâtı: Müsted'î-i mûmâ-ileyh mukademâ tüccâr vapurlarında kapudanlık etmekte iken ahîran hizmeti-i mezkûreden ferâgat ve tarîkat-i aliyye-i mezkûreye intisâb ile hilâfet ahz ederek meşâyih idâdına dâhil olduğundan yedindeki nüfus tezkiresinin tebdîliyle i'tâ olunacak tezkireye şeyhlik unvânının derc ve tahrîrini istirhâmdan ibâret olup fi'l-hakîka mûmâ-ileyh usûlen tarîkat-i aliyye-i mezkûreden müstahlef olarak şeyh unvânını ihrâz etmiş ve dâimâ o kisveyi lâbis bulunmuş olduğundan istid'âsı vechile tezkire-i Osmâniyyesi'ne şeyh unvânının tahrîri zımnında Nüfûs-ı Umûmiyye Müdüriyyet-i aliyyesine tezkire-i aliyye tastîr buyurulması tezekkür kılındı ol bâbda.

Sîret, Kerameddin, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0151

Sultan Selim Han Camii civarında arsa halindeki Yavsî Dergâhı'nı kendi malıyla yeniden inşa etmek isteyen Faik Efendi'ye, şehremanetince arsanın çaplarının verilmesi talebi.

Fî 28 Şa'bân sene 1339 / Fî 7 Mayıs sene 1337 / Hüsâm / İstid'â 648 - Kırmızı 38 / 114 - 106 / - / - / 46 / Fî 28 [Şa'bân] sene-i minhü [7 Mayıs 1921] / Fî 7 [Mayıs sene-i] minhü

Derkenâr

Faik Efendi tarafından takdîm olunup havâle buyurulan işbu arzuhâl kırâet olundu.

Kuyûda lede'l-mürâcâ'a cennet-mekân Sultân Selim Hân Câmi'-i şerîfi civârında kâin arsa hâlinde bulunan Yavsî Dergâhını kendi tarafından binâ ve inşâ etmek şartıyla meşîhat ve cihât-ı sâiresinin uhdesine tevcîhi istirhâmına dâir müsted'î-i mûmâ-ileyhin mukaddemâ takdîm ettiği arzuhâl üzerine Evkâf-ı Hümayûn Nezâret-i celîlesiyle sebk eden muhâbere netîcesinde

mezkûr arsanın hudûdu gayr-i mu'ayyen ve vaz'ıyyet-i hâzıraya nazaran tevsî'-i tarîka tâbî' bulunduğ u ve tarîk-i â m olan ciheti de türbe ve kabristân ittihâz edilmiş olduğ u cihetle evveleminde mezkûr türbe ile kabristânın münâsib bir mahalle nakli îcâb eyleyeceğ i mi'mârı tarafından bâ-rapor beyân kılınmasına binâen evveleminde kat'î haritasının bilinmesine lüzûm görûlmüş ve Fâtih harîk-i kebîri dâhilinde bulunan mahallerin taksîmât-ı cedîde haritası henüz Şehremâneti'nce ikmâl edilmediğ i cihetle musaddak çapları şimdiden i'tâsı mümkün olamayacağından mezkûr çapların i'tâsına kadar mahall-i mezkûre inşâat yapılması mahzûrdan sâlim olamayacağı merbû t fi 3 Şa'bân sene 1339 ve fi 12 Nisan sene 1337 târihli ve husûsî yirmi dört numaralı tezkire-i cevâbiyyede iş'âr kılındığ ı anlaşılmıştır. Ancak müsted'î işbu arzuhâlinde Şehremâneti'ne mürâca'atla Fatih harîk-i kebîri dahilinde bulunan mahallin çapları verileceğ i cevâbını aldığ ından istid'â-yı sâbık üzerine lâzım gelen mu'âmelenin icrâsını taleb ve istid'â etmekte olduğ una nazaran emânet-i müşârun-ileyhâ ile bi'l-muhâbere iş'âr olunan mahzûr zâil olduğ u tahakkuk ettiğ i takdîrde karâr-ı sâbık vechile mu'âmele-i mukteziyyenin îfâsı husûsunun işbu istid'ânâmenin leffiyle cevâben nezâret-i müşârun-ileyhâya izbâr buyurulması tezekkür kılındı ol bâbda.

Sîret, Kerameddin, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0152

Üsküdar'da Nalçacı Halil Efendi Dergâhı şeyhi İhsan Efendi'nin, dergâhın eski şeyhi Mustafa Bey'in kızına vermeyi taahhüt ettiğ i dört yüz kuruş yerine, iki yüz kuruş vereceğ ini beyan etmesi.

Fî 25 Şa'bân sene 1339 / Fî 4 Mayıs sene 1337 / Hüsâm / İstid'â 306 / 62 / - / - / 45 / Fî 25 [Şa'bân] sene-i minhü [4 Mayıs 1921] / Fî 4 [Mayıs sene-i] minhü

Derkenâr

Fatma Zehra Hanım tarafından takdîm olunup havâle buyurulan işbu arzuhâl kırâet olundu. Mündericâtı: Üsküdar'da kâin Nalçacı Halil Efendi Dergâhı şeyh-i esbakı Mustafa Bey'in kerîmesi ve dergâh-ı mezkûr şeyh-i lâhıkı İhsan Efendi'nin büyük hemşîresi olup fakr u zarûretine mebnî mukaddemâ kendisine i'tâ edilmekte olan şehri dört yüz guruş u bir müddetten beri şeyh-i mûmâ-ileyh i'tâ etmemekte olduğ undan meblağ-ı mezbûrun kemâ-kân i'tâsıyla giriftâr olduğ u zarûretten vikâyesini istirhâmdan ibâret olup şeyh-i mûmâ-ileyh Meclis'e celb edilerek nesâyih-i lâzime îfâ olunmakta hemşîresi mezbûreye şehri iki yüz guruş i'tâ etmeyi ta'ahhüd eylediğ inden keyfiyyetin mürâca'atında müsted'îye-i mûmâ-ileyhâya tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0153

Mehmed Kâmil Efendi'nin Fındıklı'da arsa halindeki Seyyid Keşfi Cafer Efendi Dergâhı'nı inşa etmekte olduğ undan, durdurulmuş olan dergâh muhassasatının verilmesi talebinin Evkaf Nezâretine bildirilmesi.

Fî 25 Şa'bân sene 1339 / Fî 4 Mayıs sene 1337 / Hüsâm / İstid'â 653 / 115 / Lef 1 / - / 44 / Fî 25 [Şa'bân] sene-i minhü [4 Mayıs 1921] / Fî 4 [Mayıs sene-i] minhü

Derkenâr

Mehmed Kâmil Efendi tarafından takdîm olunup havâle buyurulan işbu arzuhâl ve merbûtu ilmühaber kırâet olundu.

Mündericâtı: Fındıklı'da kâin kutbü'l-ârifin Seyyid Keşfi Cafer Efendi Dergâh-ı şerîfinin arsası üzerine tarafından üç odadan ibâret bir hâne inşâsına mübâşeret eylediğinden bahisle levâzım-ı inşâiyyesine medâr olmak üzere mevkûf bulunan dergâh-ı mezkûr tahsîsâtının i'tâsını istirhâmdan ibâret olup keyfiyyet lede't-tezekkür taleb-i vâki' musîb görüldüğünden icrâ-yı icâbı zımında işbu istid'â ve merbûtunun leffiyle Evkâf-ı Hümâyûn Nezâret-i celîlesine tezkire-i aliyye tastîr buyurulması tezekkür kılındı ol bâbda.

Sîret, Kerameddin, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0154

Şeyh İsmâîl Gavsî Efendi'nin tayinini talep ettiği Tophane'de, Nebâtî Dede Zaviyesi ile Hendekbaşı Mezaristanı Tekkesi Zaviyesi'nin cihetlerine ait vakfiye suretleriyle tedavül kayıtlarının Evkaf Nezâretinden istenmesi.

Fî 16 Şa'bân sene 1339 / Fî 25 Nisan sene 1337 / Hüsâm / İstid'â 617 / 112 / - / - / 43 / Fî 18 Şa'bân sene 1339 [27 Nisan 1921] / Fî 27 Nisan sene 1337

Derkenâr

Şeyh Gavsî Efendi tarafından takdîm olunup havâle buyurulan işbu arzuhâl ve merbûtu ilmühaber kırâet olundu.

Mündericâtı: "Tophâne'de Nebâtî Dede Zâviyesi ve Hendekbaşı Mezaristânı Tekkesi nâm zâviyenin zâviyedâr ve cüzhânlık cihetlerinin mutasarrıfı pederi Şeyh Abdüşşekûr Efendi'nin vukû'-ı vefâtına mebnî münhal olan ciheteyn-i mezkûreteynin uhdesine tevcihini istirhâmdan ibâret olup" ba'dehû icâbı teemmül olunmak üzere evvelemirde zikrolunan zâviye ve tekkenin vakfiye sûretleriyle tevcihi taleb olunan cihetlerin tedâvül kayıtlarının bi'l-ihrac irsâli zımında işbu arzuhâlin mazrûfen Evkâf-ı Hümâyûn Nezâret-i celîlesine irsâli tezekkür kılındı.

Sîret, Kerameddin, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0155

Üsküdar'da Solak Sinan'da Selâmi Ali Efendi Dergâhı şeyhi Aziz Mahmud Efendi'nin vefatı üzerine meşihatın, Şeyh Hafız Zekeriya Efendi'nin niyâbetiyle müteveffanın oğlu Ahmed Sâdî Efendi'ye tevcihi.

Fî Şa'bân sene 1339 / Fî Nisan sene 1337 / Hüsâm / İstid'â 44 - 1775 - 43 - 36 - 48 / 17 - 328 - 16 - 13 - 19 / - / - / 42 / Fî 16 Şa'bân sene 1339 [25 Nisan 1921] / Fî 25 Nisan sene 1337

Derkenâr

Üsküdar'da Solak Sinan'da kâin Selâmi Ali Efendi Dergâhı şeyhi Aziz Mahmud Efendi bir nefer sagîr oğlunu terkle vukû'-ı vefâtına mebnî münhal olan meşihat ve imâmet ve hitâbet ve vâ'izlik cihetlerinin tarafından bi'n-niyâbe ifâ-yı hizmet olunmak üzere sagîr-i mezbûr uhdesine tevcihi Acıbadem Dergâhı şeyhi Macid ve onu müeyyid Âsitâne-i Hazret-i Pîr Hüdâî -kuddise sırruhu'l-âlî- hazretleri postnişini efendi tarafından bi't-takdîm havâle buyurulan inhâ ile aynı

meâldeki diğer üç kıt'a arzuhâl birleştir[ilerek] kırâet olundu.

Dergâh-ı mezkûr meşîhatiyle cihât-ı sâiresi hakkında tedkîkât-ı kuyûdiyye bi'l-icrâ şart-ı vâkîf ve nizâmnâme ahkâmına tevfiķan i'lân olunan müsâbakada tâlibler miyânında müderrisinden ve tarîk-i Celvetiyye hulefâsından Şeyh Hâfız Zekeriya Efendi'nin bi'l-imtihân tebeyyün eden ehliyetine mebnî cihât-ı mezkûre efendi-i mûmâ-ileyh niyâbetiyle sagîr Ahmed Sadi Efendi uhdesine tevcihi hakkında takdîm kılınan fî 16 Nisan sene 1337 târihli ve 8 numaralı mazbata-i dâ'iyânemizin icâbı icrâ buyurulmuş olmağla mu'ameleden müstağnî kalan işbu arzuhâllerin Evrâk İdâresinde hıfzı tezekkür kılındı ol bâbda.

Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0156

Sipahiler Ağası Hacı Mehmed Emin Ağa'nın vakfiyesinin Evkaf Nezâretinden istenmesi.

Fî 14 Şa'bân sene 1339 / Fî 23 Nisan sene 1337 / Hüsâm / - / 109 / - / - / 41 / Fî 16 Şa'bân sene 1339 [25 Nisan 1921] / Fî 25 Nisan sene 1337

Derkenâr

Esbak Sipahiler Ağası merhûm el-Hâc Mehmed Emin Ağa'nın beyân kılınan vakfiyesinin mütâla'asına lüzûm görüldüğünden sûretinin bi'l-ihrac irsâli zımnında takdîm kılınan işbu arzuhâlin mazrûfen Evkâf-ı Hümâyûn Nezâret-i celîlesine irsâl buyurulması tezekkür kılındı.

Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0157

Tophane'de Kâdirîhane denmekle meşhur Hacı Pîrî Zâviyesi postnişini Abdüşşekûr Efendi'nin vefatı üzerine, yerine oğlu İsmâil Gavsî Efendi'nin tayini.

Fî 11 Şa'bân sene 1339 / Fî 20 Nisan sene 1337 / Hüsâm / İstid'â 161 / 43 / - / - / 40 / Fî 14 Şa'bân sene 1339 [23 Nisan 1921] / Fî 23 Nisan sene 1337

Derkenâr

İsmâil Gavsî Efendi tarafından takdîm olunup havâle buyurulan [işbu] arzuhâl kırâet olundu.

Mündericâtı: Tophâne'de Kâdirîhane denmekle şehir, merhûm Hacı Pîrî Zâviyesi postnişini pederi Abdüşşekûr Efendi'nin vukû'-ı vefâtına mebnî münhal olan meşîhat cihetinin uhdesine tevcihini istihâmdan ibâret olup cihet-i mezkûre usûl ve nizâmnâme ahkâmına tevfiķan bi'l-imtihân tebeyyün eden ehliyetine mebnî mûmâ-ileyhin uhdesine tevcihi hakkında takdîm kılınan fî 21 Mart sene 1337 târihli ve 5 numaralı mazbata-i dâ'iyânemizin icâbı icrâ buyurulmuş olmağla mu'ameleden müstağnî kalan işbu arzuhâlin Evrâk İdâresinde hıfzı iktizâ eder ol bâbda.

Sîret, Kerameddin, Cevdet, Mustafa, Seyyid Mehmed es-Sükûtî

IST_MFT_MSH_DFT02_01746_0001-0158

Yedikule'de Hacı Evhadüddin Dergâhı'nın müezzinliklerine ait deruhte ve tedavül kayıtlarının Evkaf Nezâretinden istenmesi.

Fî 9 Şa'bân sene 1339 / Fî 16 Nisan sene 1337 / Hüsâm / - / 104 / - / - / 39 / Fî 9 Şa'bân sene 1339 [18 Nisan 1921] / Fî 16 Nisan sene 1337

Derkenâr

Bekir Sıdkî Efendi tarafından takdîm olup havâle buyurulan işbu arzuhâl kırâet olundu.

Mündericâtı: Cennet-mekân vakfından Yedikule kurbünde Hacı Evhadüddin Dergâh-ı şerîfi müezzinleri Niyazi Bey ve Şeyh Hasan Vefa efendilerin vukû'-ı vefâtlarına mebnî münhal olan ciheteyn-i mezkûreteynin tasnîf kararı mücebince tevhiiden uhdesine tevcihini istirhâmdan ibâret olup ba'dehû icâbı teemmül olunmak üzere evvelemirde ciheteyn-i mezkûreteynin şart-ı tevcihi ile der'uhde ve tedâvül kayıtlarının bi'l-ihrac irsâli zımında işbu arzuhâlin mazrûfen Evkâf-ı Hümayûn Nezâret-i celîlesine irsâl buyurulması bâbında.

Sîret, Kerameddin, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0159

Eyüpsultan'da Özbekler Kalenderhanesi meşihatine tayinini talep eden Dârüşşafaka edebiyat muallimi Mehmed Sadık Efendi'nin, vakıf şartlarını taşımadığından talebinin kabul edilmemesi.

Fî 6 Şa'bân sene 1339 / Fî 13 Nisan sene 1337 / Hüsâm / İstid'â 557 / 99 / 1 / - / 38 / Fî 9 Şa'bân sene 1339 [18 Nisan 1921] / Fî 16 Nisan sene 1337

Derkenâr

Dârüşşafaka Edebiyât mu'allimi Mehmed Sadık Efendi tarafından takdîm olup havâle buyurulan işbu arzuhâl kırâet olundu.

Mündericâtı: Eyüpsultân'da Özbekler Kalenderhânesi meşihat cihetinin uhdesine tevcihini istirhâmdan ibâret olup hâlbuki mezkûr kalenderhâne meşihat cihetinin tevcihi derûnunda sâkin olan dervîşânın içlerinden ve mücerredân-ı Özbekiyye'den ve vazîfe-i mezkûreyi ifâyâ en ziyâde ehil olan zâtı intihâblarıyla meşrût bulunduğu ve merbût mazbataya mevzû' mühür ve imzâ sâhiblerinden hiçbirinin mezkûr kalenderhâne sükkânından olmadıkları unvânlarıyla müeyyed olup taleb-i vâkı'ın dahi şart-ı vâkıfa mugâyir olduğunun mürâcâ'atında müsted'î-i mûmâ-ileyhe tefhîmiyle işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Sîret, Kerameddin, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0160

Kasımpaşa Okmeydanı'nda Büyükpiyâlepaşa Camii'nin iki odasında ikamet eden şahısların, cami odasından tahliyeleri.

- / - / Hüsâm / - / 100 / - / - / 37 / Fî Şa'bân sene 1339 [Nisan 1921] / Fî Nisan sene 1337

Derkenâr

Kasımpaşa'da Okmeydanı kurbünde kâin olup meşîhati vekâleten uhdesine tevcih buyurulan Büyükpiyâle Paşa Câmi'-i şerifi derûnundaki iki oda bazı kesân tarafından işgâl edilmekte olduğundan mezkûr odaların tahliyesiyle tarafına teslîmi istid'âsına dâir İbrahim Şemseddin Efendi tarafından Meclis-i dâ'iyânemiz riyâsetine i'tâ olunan işbu arzuhâl kırâet olundu.

Bahsolunan odaların tahliyesi esbâbının istikmâli zımnında [işbu arzuhâlin] mazrûfen Evkâf-ı Hümâyûn Nezâret-i celîlesine irsâl buyurulması tezekkür kılındı ol bâbda.

Kerameddin, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0161

Cevdet Efendi'nin, Rumelihasarı'nda Nalbûrî Mehmed Efendi Dergâhı meşîhatine tayinine dair inhânın, Evkaf Kadılığına gönderilmiş olması.

Fî 1 Şa'bân sene 1339 / Fî 9 Nisan sene 1337 / Hüsâm / Kırmızı 28 / 93 / - / - / 36 / Fî 6 Şa'bân sene 1339 [Nisan 1921] / Fî 13 Nisan sene 1337

Derkenâr

Evkâf-ı Hümâyûn Kadılığından vârid olup havâle buyurulan işbu müzekkire kırâet olundu.

Mündericâtı: Rumelihasarı'nda kâin Nalbûrî Mehmed Efendi Dergâhı meşîhat cihetine ta'yîn olunan Şeyh Cevdet Efendi'ye hîn-i tevcihte i'tâ olunan inhânın li-eclî'l-mütâla'a irsâlini beyândan ibâret olup kuyûda lede'l-mürâca'a matlûb inhânın sûret-i musaddakası evvelce Meclis-i dâ'iyânemiz riyâsetine gelen müzekkireye cevâben yazılan fî 19 Receb sene 1339 ve fî 28 Mart sene 1337 târihli ve 46 numaralı müzekkireye leffen irsâl kılındığı anlaşıldığından işbu müzekkirenin hıfzı tezekkür kılındı ol bâbda.

Sîret, Kerameddin, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0162

Asker emeklisi Hüseyin Adil Efendi'nin; Çengelköy'deki Bedevî Dergâhı meşîhatine tayini talebiyle ileri sürdüğü görüşlerin doğru olmaması ve meşîhatin Hüdâyî Asitanesi şeyhinin inhâsıyla tevcih edilmesi.

Fî 24 Receb sene 1339 / Fî 2 Nisan sene 1337 / Hüsâm / İstid'â 501 / 85 / - / - / 35 / Fî 25 Receb sene 1339 [4 Nisan 1921] / Fî 4 Nisan sene 1337

Derkenâr

Hüseyin Adil Efendi tarafından takdîm olunup havâle buyurulan işbu arzuhâl kırâet olundu.

Meâlî: Kendisi mütekâ'idîn-i askeriyyeden ve tarîk-i Bedeviyye'den müstahlef ve Çengelköyü'nde kâin Bedevî Dergâhı meşîhat cihetine tâlib bulunduğu ve meşîhat-i mezkûre ber-mûceb-i vakfiyye vakfın nâzırı bulunan Hazret-i Pîr Hüdâî Âsitânesinde şeyh olan zâtın inhâsına vâbeste ise de bu gibi nezâretler külliyyen mülgâ ve inhâya da lüzûm olmadığından ve sâireden bahisle ber-mûceb-i nizâm ifâ-yı mu'âmele olunmasını istirhâmdan ibâret olup vakfiyye-i mezkûrede şart kılınan nezâret ciheti hakkında Evkâf Nezâretiyle cereyân eden muhâbere netîcesinde cihet-i mezkûre gayr-i mülgâ cihâttan olduğu ve meşrût bulunduğu inhâ husûsu mer'ıyyü'l-icrâ olduğu anlaşılmakla işbu istid'âda müsted'inin serd eylediği esbâb te'hîr-i mu'âmeleyi mûcib olacağıının mürâca'atında müsted'ıye tefhîmiyle Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Mustafa, Seyyid Mehmed es-Sükûtî

IST_MFT_MSH_DFT02_01746_0001-0163

Şeyh İbrâhim Şemseddin Efendi'nin tayinini talep ettiği, Kasımpaşa Büyükpiyâle Camii'nin meşihatine ait Kuyûd-ı Vakfiye Müdürlüğünden gönderilen tedavül kaydının teslim alınması.

Fî 19 Receb sene 1339 / Fî 28 Mart sene 1337 / Hüsam / İstid'â 176 / 52 / - / - / 34 / Fî 24 Receb sene 1339 [3 Nisan 1921] / Fî 2 Nisan sene 1337

Derkenâr

Kasımpaşa'da kâin Büyükpiyâle Paşa Câmi'-i şerîfi derûnundaki meşihat cihetinin uhdesine tevcihi istid'âsına dâir Şeyh İbrahim Şemseddin Efendi tarafından takdîm olunan arzuhâl zahırına muharrer Evkâf-ı Hümayûn Nezâreti Kuyûd-ı Vakfiye Müdiriyyetinden muhrec meşihat-i mezkûrenin tedâvül kaydı sûreti aynen defter-i mahsûsuna kaydedildiğinden işbu arzuhâlin berâ-yı hıfz Evrâk Müdiriyyetine havâle buyurulması tezekkür kılındı ol bâbda.

Sîret, Kerameddin, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0164

İbrâhim Şemseddin Efendi'nin arzuhali üzerine, Kasımpaşa Büyükpiyâle'de Şeyh Mehmed Cevherî ve Muabbir İbrahim Efendi zâviyelerine ait Evkaf Nezâretinden gönderilen tedavül kayıtlarının Evrak Müdürlüğünde hıfzı.

Fî 19 Receb sene 1339 / Fî 28 Mart sene 1337 / Hüsam / İstid'â 2018 / 5 / - / - / 33 / Fî 24 Receb sene 1339 [3 Nisan 1921] / Fî 2 Nisan sene 1337

Derkenâr

İbrahim Şemseddin Efendi tarafından i'tâ olunan işbu arzuhâl üzerine bi'l-havâle Evkâf-ı Hümayûn Nezâret-i celîlesinden muhrec Kasımpaşa'da Büyükpiyâle'de eş-Şeyh Mehmed Cevherî ve Mu'abbir İbrahim Efendi zâviyelerinin tedâvül kayıtları sûretleri nizâmen kaydedilmek üzere Meclis'de hıfzedilmiş olmağla işbu arzuhâlin Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0165

Muhtar isimli şahsın, Mudanya'da Şâbânî Dergâhı meşihatine tayinini talep etmesi üzerine, konuyla ilgili Bursa Encümen-i Meşâyihinden cevap beklenmesi.

Fî 19 Receb sene 1339 / Fî 28 Mart sene 1337 / Hüsam / Kırmızı 164 / 374 / - / - / 32 / Fî 24 Receb sene 1339 [3 Nisan 1921] / Fî 2 Nisan sene 1337

Derkenâr

Mudanya'da kâin Şa'bânî Dergâhı meşihat cihetinin uhdesine tevcihi icâb ederken hilâf-ı şart-ı vâkîf biraderzâdesine tevcih edildiğinden bahisle Muhtar imzâsıyla verilen arzuhâl ve merbûtunun Meclisce iktizâsının ifâsı zımnında takdîm ve irsâl olunduğuna dâir Evkâf-ı Hümayûn Nezâret-i celîlesinden vârid olup havâle buyurulan işbu tezkire kırâet olundu.

Mezkûr arzuhâl ve merbûtu mündericâtına nazaran mahallinde tetkikât-ı lâzime ifâ ve netîcesi inbâ olunmak üzere Bursa Encümen-i Meşâyihî ri'yâsetine irsâl kılınmış ve alınacak cevâba göre

iktizâsının arzı derkâr bulunmuş olmağla işbu tezkirenin Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0166

Merdivenköy Şahkulu Sultan Zaviyesi ve türbedarlığından İsmet Efendi'nin azledilerek yerine, kendisinin tayinini talep eden Mehmed Tevfik Efendi'nin dilekçesinin Şûrâ-yı Devlete havale edilmesi.

- / - / - / - / - / - / - / - / 31 / Fî 21 Receb sene 1339 [31 Mart 1921] / Fî 30 Mart sene 1337

Şûrâ-yı Devlete

Beyân-ı mütâlâ'a olunmak ve dosyası gönderilmek üzere mazrûfen makâm-ı âlî-i Meşîhat-penâhîye takdîmi tezekkür kılındı.

Fî 1 Mart sene 1337

Dâniş

Mûcebince sene-i minhü.

Derkenâr

Nerdüban karyesinde kâin Şahkulu Sultân zâviye ve türbedarlığının İsmet Efendi'ye muhâlif-i nizâm tevcih edildiğine dâir Mehmed Tevfik Efendi tarafından makâm-ı Sadâret-penâhîye i'tâ ve beyân-ı mütâlâ'a olunmak ve dosyası gönderilmek üzere Şûrâ-yı Devletin derkenârıyla makâm-ı âlî-i Meşîhat-penâhî'ye bi't-takdim havâle buyurulan işbu arzuhâl mütâlâ'a olundu.

Kuyûda led'e'l-mürâca'a müsted'i-i mûmâ-ileyh tarafından evvelce aynı meâlde takdim ettiği istid'â üzerine dosyası bi't-taleb Şûrâ-yı Devletce sûreti melfûf fî 9 Mart sene 1336 târihli ve 188 numaralı mazbata ile Meclisin mukarrerâtı tasdik buyurulmuş ve henüz dosya Meclis'e i'âde edilmemiş olduğu anlaşılmış ol bâbda.

Sîret, Kerameddin, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0167

Tekke merkezleri ve taşra Encümen-i Meşâyihleriyle yapılacak posta muhaberatıyla ilgili, Posta Telgraf ve Telefon Müdüriyetinden gelen tezkirenin Evrak Müdüriyetinde hıfzı.

Fî 14 Receb sene 1339 / Fî 23 Mart sene 1337 / Hüsâm / Kırmızı 22 / 48 / - / - / 30 / Fî 14 Receb sene 1339 [24 Mart 1921] / Fî 23 Mart sene 1337

Derkenâr

Merâkiz-i tekâyâ ve Taşra Encümen-i Meşâyihleriyle kemâ-fi's-sâbık posta muhâberâtı icrâsının lâzım gelenlere tebliğ-i keyfiyyet edildiğine dâir Posta Telgraf ve Telefon Müdüriyetinden vârid olup havâle buyurulan işbu tezkire-i cevâbiyye aynen defter-i mahsûsuna kayd ve icâb eden mahallere tebliğ-i keyfiyyet edilmekle Evrâk Müdüriyetinde hıfzı tezekkür kılındı ol bâbda.

Sîret, Kerameddin, Cevdet, Remzi, Mustafa, Seyyid Mehmed es-Sükûtî

IST_MFT_MSH_DFT02_01746_0001-0168

Horhor'da Hindîler Dergâhı'nın Dîvân-ı Hümâyûn'da vakfiyesinin olmaması ve dergâhın şeyhi Mehmed Efendi'nin tercüme edilen pasaportunun Hariciye Nezâretinden Meclis-i Meşâyihe gönderilmesi.

Fî 14 Receb sene 1339 / Fî 23 Mart sene 1337 / Hüsâm / 128 - 3 / 362 - 12 / - / - / 28 / Fî 14 Receb sene 1339 [24 Mart 1921] / Fî 23 Mart sene 1337

Derkenâr

Horhor'da kâin Hindîler Dergâhının vakfiyesine destres olunamadığına dâir Dîvân-ı Hümâyûn ifâdesiyle Sadâret-i uzmâdan vârid olup havâle buyurulan işbu tezkire-i cevâbiyyenin berâ-yı hıfz Evrâk Müdiriyyetine havâle buyurulması tezekkür kılındı ol bâbda.

29

Horhor'da Hindîler Dergâhı şeyhi Mehmed Efendi'nin Hintli olduğuna dâir yedinde bulunan pasaportun tercüme edilerek i'ade kılındığına dâir Hâriciye Nezâret-i celîlesinden vârid olup havâle buyurulan işbu tezkire ve melfûfları kırâet olundu. Mezkûr pasaport sâhibine i'ade ve sûret-i tercüme Meclis'de alıkonulmuş olduğundan işbu tezkirenin Evrâk İdâresinde hıfzı tezekkür kılındı ol bâbda.

Sîret, Kerameddin, Cevdet, Remzi, Mustafa, Seyyid Mehmed es-Sükûtî

IST_MFT_MSH_DFT02_01746_0001-0169

Aksaray Horhor'daki Hindîler Dergâhı şeyhinin Hintli olmaması ve bu lisanı bilmediğinden azledilmesinin istenmesi ve daha sonra pasaportunun tercümesiyle Hintli olduğunun anlaşılması.

Fî 22 C. sene 1339 / Fî 2 Mart sene 1337 / - / İstid'â 1454 / 317 / - / - / 27 / Fî 7 Receb sene 1339 [17 Mart 1921] / Fî 16 Mart sene 1337

Derkenâr

Aksaray'da Horhor'da Hindîler Kalenderhânesi şeyhinin Hind lisânına vâkıf olması şart-ı vâkıf iktizâsından olduğu hâlde el-yevm dergâh-ı mezkûr şeyhi Mehmed Efendi'nin lisân-ı mezkûru bilmediğinden azliyle yerine Hind lisânına vâkıf diğer ehlinin ta'yini istîrhamına dâir Hindli Hacı Mehmed Said ve sâire imzâlarıyla takdîm olunup havâle buyurulan işbu arzuhâl üzerine şart-ı vâkıf anlaşılmaq için Evkâf-ı Hümâyûn ve Defter-i Hâkânî ve Dîvân-ı Hümâyûndan dergâh-ı mezkûra âid mu'âmelât-ı kuyûdiyye kaydı taleb olundukta tedâvül kaydından mâ'adâ bir kayda destres olunamadığı cevâbı alınmış ancak dergâhın Hindîler Tekkesi denmekle ve Hindistan fukarâsına mahsûs olmağla ma'rûf olmasına ve tedâvül kaydındaki iki yüz elli bir târihinden beri Hindî ve Sindî meşâyihi ta'yîn kılınmasına nazaran şeyhin sekene ve âyende ve revendegânın lisân ve ahvâline vâkıf olması te'âmül hükmünü almıştır. Binâ-berîn keyfiyyet lede't-tedkîk hâlâ şeyh bulunan mûmâ-ileyh Mehmed Efendi'nin Evkâf'dan muhrec der'uhde kaydında Afganî Mehmed Abdullah Efendi'ye fî 27 Kânûn-ı sâni sene 1330 târihinde tevcîh edildiği denilmişse de Meclis-i dâ'iyânemizden vaktiyle mu'tâ tevcîh mazbatasında cihet-i mezkûre ehliyetine ve kendisinin Hind lisânına vukûfuna binâen uhdesine tevcîh edildiği anlaşılmaqta beraber şeyh-i mûmâ-ileyh Meclis'e celb ve istîzâh olundukta kendisinin Afganlı şöhreti hilâf-ı

hakikat olup aslen Hindli olduğunu iddi'â ve müdde'âsını isbâta medâr olmak üzere İngilizce muharrer bir kıt'a pasaport ibrâz etmiş ve mezkûr pasaport Meclis-i dâ'iyânemiz ifâdesiyle makâm-ı ulyâ-yı Meşihat-penâhilerinden li-ecli't-tercüme Hâriciyye Nezâret-i celîlesine isrâ ve harfiyyen vârid olan tercümesinde Hind ahâlîsinden olduğu tasrîhan beyân kılınmakta bulunmuş olduğundan başkaca bir gûne mu'ameleye mahal olmadığı arz olunur ol bâbda.

Mehmed Hâşim, Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0170

Bursa'da Hoca Mehmed Karamânî Mahallesi'nde Eyüp Efendi Dergâhı şeyhi Şemseddin Efendi'nin şehit olmasıyla; meşihatın, müteveffa şeyhin kız kardeşinin oğluna ait olduğu iddia edilmişse de bu iddiasını ispatlayıncaya kadar daha önce vekil tayin edilen Mehmed Emin Efendi'nin görevine devam etmesi.

Fî 28 C. sene 1339 / Fî 8 Mart sene 1337 / Hüsam / Kırmızı 323 / 381 / 1 / - / 26 / Fî 7 Receb sene 1339 [17 Mart 1921] / Fî 16 Mart sene 1337

Derkenâr

Bursa'nın Hoca Mehmed Karamanî Mahallesi'nde kâin Eyüp Efendi Dergâhı şeyhi Şemseddin Efendi'nin şehiden vukû'-ı vefâtına ve meşihat hakkında beyân olunan te'âmülün mevcûdiyeti usûlen isbât olduğu takdîrde müteveffa Şeyh Şemseddin Efendi'nin hemşirezâdesi sagîr İhsân'a niyâbetle tevcîhi kâbil olacağı ve hâl-i hâzır dolayısıyla sagîr-i mûmâ-ileyh peder ve vâlidesiyle birlikte Söğüd'de bulundukları ve tûl müddet dergâhın mesdûd bulunması harâbiyetini mûcib olacağı cihetle muvakkat vekil ta'yîninde de tereddüd edilmekte olduğuna dâir olunacak mu'âmelenin emr ü iş'arını hâvî Bursa Evkâf Müdiriyyetinden Evkâf-ı Hümayûn Nezâret-i celîlesine vârid olan fî 2 Kânûn-ı evvel sene 1336 târihli ve husûsî 290 numaralı tahrîrât Şûrâ-yı Evkâfa havâle olunarak bu bâbda yapılacak mu'âmelenin nizâmen Meclis-i dâ'iyânemize âid bulunduğuna dâir Şûrâ-yı Evkâfdan tanzîm olup havâle buyurulan fî 10 Ra. sene 1339 ve 22 Kânûn-ı evvel sene 1336 târihli ve 3947 numaralı tezkire kırâet olundu.

Îcâbı lede'l-müzâkere ol bâbda cereyân eden muhâbere üzerine Kuyûd-ı Vakfiyye Müdiriyyetinden muhrec tedâvül kaydına nazaran dergâh-ı mezkûrun şeyh-i zâviye ciheti fî 28 Şevvâl sene 1335 târihinde Şeyh Şemseddin Efendi'ye tevcîh edilip mûmâ-ileyhin bilâ-veled vukû'-ı vefâtıyla mahlûlünden fî 26 Ağustos sene 1333 târihinde Mehmed Emin Efendi'ye tevcîh olduğu mukayyed vakfiyesi bulunmadığı anlaşılmış olduğundan mûmâ-ileyh Mehmed Emin Efendi el-yevm asâleten sâhib-i cihet bulunmasına nazaran vekile hâcet görülmeyip sagîr-i mûmâ-ileyh tarafı isbât-ı müdde'â edinceye kadar bizzât Mehmed Emin Efendi tarafından ma'rûzât-ı sâbika dâiresinde ifâ-yı vazîfe olunması husûsunun Bursa Encümen-i Meşâyihine cevâben tebliği zım-nında merbûâtıyla beraber mazrûfen nezâret-i müşârun-ileyhâya irsâl buyurulması tezekkür kılındı ol bâbda.

Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0171

Çarşamba'da Kefevî Camii'ndeki meşihat cihetine niyâbeten Abdülkadir Efendi'nin tayinine dair, Meclis-i Meşâyihe gelen tevcih mazbatasının Kuyûd-ı Vakfiye Müdüriyetine iadesi.

Fî 4 Receb sene 1339 / Fî 13 Mart sene 1337 / Hüsam / Kırmızı 24 / 60 / 1 / - / 25 / Fî 7 Receb sene 1339 [17 Mart 1921] / Fî 16 Mart sene 1337

Derkenâr

Çarşamba[da] kâin Kefevî Câmi'-i şerîfindeki meşihat cihetinin Abdülkadir Efendi'ye tevcihî icrâ kılındığına dâir kayda destres olunamadığından bahisle tasdik-i âliye iktirân eden bir kıt'a sûret-i musaddakasının irsâline dâir Evkâf-ı Hümâyûn Nezâret-i celîlesi Kuyûd-ı Vakfiyye Müdüriyyetinden vârid olup havâle buyurulan işbu müzekkire kırâet olundu.

Abdülkadir Efendi'ye bi'n-niyâbe tevcih mazbatasının matlûb sûreti aynen ihrâc ve lef edilmiş olup işâret-i aliyyeye iktirânı târihinin dahi Evrâk Kaleminden bâ-pusula beyân edilmesi Şeyh Faik ve Edhem efendiler ise merbûtan takdîm kılınan mazbata sûretinde meşihat-i mezkûre niyâbetine ta'yîn kılınan Ahmed Halid Efendi tarafından ifâ-yı vazîfeye Meclis ma'rifetiyle vekil olduklarından mûmâ-ileyhimâ haklarında Evkâf Nezâretine bir iş'âr sebk etmediğinden ol vec-hile kaydının tesviyesiyle mu'âmele-i lâzimenin ifâsı zımında işbu evrâkın mazrûfen nezâret-i müşârun-ileyhâ Kuyûd-ı Vakfiyye Müdüriyyetine irsâl buyurulması tezekkür kılındı ol bâbda.

Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0172

Rumelihisarı'nda Nalbûrî Mehmed Efendi Dergâhı'nda ikamet eden Sadeddin Efendi'nin, ilgili mahkeme sonucu beklenmeden tahliye edilerek, dergâhın şeyhi Cevdet Efendi'ye teslimi.

- / - / - / Kırmızı 24 / 63 / 18 / - / 23 / Fî 3 Receb sene 1339 [13 Mart 1921] / Fî 12 Mart sene 1337

Derkenâr

Rumelihisarı'nda kâin Nalbûrî Mehmed Efendi Dergâhının tahliyesiyle şeyhi Cevdet Efendi'ye teslîmi hakkında Meclis-i dâ'iyânemiz ifâdesiyle sebk eden iş'âr-ı âliye cevâben Polis Müdüriyyet-i Umûmiyyesinden vârid olup havâle buyurulan işbu tezkire ve melfûfu dosya mütâlâ'a olundu.

Hülâsa-i meâli: Dergâh-ı mezkûrda sâkin olan Sadeddin Efendi'nin husûs-ı mezkûrdan dolayı el-yevm Mahkeme-i Evkâf-ı Hümâyûnda derdest-i rü'yet bulunan muhâkeme netîcesine kadar tahliyesi icrâ olunamayacağı Beyoğlu Müdde'-i Umûmîliğinden bildirilmiş olduğunu beyândan ibâret olup hâlbuki Cihât Nizâmnâmesi'nin kırk beşinci maddesi mücebince Şûrâ-yı Evkâfa verilen bi'l-cümle tekâyâ mu'âmelâtının Meclis-i Meşâyih Nizâmnâmesi'nin ikinci maddesi mücebince Meclis'e tevdi' kılınmış olmasına nazaran husûsât-ı mezkûrenin tedkikâtının Şûrâ-yı Devletten mâ'adâ hiçbir mahkemenin salâhiyeti olmadığı gibi cevâmî' ve medâris ve tekâyâ emâkin-i mukaddese-i resmiyyeden ibâret olup ibâdât ve tâ'ât ve da'avât-ı hayriyyeye münhasır bulunduğundan hiçbir vakit mesken addedilemez ve süknâ kânûnuyla alâkadâr olamaz ve müsted'î Sadeddin Efendi'nin dergâh-ı mezkûrda fuzûlî oturarak hiçbir sıfat-ı resmiyesi yoktur. Zira dergâh-ı mezkûrun şeyhi Kâmil Efendi Beykoz Dergâhına bi'n-nakl cihet-i meşihat Şeyh Cevdet Efendi'ye şart-ı vâkıf ve usûl ve nizâmı dâiresinde ber-vech-i şer'î tevcih olunmuştur.

Binâen-aleyh müsted'î dergâhta fuzûlî oturmasını ve yed-i gâsibesinin temdîdi için bu gibi teşebbüsâta cür'et etmesiyle böyle mu'âmelât-ı resmîyenin te'hîri ve sâhib-i cihet olan ve Şeyh Cevdet Efendi böyle aylarca sürüncemede bırakılması câiz olmadığından her hâlde tekkeyi mesken ittihâz ederek fuzûlî işgâl edenlerin serî'an ihrâc ve resmen şeyhi bulunan mûmâ-ileyh Cevdet Efendi Hazretlerine teslîmiyle orada lâzım gelen ibâdât ve tâ'âtın ve da'avât-ı hazret-i pâdişâhînin ifâsına muvâzabet olunması esbâbının istikmâli zımnında ol vechile tezkire-i aliyye-i cevâbiyye tastîr buyurulması tezekkür kılındı ol bâbda.

Mehmed Hâşim, Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0173

Üsküdar'da Bandırmalı Yusuf Efendi Dergâhı şeyhi Münib Efendi'nin vefatıyla ilgili Evkaf Nezâretinden gelen tezkirenin Evrak İdaresinde hıfzı.

Fî 25 C. sene 1339 / Fî 5 Mart sene 1337 / Hüsâm / Kırmızı 94 / 182 / - / - / 22 / Fî 27 Cumâdelâhire sene 1339 [8 Mart 1921] / Fî 7 Mart sene 1337

Derkenâr

Üsküdar'da kâin Bandırmalı Yusuf Efendi Dergâhı şeyhi Münib Efendi'nin vukû'-ı vefâtıyla uhdesinden inhilâl eden cihâtın iş'âr kılındığına dâir Mebânî-i Hayriyye Müdiriyyeti ifâdesiyle Evkâf-ı Hümâyûn Nezâret-i celîlesinden bi'l-vürûd havâle buyurulan işbu tezkire aynen defter-i mahsûsuna kaydedildiğinden berâ-yı hıfz Evrâk Müdiriyyetine havâle buyurulması tezekkür kılındı ol bâbda.

Mehmed Hâşim, Sîret, Cevdet, Remzi, Mustafa, Seyyid Mehmed es-Sükûtî

IST_MFT_MSH_DFT02_01746_0001-0174

Tekkelerin muayyenatı hakkında, Evkaf Nezâretinden gelen müzekkirenin Evrak İdaresinde hıfzı.

Fî 25 C. sene 1339 / Fî 5 Mart sene 1337 / Hüsâm / Kırmızı 163 / 59 / - / - / 21 / Fî 27 Cumâdelâhire sene 1339 [8 Mart 1921] / Fî 7 Mart sene 1337

Derkenâr

Tekâyâ mu'ayyenatı hakkında Evkâf-ı Hümâyûn Nezâret-i celîlesinden vârid olup havâle buyurulan işbu tezkire-i cevâbiyye ve merbûtu Levâzım Müdiriyyetinin müzekkiresi aynen defter-i mahsûsuna kaydedilmekle berâ-yı hıfz Evrâk Müdiriyyetine havâle buyurulması tezekkür kılındı ol bâbda.

Mehmed Hâşim, Sîret, Cevdet, Remzi, Mustafa, Seyyid Mehmed es-Sükûtî

IST_MFT_MSH_DFT02_01746_0001-0175

Heyet-i Teftîşîyye kâtibi Şeyh Hüsnu Efendi'nin gözlerindeki rahatsızlık sebebiyle, Tekâyâ Müfettişliğine tayin edilmesi.

Fî 12 C. sene 1339 / Fî 20 Şubat sene 1337 / Hüsâm / İstid'â 1479 / 42 / - / - / 20 / Fî 20 Cumâdelâhire sene 1339 [1 Mart 1921] / Fî 28 Şubat sene 1337

Derkenâr

Hey'et-i Teftîşîyye ketebesinden Âsitâne-i Rifâ'î postnişîni Şeyh Hüsnü Efendi'nin işbu Meclis-i dâ'iyânemize muhavvel arzuhâl zahrına Me'mûrîn Kalemi Müdîriyyet-i aliyyesinden muharrer derkenârda mûmâ-ileyhin gözlerindeki ârıza sebebiyle hizmet-i kitâbette istihdâmı muvâfık olamayacağına binâen ma'âş-ı hâlîsi olan sekiz yüz guruşun idâre-i merkeziyye faslına münâkalesinin icrâsıyla Meclis-i Meşâyih ma'îyyetinde tekâyâ müfettişliğinde istihdâmı Encümen-i İntihâbca takarrur ve ol vechile işâret-i aliyye-i cenâb-ı Fetvâ-penâhî'ye iktirân etmiş olduğu beyân buyurulduğundan keyfiyyet mûmâ-ileyhe bi't-tebliğ vazîfesine mübâşeret eylediği arz olunur ol bâbda ve her hâlde.

Mehmed Hâşim, Remzi, Vahyî, Seyyid Mehmed es-Sükûtî

IST_MFT_MSH_DFT02_01746_0001-0176

Üsküdar Paşalimanı'ndaki Yarımca Baba Dergâhı'nın, durdurulmuş olan ekmek muayyenatının tekrar verilmesinin Bahriye Nezâretine bildirilmesi.

Fî 12 C. sene 1339 / Fî 20 Şubat sene 1337 / Hüsâm / İstid'â 181 / 50 / - / - / 19 / Fî 18 Cumâdelâhire sene 1339 [27 Şubat 1921] / Fî 26 Şubat sene 1337

Derkenâr

Üsküdar'da Paşalimanı'nda kâin Yarımca Baba Dergâh-ı şerîfi postnişîni Mehmed Kâzım Efendi tarafından takdîm olunup havâle buyurulan işbu arzuhâl kırâet olundu.

Mündericâtı: Dergâh-ı mezkûra Bahriye Nezâret-i celîlesinden muhassas nân-ı azîzin verilmemesi yüzünden zarûret çekmekte olduğundan lâzım gelen mu'âmelenin ifâsını istirhâmdan ibâret olup kuyûda lede'l-mürâca'a ol bâbda evvelce cereyân eden muhâbere üzerine mezkûr nân-ı azîz ve erzâk-ı sâirenin kemâ-kân verilmesi hakkında Bahriye Emânât-ı Askeriyye Me'mûrluğuna iş'âr edildiği anlaşıldığından müsted'î-i mûmâ-ileyhe tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Mehmed Hâşim, Remzi, Vahyî, Seyyid Mehmed es-Sükûtî

IST_MFT_MSH_DFT02_01746_0001-0177

Fahreddin Efendi'nin tayinini talep ettiği babasından münhal, Vefâ'da Ayşe Sultan Türbesi cüzhanlık cihetinin vakfiyesiyle tedavül kayıtlarının Evkaf Nezâretinden istenmesi.

Fî 13 C. sene 1339 / Fî 21 Şubat sene 1337 / Hüsâm / İstid'â 163 / 47 / - / - / 18 / Fî 15 Cumâdelâhire sene 1339 [24 Şubat 1921] / Fî 23 Şubat sene 1337

Vefâda Ayşe Sultân türbesinde pederinden inhilâl eden cüzhânlık cihetinin uhdesine tevcihi hakkında Fahreddin imzâlı arzuhâle derkenâr

İşbu arzuhâl zahrına muharrer Şûrâ-yı Evkâfın derkenârı mütâla'a olundu.

Ba'dehû îcâbı teemmül olunmak üzere evveleminde müsted'î-i mûmâ-ileyhin pederinden inhilâl eden mezkûr cüzhânlık cihetinin vakfiyesiyle tedâvül kayıtlarının Meclisce mütâla'asına lüzûm görüldüğünden bâ-derkenâr inbâsı zımında işbu arzuhâlin mazrûfe Evkâf-ı Hümayûn Nezâret-i celîlesine irsâl buyurulması tezekkür kılındı ol bâbda.

Mehmed Hâşim, Remzi, Vahyî, Seyyid Mehmed es-Sükûtî

IST_MFT_MSH_DFT02_01746_0001-0178

Hacı Pîrî Zaviyesi'ne ait vakfiyenin tekrar araştırılmasının Evkaf Nezâretinden istenmesi.

- / - / - / - / - / - / - / 17 / Fî 11 Cumâdelâhire sene 1339 [20 Şubat 1921] / Fî 19 Şubat sene 1337

Derkenâr

İşbu müzekkire kırâet olundu.

Zikrolunan Hacı Pîrî Zâviyesi vakfiyesi kaydı bulunamadığı beyân olunmuş ise de meşihat ciheti ber-vech-i meşrûtiyet es-Seyyid Mehmed Efendi'ye ve 9 Rebî'ülâhir sene 1201 târihinde şart-ı vâkıf mücebince Şerif Efendi'ye tevcih edilmiş olduğu muharrer olmasına nazaran vakfiyesi kaydı bulunması lâzım gelip gerek mezkûr nâma ve gerek dergâh-ı mezkûr meşihat vazifesini ifâ ettiği rivâyet edilen ve el-yevm orada medfûn bulunan İsmâil-i Rûmî Hazretleri nâmına kuyûd ve ma'lûmâtla vakfiye kaydının tekrar taharrîsi ve el-yevm dergâh-ı mezkûr şeyhi merhûm Abdüşşekûr Efendi'nin biraderi tarafından irâe olunan bin seksen altı târihli vakfiye sûretine göre Hacı Pîrî Zâviyesinin bin otuz altı târihinde şeyhi bulunan Halil Efendi'nin evlâd-ı zükûrunun ekberine ve ba'de'l-inkirâz mutlaka hulefâ-yı Kâdiriyye'ye meşrût olduğu muharrer bulunmuş olmasına binâen her hâlde kemâl-i i'tinâ ile be-tekrar taharriyat-ı kuyûdiyye icrâsı ile netîcenin inbâsı zımnında mazrûfen Evkâf-ı Hümâyûn Nezâret-i celîlesine i'ade ve irsâl buyurulması tezekkür kılındı ol bâbda.

Mehmed Hâşim, Sîret, Remzi, Mustafa, Seyyid Mehmed es-Sükûtî

IST_MFT_MSH_DFT02_01746_0001-0179

Çarşamba'da Kefevî Dergâhı şeyhi Ali Vasfi Efendi'nin vefatıyla, meşihatın Murad Molla Dergâhı postnişini Ahmed Hâlid Efendi niyâbetinde oğlu Abdülkadir Efendi'ye tevcih edildikten sonra; Ahmed Halil Efendi'nin istifasıyla görevin, Şeyh Faik ve Şeyh Edhem efendiler tarafından vekâleten yürütülmekte olduğunun bildirilmesi.

Fî 8 C. sene 1339 / Fî 16 Şubat sene 1337 / Hüsam / Kırmızı 24 / 45 / - / - / 16 / Fî 11 Cumâdelâhire sene 1339 [20 Şubat 1921] / Fî 19 Şubat sene 1337

Derkenâr

Evkâf-ı Hümâyûn Nezâret-i celîlesinden vârid olup havâle buyurulan işbu tezkire-i cevâbiyye kırâet olundu.

Mündericâtı: Çarşamba civârında kâin Kefevî Dergâhının inhilâl eden meşihat cihetinin Abdülkadir Efendi'ye tevcihi icrâ kılındığına dâir kayda destres olunamamasından dolayı hâsıl olan tereddüde mebnî bu bâbda yapılacak mu'âmelenin istifsârından ibâret olup kuyûda lede'l-mürâca'a dergâh-ı mezkûrun meşihat ciheti pederi müteveffâ Şeyh Ali Vasfi Efendi mahlûlünden bi'n-nefs ifâ-yı hizmete kesb-i iktidâr edinceye değin Murad Molla Dergâh-ı şerîfi postnişini Ahmed Halil Efendi tarafından bi'n-niyâbe ifâ-yı hizmet olunmak üzere mahdûmu mûmâ-ileyh Abdülkadir Efendi'ye tevcihi hakkında Meclis-i Meşâyihden tanzîm ve takdîm edilmiş olan fî 19 C. sene 1338 ve fî 8 Haziran sene 1336 târihli ve 22 numaralı mazbata ol vakit mazrûfen nezâret-i müşârun-ileyhâya irsâl buyurulduğu ve bi'l-âhare nâib-i mûmâ-ileyhin ma'zeretine binâen vazife-i mezkûre Şeyh Faik ve Şeyh Edhem efendilere Meclis karârıyla vekâleten ifâ ettirildiği cihetle mazbata-i mukaddimedde vekâletinde bulunan denildiği kayden müstebân olmağla

işbu tezkirenin mazrûfen Evkâf-ı Hümayûn Nezâret-i celîlesine irsâl buyurulması tezekkür kılındı ol bâbda.

Mehmed Hâşim, Sîret, Mustafa, Seyyid Mehmed es-Sükûtî

IST_MFT_MSH_DFT02_01746_0001-0180

İbrâhim ve Faik efendilerin tayinini talep ettikleri Mudanya'da Şâbânî Dergâhı meşihatine, Şeyh Said Efendinin vefatı üzerine oğlu Mehmed Emin Efendi'nin tayini.

Fî 6 C. sene 1339 / Fî 14 Şubat sene 1337 / Hüsâm / Taşra 1 - Taşra 256 / 4 / - / - / 15 / Fî 8 C. sene-i minhü [17 Şubat 1921] / Fî 16 [Şubat] sene-i minhü

Derkenâr

Mudanya'da kâin Şa'bânî Dergâhı meşihat cihetinin müteveffâ Şeyh Said Efendi mahlûlünden oğlu Mehmed Efendi'ye tevcîhi şart-ı vâkıf ve nizâmnâmeye muhâlif olduğundan ve mûmâileyhin adem-i ehliyyetinden bahisle Bursa Encümen-i Meşâyihi'nin ol bâbdaki mazbatasının tenfiz olunmamasını ve bi'l-imtihân uhdelere tevcîhini müsted'î İbrahim ve Faik imzâlarıyla vârid olup havâle buyurulan işbu ve merbût arzuhâl kırâet olundu.

Kuyûda lede'l-mürâca'a husûs-ı mezkûra dâir evvelce vârid olan tevcîh mazbatası usûl ve nizâmnâme ahkâmına muvâfık görülmekle beraber tebyîn-i hakikat zımnında işbu arzuhâllerin leffîyle keyfiyyet lede'l-isti'lâm cevâben Bursa Encümen-i Meşâyihinden Meclis-i dâ'iyânemiz riyâsetine vârid olan fî 22 S. sene 1339 târihli mazbatada dergâh-ı mezkûr meşihat cihetinin Mehmed Said Efendi mahlûlünden bi'l-imtihân ehliyeti tebeyyün eden mahdûmu Mehmed Emin Efendi'ye tevcîhi ahkâm-ı nizâmiyyeye ve şart-ı vâkıfa muvâfık olup isnâdât-ı vâkı'a ağrâz-ı şahsiyyeden münba'is ve şâyân-ı iltifât olmadığı bildirilmiş olmasına binâen tevcîh-i vâkı' bi't-tasdik icâbı icrâ kılındığı anlaşılmış olmağla mürâca'atında müsted'ilere tefhîmiyle işbu ve merbûtu arzuhâllerin Evrâk İdâresinde hıfzı tezekkür kılındı ol bâbda.

Mehmed Hâşim, Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0181

Arnavutköy'de bir dergâhta ikamet eden Yüzbaşı Ali ve hal ser-memuru İsmâil efendilere kiralık hane sıkıntısı dolayısıyla, martın on beşine kadar dergâhta ikametlerine izin verilmesi.

- / - / - / - / - / - / - / - / 14 / Fî 6 Cumâdelâhire sene 1339 [15 Şubat 1921] / Fî 14 Şubat sene 1337

Derkenâr

Dergâhtan ihrâcları lâzım gelen Bahriye yüzbaşısı Ali ve Hal Serme'mûru İsmâil efendiler tarafından verilen işbu istid'ânâmenin meâli süknâ muzâyakasına nazaran cây-i teemmül bulunduğundan bir def'aya mahsûs olmak üzere hitâmında bilâ-imhâl hemen çıkarılmak üzere talepleri vechile nihâyet şehr-i Mart'ın on beşinci gününe kadar imhâl edilmesi husûsunda işbu arzuhâlin Arnavutköy Polis Merkez Me'mûrluğuna irsâli tezekkür kılındı.

Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0182

Zeyneb ve Saadet hanımların dilekçeleri üzerine, Aksaray'da Olanlar Dergâhı meşihat cihetinin tevcihine ait mazbata suretinin, incelenmek için Şûrâ-yı Devlete gönderilmesi.

Fî 1 C. sene 1339 / Fî 9 Şubat sene 1337 / Hüsâm / İstid'â 137 / 38 / - / - / 13 / Fî 4 Cumâdelâhire sene 1339 [13 Şubat 1921] / Fî 12 Şubat sene 1337

Derkenâr

Zeyneb ve Saâdet imzâlarıyla Sadâret-i uzmâya bi't-takdîm Şûrâ-yı Devlete havâle buyurulup meâline nazaran cereyân-ı mu'âmelenin iş'ârı zımında huzûr-ı âlî-i Meşihat-penâhîlerine irsâl olup Meclis-i dâ'iyânemize havâle buyurulan işbu arzuhâl kırâet olundu.

Mündericâtı: Aksaray'da kâin Olanlar Dergâh-ı şerîfi meşihat cihetinin tevcihi hakkındaki cereyân eden mu'amele muhâlif-i usûl ve nizâm olduğundan ve sâireden bahisle keyfiyyetin şûrâ-yı müşârun-ileyhâca bi'l-etrâf tahkîk buyurulmasını istirhâmdan ibâret olmasına binâen dergâh-ı mezkûr meşihat ciheti hakkında cereyân-ı mu'ameleyi hâvî iki kıt'a mazbata sûretleri işbu arzuhâl ile mazrûfen şûrâ-yı müşârun-ileyhâ ri'yâset-i celîlesine irsâl buyurulması tezekkür kılındı ol bâbda.

Mehmed Hâşim, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0183

Şeyh İbrâhim Şemseddin Efendi'nin tayinini talep ettiği Okmeydanı Büyükiyâle Camii'ndeki meşihatın vakfiye şartları ile deruhte ve tedavül kayıtlarının Evkaf Nezâretinden istenmesi.

Fî 29 Ca. sene 1339 / Fî 8 Şubat sene 1337 / Hüsâm / - / - / - / 12 / Fî 4 Cumâdelâhire sene 1339 [13 Şubat 1921] / Fî 12 Şubat sene 1337

Derkenâr

Şeyh İbrahim Efendi tarafından Meclis-i Meşâyih ri'yâsetine i'tâ olunan işbu arzuhâl kırâet olundu.

Mündericâtı: Kasımpaşa'da Okmeydanı kurbünde kâin Büyükiyâle Paşa Câmi'-i şerîfi derûnundaki meşihat ciheti fî 19 Cumâdelâhire sene 1334 ve fî 9 Nisan sene 1332 târihli mazbata-i dâ'iyânemiz mücebince Şeyh Abdurrahman Sami Efendi uhdesine tevcih olup bi'l-âhare mûmâ-ileyhin uhdesine Yahya Kethüdâ Dergâhı meşihat ciheti tevcih edildiğinden mûmâ-ileyhten inhilâl eden mezkûr Büyükiyâle Câmi'-i şerîfindeki meşihate âid vakfiyesi şürûtu ile der'uhte ve tedâvül kayıtlarının bâ-derkenâr inbâsı zımında işbu arzuhâlin mazrûfen Evkâf-ı Hümayûn Nezâret-i celîlesine irsâl buyurulması tezekkür kılındı ol bâbda.

Mehmed Hâşim, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0184

Bursa'da İsmâil Hakkı Dergâhı meşihatine Hacı Ahmed Efendi'nin niyâbetiyle, esir bulunan Sıdika Hanım'ın oğlu Cemaleddin Efendi'nin tayini.

Fî 1 C. sene 1339 / Fî 9 Şubat sene 1337 / Hüsâm / İstid'â 71 / 28 / - / - / 11 / Fî 4 Cumâdelâhire sene 1339 [13 Şubat 1921] / Fî 12 Şubat sene 1337

Derkenâr

Sıdika Hanım tarafından takdîm olup havâle buyurulan işbu arzuhâl kırâet olundu.

Mündericâtı: Bursa'da kâin İsmâil Hakkı Hazretleri Dergâh-ı şerîfi meşîhat cihetinin hâl-i esârette bulunan mahdûmu Cemaleddin Efendi niyâbeten Şeyh Muhtar Efendi'nin ta'yinini istirhâmdan ibâret olup bu bâbda Meclis-i dâ'iyânemiz riyâsetine Bursa Encümen-i Meşâyihinden vârid olan mazbatada dergâh-ı mezkûr meşîhat niyâbetine tarîk-i Celvetiyye'den Hacı Ahmed Efendi'nin tensîb kılındığı iş'âr edilmiş ve iş'âr-ı vâki' ahkâm-ı nizâmiyyeye muvâfık görölmesine binâen tasdik edilerek mu'âmele-i lâzimenin ifâsıyla berât-ı âlîsinin mahalline irsâli husûsunun Evkâf-ı Hümâyûn Nezâret-i celîlesine izbârı bâ-müzekkire makâm-ı âlî-i cenâb-ı Fetvâ-penâhîlerine arz edildiğinin mürâca'atında müsted'îye-i mûmâ-ileyhâya tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Mehmed Hâşim, Cevdet, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0185

Bebek'te Kayalar Dergâhı'nda ikamet eden iki ailenin tahliyesiyle, dergâhın şeyhi Ali Cemaleddin Efendi'nin biraderi İbrâhim Şehabeddin Efendi'nin iskân edilmesi.

Fî 26 Ca. sene 1339 / Fî 5 Şubat sene 1337 / Hüsâm / İstid'â 1652 / 314 / - / - / 10 / Fî 28 Cumâdelûlâ sene 1339 [7 Şubat 1921] / Fî 7 Şubat sene 1337

Derkenâr

İbrahim Şehâbeddin Efendi tarafından takdîm olup havâle buyurulan işbu arzuhâl kırâet olundu.

Mündericâtı: Bebek'te kâin Kayalar Dergâh-ı şerîfi şeyhi Ali Cemaleddin Efendi'nin biraderi olup dergâh-ı mezkûru dergâhla münâsebeti olmayan hâricden iki âile fuzûlî işgâl etmekte olduklarından ve sâireden bahisle tahliye ettirilerek iskânını istirhâmdan ibâret olup Meclis-i dâ'iyânemiz ifâdesiyle merkûmların ihrâcları husûsunun makâm-ı sâmi-i cenâb-ı Fetvâ-penâhîlerinden Polis Müdîriyyet-i aliyyesine iş'âr kılındığının ve tahliye olunduktan sonra kendisinin iskânı için biraderi şeyh-i mûmâ-ileyhin muvâfakatı istihsâl olduğunun mürâca'atında müsted'îye tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Mehmed Hâşim, Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0186

Hüseyin Bahaeddin Efendi'nin yeniden inşa etmek şartıyla meşihatine tayinini talep ettiği Üsküdar Kazasker Mehmed Efendi Mahallesi'nde, arsa halinde bulunan Şeyh Mehmed Tahir el-Bağdâdî Dergâhı'nın meşihatine ait vakıf şartları ile deruhte ve tedavül kayıtlarının Evkaf Nezâretinden istenmesi.

Fî 22 Ca. sene 1339 / Fî 1 Şubat sene 1337 / Hüsâm / İstid'â 116 / 34 / - / - / 9 / Fî 23 Cumâdelûlâ sene 1339 [2 Şubat 1921] / Fî 2 Şubat sene 1337

Derkenâr

Tarîkat-i aliyye-i Kâdiriyye hulefâsından Hüseyin Bahaeddin Efendi tarafından takdîm olup havâle buyurulan işbu arzuhâl kırâet olundu.

Mündericâtı: Üsküdar'da Kazasker Mehmed Efendi Mahallesi'nde kâin tarikat-i aliyye-i Kâdiriyye'den Şeyh Mehmed Tahir el-Bağdadî Dergâhı arsa hâlinde bulunduğundan bahisle kendi mâlından binâ ve inşâ etmek üzere meşihat cihetinin uhdesine tevcihini istirhâmdan ibâret olup icâbı ba'dehû teemmül ve arz olunmak üzere evveleminde dergâh-ı mezkûrun meşihatine âid vakfiyesi şurûtu ile der'uhde ve tedâvül kayıdlarının bâ-derkenâr inbâsı zımınında işbu arzuhâlin mazrûfen Evkâf-ı Hümâyûn Nezâret-i celîlesine tesyâ[r] buyurulması tezekkür kılındı ol bâbda.

Mehmed Hâşim, Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0187

Tevfik Efendi'nin tayinini talep ettiği Merdivenköy Şahkulu türbedarlığının, İsmet Efendi'ye nizama uygun olarak tevcihinin, Şûrâ-yı Devletçe de onaylanması.

Fî 9 Ca. sene 1339 / Fî 19 Kânûn-ı sâni sene 1337 / Hüsam / İstid'â 66 / 27 / - / - / 8 / 14 Ca. sene-i minhü [24 Ocak 1921] / [24 Kânûn-ı sâni] sene-i minhü

Derkenâr

Tevfik Efendi tarafından Sadâret-i uzmâ'ya takdîm ve mazrûfen makâm-ı âlî-i Meşihat-penâhîlerine irsâl olunup Meclis-i dâ'iyânemize havâle buyurulan işbu arzuhâl ve merbûtu kırâet olundu.

Mündericâtı: Nerdüban karyesinde kâin Şahkulu türbedarlığının hilâf-ı usûl İsmet Efendi uhdesine tevcih edildiğinden ve sâireden bahisle mûmâ-ileyhten ref edilerek kendi uhdesine tevcihini istirhâmdan ibâret olup kuyûda lede'l-mürâcâ'a mûmâ-ileyh tarafından evvelce de aynı meâlde takdîm edilen istid'â üzerine Şûrâ-yı Devletçe talep ve dosyası tedkik olunarak İsmet Efendi hakkında fî 27 Kânûn-ı evvel sene 1336 târih ve 193 numaralı derkenâra cereyân eden mu'amele muvâfık-ı usûl ve nizâm görülerek tasdik edildiğine dâir vârid olan mazbata sûret-i musaddakası merbûtan arz ve takdîm kılınmış ve be-tekrar mu'amele cereyânına lüzûm ve mahal kalmamış olduğu arz olunur ol bâbda ve her hâlde emr ü fermân hazret-i men lehü'l-emr.

Mehmed Hâşim, Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0188

Sultan Abdülmecid Han Türbesi'nde hatm-i hâcegân okunmasına dair gelen "buyuruldu sureti"nin Evrak İdaresinde hıfzı.

Fî 9 Ca. sene 1339 / Fî 19 Kânûn-ı sâni sene 1337 / Hüsam / Kırmızı 62 - Dosya 57228 / 139 / - / - / 7 / Fî 14 Ca. sene-i minhü [24 Ocak 1921] / Fî 24 [Kânûn-ı sâni] sene-i minhü

Derkenâr

Evkâf-ı Hümâyûn Nezâret-i celîlesinden vârid olup havâle buyurulan işbu tezkire-i cevâbiyyenin melfûfu olan Sultân Abdülmecid Hân Hazretleri türbe-i şerîfelerinde hatm-i hâcegân kırâeti hakkındaki buyuruldu-i âlî sûreti kaydedilmek üzere nizâmen Meclis'de alıkonulmuş olmağla işbu tezkirenin Evrak İdaresinde hıfzı tezekkür kılındı ol bâbda.

Mehmed Hâşim, Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0189

Topkapı'da Bektaşî Tekkesi şeyh vekili Sezâî Efendi'nin talebi üzerine, Bektaşî tarikatı hakkında Mecliste alınan karar suretinin kendisine verilmesi.

Fî 29 R. sene 1339 / Fî 9 Kânûn-ı sâni sene 1337 / Hüsâm / İstid'â 27 / 10 / - / - / 6 / Fî 7 Cumâdelûlâ sene 1339 [17 Ocak 1921] / Fî 17 Kânûn-ı sâni sene 1337

Derkenâr

Topkapı hâricinde Bektâşî Tekkesi şeyhi Abdullah Baba'nın vekili Sezâî Efendi tarafından takdîm olup havâle buyurulan işbu arzuhâl kırâet olundu.

Mündericâtı: Tarikat-i Bektâşîyye hakkında Meclis'den çıkan karâr sûretinin tarafına i'tâsını istirhâmdan ibâret olup kuyûda lede'l-mürâca'â husûs-ı mezkûr hakkında evvelce verilen arzuhâl üzerine muharrer merbût karâr sûreti aynen hikâye olunmuştur.

Mehmed Hâşim, Sîret, Remzi, Vahyî

IST_MFT_MSH_DFT02_01746_0001-0190

Eyüpsultan'da Vezir İzzet Mehmed Paşa Dergâhı şeyhi Abdülkadir Efendi'nin vefatıyla, meşihat cihetinin Şeyh Abdullah Aktar Efendi'ye tevcih edilmesi.

Fî 29 R. sene 1339 / Fî 9 Kânûn-ı sâni sene 1337 / Hüsâm / İstid'â 1956 / 11 / - / - / 5 / Fî 2 Cumâdelûlâ sene 1339 [12 Ocak 1921] / Fî 12 Kânûn-ı sâni sene 1337

Derkenâr

Eyüpsultân civârında kâin Vezîr İzzet Mehmed Paşa Dergâhı şeyhi Said Efendi tarafından takdîm olup havâle buyurulan işbu arzuhâl ve merbûtu kırâet olundu.

Mündericâtı: Biraderi müteveffâ Şeyh Abdülkadir Efendi ile dergâh-ı mezkûr meşihat cihetine müştereken mutasarrıf iken biraderinin vukû'-ı vefâtıyla inhilâl eden cihet-i mezkûre âhara tevcih edildiğinden ve sâireden bahisle zâyî olan hukûkunun muhâfazasını istirhâmdan ibâret olup kuyûda lede'l-mürâca'â cihet-i mezkûre bin iki yüz seksen dört târihinde müsted'inin hâl-i sıgarında biraderiyle müştereken tevcih olup mûmâ-ileyh Said Efendi sinnen kebîr oldukça adem-i ehliyyetine binâen uhdesinde bulunan nısf hisse meşihat ciheti nez' olunarak fî 23 Şevvâl sene 1330 târihinde biraderi müteveffâ-yı mûmâ-ileyh Abdülkadir Efendi uhdesinde bulunun nısf hisseye ilhâken ve müstakillen tevcih kılındığı ve ahîran mûmâ-ileyh Abdülkadir Efendi'nin vukû'-ı vefâtıyla münhal kalan meşihat ciheti meşâyih-i Nakşibendiyye'den Şeyh Abdullah Aktar Efendi uhdesine mu'âmele-i tevcihiyyesi icrâ kılınmış olduğu kayden müstebân [olmağla] mürâca'atında mûmâ-ileyhe tefhîmiyle işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Sîret, Remzi, Mustafa, Seyyid Mehmed es-Sükûtî

IST_MFT_MSH_DFT02_01746_0001-0191

Bursa'nın Hoca Mehmed Karamânî Mahallesi'nde, Eyüp Efendi Zaviyesi'nin meşihatine ait vakıf ve tedavül kaydının Evkaf Nezâretinden istenmesi.

Fî 28 R. sene 1339 / Fî 8 Kânûn-ı sâni sene 1337 / Hüsâm / Kırmızı 423 / 381 / 1 / - / 4 / Fî 30 Rebî'ülâhir sene 1339 [10 Ocak 1921] / Fî 10 Kânûn-ı sâni sene 1337

Derkenâr

Bursa'nın Hoca Mehmed Karamanî Mahallesi'nde kâin Eyüp Efendi Zâviyesi meşihat ciheti hakkında Şûrâ-yı Evkâfdan i'tâ olunup Evkâf-ı Hümayûn Nezâret-i celîlesinden mazrûfen irsâl olunan ve Meclis-i dâ'iyânemize havâle buyurulan fî 10 Ra. sene 1339 ve fî 22 Kânûn-ı evvel sene 1336 târihli ve 3947 numaralı işbu müzekkire ve merbûtu kıraet olundu.

Îcâbı ba'dehû teemmül ve arz olunmak üzere evveleminde dergâh-ı mezkûrun meşihat ve şûrût-ı tevcihiyyesine dâir kuyûd-ı vakfiyyenin tedâvül kaydıyla beraber bi'l-ihrac irsâli zımında i'âdeten ve mazrûfen nezâret-i müşârun-ileyhâya irsâl buyurulması tezekkür kılındı ol bâbda.

Mehmed Hâşim, Sîret, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0192

Seyyid Nizam Efendi ile Seyfullah Efendi dergâhlarına ait Evkaf Nezâretinden gelen müzekkirenin Evrak İdaresine havalesi.

Fî 25 R. sene 1339 / Fî 5 Kânûn-ı sâni sene 1337 / Hüsâm / - / - / - / - / 3 / Fî 25 Rebî'ülâhir sene 1339 [6 Ocak 1921] / Fî 5 Kânûn-ı sâni sene 1337

Müzekkere

Havâle buyurulan işbu müzekkire kıraet olundu.

Seyyid Nizam ve Seyyid Seyfullah efendiler hazerâtının dergâhlarına âid Evrâk'dan Evkâf Nezâret-i celîlesine âid olan dosya ile Bâb-ı Fetvâ Evrâk Kaleminde hıfzı lâzım gelen dosya tefrik edilmekle nezâret-i müşârun-ileyhâya âid dosyanın iki nüsha listesi Müdiriyyet-i aliyyelerince tertib ve bir nüshası hıfzolunarak icâb eden mu'âmelinin icrâsı zımında işbu tezkirenin takımıyla Evrâk İdaresine havâle buyurulması tezekkür kılındı ol bâbda.

Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0193

Merdivenköy Şahkulu Zaviyesi türbedarı İsmet Efendi'nin, görevini vekil tayin ederek değil de bizzat yapması gerektiğinin kendisine tenbihi.

Fî 22 R. sene 1339 / Fî 2 Kânûn-ı sâni sene 1337 / Hüsâm / İstid'â 2041 / 379 / - / - / 2 / Fî 25 Rebî'ülâhir sene 1339 [6 Ocak 1921] / Fî 5 Kânûn-ı sâni sene 1337

Nerdüban köyünde Şahkulu Zâviyesi türbedârı İsmet Efendi tarafından takdîm olunup havâle buyurulan işbu arzuhâl ve merbûtu kıraet olundu.

Mündericâtı: Dergâh-ı mezkûrda vekâleten bulundurduğu Tevfik Baba'nın dergâh-ı mezkûr teberru'âtını zimmetine geçirmekte olduğundan dolayı vekâletten çıkardığından ve mûmâ-ileyhin dergâhta hiçbir alâkası kalmadığından ve sâireden bahisle vukû' bulacak mürâca'atının

nazar-ı iltifâta alınmamasını istihâmından ibâret olup kuyûda lede'l-mürâca'a müsted'î-i mûmâ-ileyh zâviye-i mezkûre türbedârlığına bi'l-asâle ta'yîn kılındığından vazifesini bizzât ifâya mecbûr ve idâresinden mes'ûl olmağla ömr-i şer'î tahakkuk etmedikce vekâletle ifâ-yı vazife etmesi kabûl edilemeyeceğinin mûmâ-ileyhe tefhîmiyle işbu arzuhâlin merbûtuyla Evrâk İdâresinde hıfzı tezekkür kılındı ol bâbda.

Mehmed Hâşim, Sîret, Remzi, Vahyî, Mustafa, Seyyid Mehmed es-Sükûtî

IST_MFT_MSH_DFT02_01746_0001-0194

Üsküdar Solaksinan Mahallesi'nde Selâmi Ali Efendi Dergâhı şeyhi Aziz Mahmud Efendi'nin vefatıyla; münhal meşihat, imamet ve hitabet cihetleri için yapılacak imtihana ait ilan, Takvîm-i Vekâyi' ve diğer günlük gazetelerde ilanı.

- / - / - / - / - / - / - / - / 2 - 3 / Fî 21 Rebî'ülâhîr sene 1339 [2 Ocak 1921] / Fî 1 Kânûn-ı sâni sene 1337

İ'lân

Cihât-ı gayr-i meşrûttan Üsküdar'da Solaksinan Mahallesi'nde kâin Selâmi Ali Efendi Dergâh-ı şerîfi postnişini Şeyh Aziz Mahmud Efendi sagîr mahdûmunu terkle vukû'-ı vefâtına mebnî inhilâl eden meşihat ve imâmet ve hitâbet cihetlerinin niyâbeti için bir zât ta'yîn edileceğinden şehir-i Kânûn-ı sâni'nin on beşinci Cumartesi günü müsâbaka imtihânı icrâsı mukarrer olduğundan tarikat-i aliyye-i Celvetiyye meşâyih ve hulefâsından tâlib olan zevâtın yevm-i mezkûrda zevâlî sâ'at onda Meclis-i Meşâyihde isbât-ı vücûd etmeleri lüzûmu beyân olunur.

Yazıla

Merbût dört kıt'a i'lân va[ra]kasının yevmî evrâk-ı havâdisle neşri zımnında işbu müzekkire Bâb-ı Fetvâ Me'mûrîn Müdiriyyet-i aliyyesine tevdi' kılındı.

Matbûât-ı Umûmiyye Müdiriyyet-i aliyyesine

Üsküdar'da Selâmi Ali Efendi Dergâh-ı şerîfi cihâtı hakkında leffen takdim kılınan iki kıt'a i'lân varakasının *Takvîm-i Vekâyi'*le neşrine müsâade buyurulması bâbında irâde efendim hazretlerininindir.

IST_MFT_MSH_DFT02_01746_0001-0195-196

Topkapı'da Bektaşî Dergâhı postnişini Abdullah Baba tarafından verilen arzuhalde; Bektaşîliğin diğer tarikatlar gibi kabul edilmesi teklif edilmişse de, bu konu kanunla belirlenmiş olduğundan Meclis-i Meşâyihçe bir karar verilemeyeceğinin beyan edilmesi.

Fî 14 R. sene 1339 / Fî 25 Kânûn-ı evvel sene 1336 / Hüsâm / İstid'â 2024 / 375 / - / - / 1 / Fî 21 Rebî'ülâhîr sene 1339 [2 Ocak 1921] / Fî 1 Kânûn-ı sâni sene 1337

Derkenâr

Topkapı hâricinde Bektâşî Dergâhı postnişini Abdullah Baba imzâsıyla Sadâret-i uzmâyâ takdim ve mazrûfen makâm-ı âlî-i Meşihat-penâhîlerine irsâl olunup Meclis-i dâ'iyânemize havâle buyurulan işbu arzuhâl kırâet olundu.

“Bundan evvel dahi müsted'î ile sâire tarafından verilen ve aynı istid'âyı muhtevî olan arzuhâl üzerine yazılan karârda” hülâsa-i meâlî: Cennet-mekân Sultân Mahmud Hân cânibinden Bektâşî

tarîkine mensûb dergâhlar türbedârlığa tahvîl ve o tarîkat nâmına resmî mu'âmele yapılması men' edilmiş ve el-yevm devâm etmekte bulunmuş olduğundan i'tikâdımız amelimiz tarikatimiz şer'i'at-i garrâ-yı İslâmiyye dâiresindedir böyle bir zümre-i muvahhidîn câmi'a-i mukaddese-i İslâmiyye hâricinde tutulmak şer'an câiz midir şu mu'âmeleden kulûb-i ihvân münkesir oluyor evvelce takdîm edilip meşihat Evrâk Kalemünde mahfuz bulunan istid'â ve risâlenin müeddâları vechile tarîkat-i aliyye-i Bektâşîyye'nin dahi turuk-ı sâire misilli Devlet-i aliyyece resmen kabûl buyurulması husûsuna delâlet buyurulması istirhâmından ibâret olup keyfiyyet lede't-tezekkür turuk-ı aliyye cümleten kitâb ve sünnetten müstenbat ve me'hûz ber-nehc-i şer'-i kavîm meşrû' bir râh-ı salâh ve takvâ olduğu cihetle umûm efrâd-ı millet-i İslâmiyye'nin teveccüh ve hüsn-i kabûlüyle teessüs ve intişâr etmiş ve hiçbir vakitte hiçbir devletin hiçbir tarîk-i meşrû' hakkında ayrıca böyle bir tasdik-i resmîsi sebk etmemiş olduğuna ve bi'l-cümle mülûk-ı akdemîn-i İslâmiyye tarafından husûsan selâtîn-i izâm-ı Osmâniyye hazerâtı ahkâm-ı şer'iyye ve umûr-ı dîniyyede pek ziyâde ihtimâm ettiklerinden turuk-ı mezkûre müntesibîni devlet-i ebed-müddet-i Osmâniyye uhdesinde her zamandan ziyâde mazhar-ı hürmet ve mu'âvenet olmuş ve el-yevm olmakta bulunmasına binâen Hacı Bektâş-ı Velî Hazretlerinin de tarîk-i sûfiyyeden olması tabîî bulunması cihetiyle kendisine mensûb tarîkin diğerleri gibi bir gûne kabûl ve tasdik-i resmîye muhtâc olmadığı ve i'tikâdî ve amel ve tarîkini fi'l-hakîka şer'i'at-i garrâ-yı İslâmiyye dâiresinde bulunan, değil bir zümre bir ferd bile bir emr-i resmîye tevakkuf etmeyerek tab'i'atiyle beyne'l-müslimîn kendilerinden bir ferd addolunup câmi'a-i İslâmiyye hâricinde kalmış değildir ve kendilerinin el-yevm Bektâşî tesmiyesine ve kıyâfet ve kisvelerine bir gûne mümâna'at ve ta'arruz vukû'u da işitilmemekte olduğu gibi o nâm ile gerek Meclis-i Meşâyih ve gerek mehâkim-i şer'iyye ve nizâmiyyeye ve umûm devâir-i devlete mürâca'at vukû'unda kabûl ve muktezâsı ifâ kılınmakta olduğu umûr-ı müsellemedendir ancak tarîkat-i mezkûre müntesibînin şer'an te-beyyün eden bazı ahvâline mebnî [0196] bin iki yüz kırk üç târihinde makâm-ı celîl-i Hilâfet-i uzmâdan cânib-i akdes-i şer'-i şerîften bi'l-istiftâ Hacı Bektâş-ı Velî Dergâhıyla derûnunda imâmet ve hitâbet cihetleri ve yâhûd mazanneden bir zâtın türbesi bulunan Bektâşî dergâhlarına imâm ve hatîb tarîkat-i aliyye-i Nakşibendiyye'den meşâyih ve türbedâr ta'yîni emr ü irâde ve bâlâları hatt-ı hümayûnla müveşşah fermânlar ısdâr buyurulmuş ve ol vechile kuyûdu tashîh ve bugüne kadar müceb-i âlîsince mu'âmele cereyân etmekte bulunmuş olduğundan bunun tebdîl ve tağyîri Meclis-i dâ'iyânemizin salâhiyeti hâricinde "bulunduğu arz edilmiş ve karâr-ı ma'rûz hâricinde şimdilik başka bir mu'âmele icrâsına imkân görülememiş" bulunduğu arz ve sâlifü'z-zikr istid'â ve risâlenin birleştirilmesi husûsunda menût-ı re'y-i sâmi-i hazret-i Meşihat-penâhîleri bulunmuş olmağın ol bâbda ve her hâlde emr ü fermân hazret-i men lehül-emrindir.

Mehmed Hâşim, Sîret, Cevdet, Remzi, Mustafa